



新編古今姓氏通譜卷第一



臨川布衣洪景脩

進可編

北平 姓慕周景王子封陽樊陽虎魯人陽處父晉人陽

陽 膚為士師陽翁伯周末家北燕無終山秦置右北平人陽句

楚人

陽雍伯設義漿無終山飲行人三年有一人飲漿出懷中石子一

升曰種此生美玉可易美婦種之藍田及北平徐氏富而女美

曰得白一双可婚視藍田得白璧五双聘徐氏女漢天子異之

名拜大夫號玉田楊氏范見范通燕書晉于寶搜神記

楊球字方正補尚書郎達故事章奏議處臺閣信之拜司隸校尉
誅王甫等敕中都官從事曰先公大滑次按豪右傑官者王甫
尸下城門豪右屏氣京師震畏凡推門奢美物飾緘滕不敢設
陳漢靈紀

陽裕字士倫叔父眈曰此兒吾門標秀佐時良器仕北燕慕容皝
拜大將軍司馬謙恭清儉剛簡士大夫流亡羈絕者為經營收
葬存恤遺盧諶曰吾及晉承平歷朝士多矣忠智毅烈篤信義
如陽士倫者無議幾 晉載紀

陽鷺字士秋平州別駕以策干慕容皝拜左長史東西征伐參謀
帷幄太尉 北燕

東武劉燕庭氏校鈔

陽黑頭孝義四世同居詔蠲戶租旌表門閭 南史

陽尼字景文李冲以義為碩學舉國子祭酒幽州中正自薦其子
子孝文帝曰祁奚名垂往史今有二祁奚從孫子字敬安博舉
拜侍書御史多有所劾奏宣武訪得失固奏讜言又着演牘賦
以明通塞之理作刺終嬖倖之詩剛直雅正在官清潔之休之
字子烈雋爽有風檠文藻語曰能賦能詩陽休之仕齊散騎常
侍監修起居注拜中山太守群甘露降遷吏部尚書選仕惟允
文仕乃曰北官清華但繁劇妨吾賞適真是樊籠

陽藻字景德固從兄涉獵經史位中書博士 子斐字叔鷺仕魏
散騎常侍聘梁尚書羊侃有舊召至其家相見三致書不往還

嘉蔭錄

除廷卿 固從弟昭字元景學涉史傳閑案牘仕齊墨曹參君
子靜立性純孝操履清方仕齊

陽雄字元略善附會謀身任兼內外保全爵祿

陽嶠其先自北平徙洛陽北齊尚書右僕射休之四世孫也擢八
科皆中謹飭好學以清

唐白聞好誘掖後進

陽城字亢宗定州人好學貧無書求為吏隸集賢院乃竊院書讀
之晝夜不出戶積六年無所不通及進士第乃隱中條山柳谷
之北與弟 階城 易衣而出年長不娶曰吾兄弟孤惇相育
娶則間外姓益疏弟感其意亦不娶謙恭簡素遠近爭訟詣城

東武劉燕庭氏校鈔

決之宰相李泌薦子朝名以著作不拜德宗召拜諫議大夫褐
衣詣闕上賜緋衣裴延齡誣逐陸贄城守延真閣上疏極諫累
日諫不止愈勵上怒欲延齡城哭子廷曰延齡若相吾當取白
麻裂之上不果相延齡力也遷國子司業語諸生曰學者學為
忠孝諸生有久不省親者予講經籍生徒斤斤有法度薛約以
枉直言事譴連州吏捕迹之城舍上怒城黨有罪出城道州刺
史大夫學何蕃舉愾率諸生二百餘人頓首闕下請留城至道
州產諸儒充歲貢城哀其生奏罷貢州人德之治民始治家觀
察使督其賦稅上考貢第城自署曰撫字心勞催科政掘考下
下初拜諫議大夫韓愈作諍臣論貽之故貞元拜陸贄時城率

帥拾遺至仲舒歸登補缺熊執易崔郊等守延英閣上疏城德行道義士林所敬德宗銀印赤紱起于隱所道州之貶諸生投業叫閣賢士掠辭頌德元徽之詩曰貞元歲去云暮朝有曲如鈞飛章八九上若皆珠暗投且曰事不止臣諫誓不休白樂天云陽城為諫議以正事其君其子如屈軼舉心指佞臣平使不仁不得秉國鈞柳子厚云杭志厲義真道是陳姓苑周唐叔封晉出公遜于齊生伯喬以支庶食采楊色

楊 其曾孫晉所滅楊雄自叙

楊雄字子云西蜀成都人姓佚蕩口訥不能劇說以位不過侍郎擢給事黃門 汲汲矜富貴不戚戚於貧賤王莽誅歆劉棻等

東武劉燕庭氏校鈔

雄方校書天祿閣自投死幾死京師語曰惟寂寞故投閣以茶從雄學奇字恐連門官上執載為官拓落不足垂世乃著法言草 志以速顯不坐以病免家貧嗜酒有好事者載酒問奇字鉅鹿侯芭從受法言大玄劉歆曰空自苦會學者有祿利尚未明易一人如玄何吾恐後人用覆醬瓿耳天鳳五年卒年七十一著述言大玄解嘲解難長揚賦甘泉賦反騷弟屈原懷沙解牢愁

天水姓慕周幽王封宣王之子尚父為楊侯至其後并於晉春

揚 弘農秋晉叔向食采揚曰揚食我

揚回見趙簡子曰臣居鄉三逐事君三去聞君好士故來見簡子

曰盛德之事乱世所疏遂以相其國大治

楊朱弟布問曰有人年兄弟也言兄弟也兄弟也貌兄弟也而壽
天父子貴賤父子愛惜父子名譽父子吾惑之朱曰古人言不
知所以然而然者命也列子云墨子見練絲而泣曰可以黃可
以黑楊朱見岐路而泣曰可以南可以北淮南子云

楊僕以嚴酷為主爵都尉漢武帝拜樓船將軍初函谷關在弘農
僕立功耻居關外上書乞移關東以家財給役史記及前漢本傳
楊寶七歲行華山見黃雀為螻蟻所困寶活之一日化少年持玉
環報曰掌此子孫累世三公寶生震震生徒東生賜賜生彪
楊震字伯起博學通經歸闕西夫子楊白起授李從成市地多槐

東漢楊震氏世抄

號槐市有崔御三鱸集講堂弟子曰蛇鱸者卿大夫服之象也
數三者法三台也先年自此升矣鄧騭辟之累遷荊州刺史東
萊太守之郡道昌邑所舉荊州刺史茂材王密為昌邑令夜懷
金遺之震曰故人知君君不知故人何也密曰暮夜無知者震
曰天知地知子知我知何謂無知震遷涿郡太守子孫蔬食徒
徒步或勸治產震曰後世稱清白吏子姓以此遺之不亦厚乎
安帝末累疏奏奸臣樊豐等不能誅詔收震太尉印綬震飲醜
卒葬華陰潼亭有大鳥長丈餘集喪前俯仰悲鳴因立表石象
鳥墓所震長子牧中子秉生賜子彪四世太尉德業繼東京
名族表氏並稱

楊秉字叔節栢帝時太尉性不飲喪妻不服娶居官所至以淳白
祿曰我有三不惑酒色財也 子賜楊賜字伯獻目青蛇上
封事七為司隸校尉五登袞職謚文烈候

楊彪字文先漢獻帝司徒其子為曹操所殺操見彪曰何瘦甚彪
曰愧無日磔光見之明猶懷老牛牴牾之愛操改容

楊竒牧之孫靈帝侍中上曰卿負楊震子孫死必復致大鳥

楊脩字德祖彪子也七歲見孔融曰楊梅君家果也脩曰孔雀

君家禽乎

五曹操

楊王孫漢武帝時學黃老家千金厚自養及病戒子羸英子不忍
往見其友祁侯書諭王孫報云聖人緣人情不忍其親為制以

史武別燕庭氏校鈔

禮今世裕越之五以矯世夫死歸也及貞冥亡形亡声乃合
道情裏以幣帛隔以棺槨口含玉石斂化不能斂為粘腊棺槨
朽懷乃就貞宅由是言之為用火容祁侯日善漢本傳

楊敞華陰人代王訢為丞相封安平侯霍光愛厚 子忠 弟揮
封平通候坐免為庶人治產以財自娛友孫會宗諫之揮答會
宗書田家作苦歲時伏臘烹羊庖羊斗酒自勞家本陳人能秦
声婦趙女善鼓琴酒後耳熱仰天俯岳而呼烏 又作南山種
豆歌田彼南山蕪穢不治種一頃豆落而為箕人生行樂耳須
富貴何時會日食驕馬根恠成上書告憚安新漢宣記及本傳
古今詩話云古學問師友淵源憚書迥出流輩者司馬遷外甥

也楊政字子行通經受梁兵易京師語曰經鏗：楊子行楊濟
與傳咸書曰生子癡了官事官事未易了也 互傳姓

楊由字袞侯習易及七政元氣風雲占候為郡文學掾

楊仁字文義習韓詩舉孝廉為郎太常上仁經中博士顯宗台問

當世政事仁上便宜十二事 楊得意薦司馬相儒

楊宗字子山成都人顯宗拜校書郎著春秋外傳十二篇

楊厚字仲栢父統習天文推步為彭城令天旱太守使統為郡祈

雨應時降澍厚學父業三遷侍中歸家教授生徒上名錄者三

十餘人厚年八十二卒學徒鄉里謚曰文公 後漢書

楊俊舉茂材安陸今南陽太守立學宣化再任南陽恩德流聞殊

東武劉雅廷氏校鈔

鄰異黨襁負而至宜還本朝宣力輦轂熙帝之載

揚阜字義山武都太守政舉大綱魏文帝問阜何如人皆言阜有

公輔之節上非法服不敢見阜會朝議政以天下為已任 三國魏志

揚儀襄陽人諸葛亮出師儀歸畫分部籌度糧餉不思慮軍戎

節度取辦於儀孔明卒儀與魏延不協相攻 蜀志

揚洪字季休事繼母至孝拜蜀郡太守

楊佺期曾祖準太常自太尉震至準七世有名德佺期沈勇果勁

凡廣弟思平強橫龐暴江表豪勇

楊文宗有文武元皇后震之後

楊公則字君翼晉壽春太守扶風太守湘州刺史清潔廉填吏民

嘉蔭後

悅之南史

楊肇字季初荊陽人封東武伯謚戴候楊君始見知名申之以婚
姻而道元公嗣亦隆世親之好晉史

楊播字延慶父懿廣平太守給事中播衛尉卿出漢北擊蠕大
克獲遷武衛將軍子侃字世業播一門貴滿朝廷侃獨不交
遊公卿仕至侍中

楊椿字延壽初為中郎法曹孝文加之登侍中尚書四歷九卿十
為刺史加司空戒子孫曰汝家仕皇魏以來有七郡太守三十
二州刺史內外顯官時流少比汝等能存禮節不奢淫驕傲乃
足成名家椿兄播弟津子昱字元略錯東將軍梁書

東魏列傳卷之三

楊津字羅漢岐州刺史僚佐濁賄者不顯言其過私書切責人人
感厲不敢犯法遷定州刺史盜掠州境津置爐鑄鐵持以灌賊
賊黨相語曰不畏利槩堅城惟畏楊公鐵星子道字山才尚
書左丞逸字遵道秦州刺史年二十九改光州刺史方伯少
年遠近善惡畢問咸曰楊使君有千里眼逸弟謚字和遵彥從
兄昱日此兒駒齒未改已是我家龍文更十年當求之千里外
楊倍仕齊累遷尚書令典選二十餘年以獎拔人物為已任然取
士多以言貌時致謗言曰楊倍取士如貪士市瓜取其大者身
居大位門絕私交並北史

楊纂仕周文帝河橋芒山之戰先登勇敢遷驃騎大將軍華州刺史

嘉蔭錄

楊慶字伯悅母喪自負土城墳齊文宣帝表其門閭北史孝行傳
楊敷字文衍魏廷尉卿決獄平允子素

楊素字處道仕周帝命草制下筆立成上曰勉之不憂不富貴時
日但富貴來逼臣无心於貴貴柳机柳昂官清要上召宴素曰
二柳俱摧孤楊獨聳周武帝拜儀同三司隋代陳時素封清河
郡公提水車東下建紅旗素容貌英人望之曰清河公其江神
也平陳加尚書僕射與高頻共政素于朝臣中推高頻敬牛弘
厚待薛道衡視蘓威箴如也素才優高頻而識度不及也封越
國公文中子稱越公詔曰懷佐時畧抱經國材論文則詞業繼
橫語武則權奇間出每稟戎律長驅塞垣南指而吳越肅清北

東史別傳慶氏校錄

臨而撫儉推服授司徒子玄感妹婿封德彝

隋史

楊玄感拜鄆州刺史迁禮部尚書重文學四方名士多出其門隨
帝好征伐玄感求為將上曰將門有將素第約字惠伯隋內史
楊昇字文殊髻亂曰誦千言仕周寧都太守

楊寬字蒙仁歷數郡守入臺閣通敏清簡有當官之譽子字温仁
隋魏州刺史有惠政吏民立碑頌德弟紀字温範宗正卿禮部
尚書

楊机字顯略洛陽令司州別駕河北太守度支尚書正己奉公方
直弥厲

楊紹字子安鄆州太守有威惠子雄隨左衛大軍將寬仁下朝野

嘉蔭後

屬心雄弟達字士達鄴鄭趙三州刺史隋文差品牧宰達第一
擢工部尚書楊素曰有君子貌有君子心者惟楊士達耳

揚仁恭隨大業與屈突通獲賊煬帝曰卿奉公勇決如此蘇威曰
仁者必有勇拜涼州總管唐太宗拜洛州都督時以方漢石慶
揚師道字景猷唐貞觀年侍中參朝政曰吾讀孔光傳想其餘
風邊中書令工詩善草隸書名士宴集歌詠自適上賜宴命賦
詩立成唐書楊弘武西臺侍郎

揚弘禮字履莊素弟之子唐征遼拜兵部侍郎領步騎二十四軍
出所向克捷太宗曰越公兒郎故有家風

揚元琰字溫邠州人生數歲未言相者曰語遲者神定必為重器

史表其政七遷州刺史

秀眉美鬢崇肩博頤居親喪七日不食奏補平棘令課第一御
史表其政七遷州刺史

揚瑒字瑤光華州人為國子祭酒奏舉選在官清白吏名立石紀
德

揚慎矜隋齊王暕曾孫唐開元太府卿御府財貨山積歲加節省
數百萬戶部尚書致仕

揚再思武后時宰相十餘年阿匱取容水沴閉坊門襍水再思入
朝見車行陷溲叱牛不前恙怒曰癡宰相不能和陰陽閉坊使
我艱行再思遣吏語曰汝牛自弱不得專責宰相癡

揚綰及第

制科加詩賦自維始代宗除禮部侍郎典選與賈至嚴武同朝大曆年常袞同平章維清儉簡素制下之日朝野相賀郭子儀方宴賓聞之減音樂五分之四京兆尹^黎幹減騶從正晉十騎中丞崔寬第宅宏侈即日毀撤代宗方倚任維以革弊政會維疾卒上曰天不欲朕致太平何奪揚維之速唐世賢相當時比之

揚震山濤謝安

唐本傳

揚交字公南鳳翔人父播進士退居養親弭玄靜先生交美鬢眉峻風宇文藻雄蔚河西呂崇賁辟為掌書記父喪盧墓有紫芝白雀瑞詔表門閭三世以孝聞其門樹六闕古未有也拜中書舍人與常袞同知制誥自開元後制誥稱德宗拜門下

東坡先生校鈔

侍郎同平平章奏財賦拜國大本先師時朝權制於中官大臣不得知無以計天下利害請付之有司上從其奏初租庸調法開元承平日久版籍弊在丁口死徙田畝換易富升降非昔時交請定兩税法交起嶺表單議悞主上天下翕然望為賢相唐揚國忠善窺上意而迎以聚斂驟遷一歲中領十五使又遷給事中御中丞判度支恩幸日隆蘓冕奏設官分職各有司存政有常而易守事歸本而難失茲臣言利宇文蝸首唱其端揚國忠終成其亂仲尼曰寧盜臣不可聚斂之臣誠我是言

揚思勗給事內侍省玄宗討平內難倚為爪牙

揚炯盈川令與王敦盧照鄰駱賓王稱四傑王楊盧駱炯曰愧在

嘉慶

王前耻居王後烟作文好用人名時曰黠鬼薄駱賓王好用數目時曰笑博士 五裴姓

楊光遠唐進士遊謁公候每好誹謗招辱無耻時謂楊光遠慙顏厚如十重鐵甲

楊父越漁者女絕色謝生求之楊曰吾女嫁公卿謝曰少女少郎相樂不忘安有少年公卿楊曰能續吾女詩則可詩曰珠半廉床月青竹蒲林風謝曰可是青霄景無人解與同遂成婚七年女吟曰春盡花隨盡其如似是花從來說花意不過此容華賤目卒踰一年或見江煙溶洩中曰吾水仙也謫人間七年

楊於陵字達夫震之後年十八及第調潤州句容縣尉韓滉曰佳

東坡劉夢良氏校鈔

麗情集

婿無如楊於陵遂以女妻之於陵官至尚書僕射 嗣復

於陵嶺南節度使教民陶瓦易蒲屋以除火患

楊嗣復字繼之初生外祖韓滉撫其背曰名位必踰其父楊門之慶也字曰慶門八歲能文擢宏詞科裴度柳公綽 知

遷禮部侍郎父戶部侍郎詔曰官同職異父子兄弟無迴避中書舍人與李宗閔牛僧孺善牛李輔政引知禮部貢舉二期得士六十八人多顯文宗擢尚書左丞劔南東川節度使與李同平章弘農縣伯卒年六十六謚孝穆初嗣復具慶下放兩榜進士時於陵以僕射入朝嗣復率門生覲父潼關回宴新昌里第諸門生翼坐元白諸公即席賦詩楊汝士詩云隔坐應須賜

嘉蔭後

御屏畫將仙翰入高冥文章舊價留壺掖桃李新陰在鯉庭再
歲生徒陳賀宴一時良史畫傳馨當年疏傳已云盛巨有茲言
醉醲醺元白二公閣筆汝士醉歸曰今日壓倒元白嗣復五子
授字德符及進士第仕至少保損字子默官殿中侍御史平盧
節度使卒官授子照字公隱官至諫議大夫

唐本傳

楊汝士字慕巢擢宏詞遷東川節度 時調復鎮西川兄弟對東
麾節汝士二子知溫知至俱登科知溫荆南節度使知至拜
相後為冠族居靜恭里兄弟列戟咸通年中在臺省方鎮者十
餘人

唐本傳

楊朝晟字叔明夏州人先鋒果毅父懷賓

將斬張昕以

東武劉燕庭氏校鈔

平李懷光之亂父子俱為開府賓客拜邠寧節度使

楊憑虢州人善文詞弟凝凌俱有名大曆進士及第稱三楊憑尚
氣節重交游與穆質許孟容李

時稱楊穆許李凌子

敬茂孝及第兼太常日二子戎戴登一時士林傳頌李德裕尤
咨賞敬雅愛項斯詩有到處逢人就說項詩之句

楊元卿慷慨高論人稱狂生吳少誠跋扈元卿陳君臣大義以動
其心元濟襲亂元卿思竭其財給元濟曰公宜大賜將士我為
持表見天子乃入朝具言虛實奏請救諸道討之拜授金吾衛
將軍涇原渭節度使開廢田五十頃涇渭民德之河陽節度使
及何進滔亂元卿獻粟二十萬石取天子平亂

楊虞卿字師臯虢州人父寧高操擢明經調臨渙主簿棄官與陽城結莫逆交德宗召城諫議大夫不拜詔寧勉諭城拜國子祭酒虞卿擢博學弘詞授校書郎抵淮南遇陳商貧不克葬其親素不相識虞卿空橐中金助之擢監察御史穆宗逸遊萇咨虞卿奏疏極諫遷禮部尚書員外郎進吏部

楊惠元唐神策將軍德宗御望春樓宴將士獨神策軍不飲酒上問之對曰臣廢奉天張巨濟戒臣曰此行也建大功名凱還相與為歡苟未捷勿飲酒故不敢奉詔往戎關東有司沿路具酒食獨惠元所司一軍餅罌不發上賜詔勞美

楊元素

隔弱水三萬里

東武劉燕庭氏校鈔

楊收字藏之七歲而孤母授經年十三通大義善屬文吳人稱神童里人造門壓壞其藩收吟曰汝非羸角者何以觸吾藩博學強記它藝無不通其未達母奉浮屠屠不如葷約曰汝進士及第乃食肉兄假進士及第浙西判官監察御史收及第自西川拜官兄弟同臺收懿宗時拜相初潯陽耕者得古鐘高尺餘收扣之曰此姑洗角也副拭有刻在兩藥果然收言琴通黃鍾姑洗無射三詔有安說自云善琴收問五絃外兩絃說曰世傳周文武王所加收問能文王操乎說即奏黃鍾宮以少商應絃收曰文王世安得武毅乎說驚服因以收言樂

楊涉字

宰相父嚴兵部侍郎涉舉進士昭宗授吏部尚書世

嘉蔭後

家名流守禮法性慎厚遭末拜相唐亡入梁拜平章知貢舉子凝式

楊凝式工書北歷仕五朝官太保晚居洛陽

楊彥詢字成章河中寶鼎人少從青州王師範好學聚書萬卷使彥詢掌之晉高祖鎮太守原廢帝疑之擇諸將慎厚者副乃授彥詢太原節度使卒贈太師 五代史

楊行密善御將推心無猜忌淮南破兵六年士民轉徙行密初至賜將吏帛不過數尺錢不過數百勤儉足用公燕 徭薄

歛招流亡數年公私富庶蘆州蔡傳發掘行密祖父坟行密斬之或請發蔡傳父母坟行密曰傳以此得罪吾豈可效之

東武劉燕庭氏校鈔

楊廷璋字溫玉真定人父洪裕少時漁于貂裘陂神人

授之其一翼掄作三翼掄右神曰吾嶽使也不見是年洪裕生一女長為周淑妃明年生廷璋以淑妃貴周世宗授節度使宋初荆罕儒監晉州兵疑廷璋為周近親敬圖之見必挾刃廷璋待以至誠初周太祖諭廷璋圖涇帥史懿而廷璋屏左右示之詔書懿受代入朝免駝世以罕儒挾刃不能如害為此報應入朝授靜難軍節度使移廊州 宋

楊守一家象先洛陽人唐末從宋鄭問初名守素太宗賜改名端拱元年僉書樞密

楊業并州太原人弱冠從劉崇以戰功 遷建雄軍節度使所向

嘉蔭移

克捷祿楊無敵太宗征太原業據城不下及劉維元降太宗命
生致之得業大喜授左領衛大將軍知代州子延昭初名延朗
楊延昭太宗授崇儀使契丹入寇延昭守遂城之下無備攻之急
衆懼延昭集城外丁壯汲水注城天寒冰滑且不可近契丹解
去拜莫州刺史契丹攻之延昭伏兵羊山之西而戰其羊山北
誘之伏發之敗獲其名王函首以獻之除英州防禦使智勇善
戰沈默寡言寒不裘雨不蓋身先士卒功則推將士咸樂為用
威震異域守邊二十年契丹畏之呼楊六節

楊礪字汝礪京兆雲人進士甲科夢人引至大宮殿陛見一南面
坐者曰來知天尊真宗在即召為記室礪悟即夢見者仕至翰

東武劉燕庭氏校鈔

林學士咸平元年工部侍郎樞密

楊崇勳蘄州人父全美太宗殿前指揮使崇勳東西承 真宗授
左侍禁四方館使卒謚公密恭

楊徽之字仲猷建州蒲城人父澄同邑江文蔚善賦江為善詩徽
之二江濟名遊學廬山及進士第太祖得人心徽之上書言之
宋禪周乃見其書曰此周室忠臣除使館修撰奏京師太學首
善之地宜建學崇化太宗語宰相曰徽之儒雅除判集賢院真
宗除徽之樞密真學士秘書監翰林侍讀學士兵部侍郎至道
九老會李昉張好問李運宋琪武允成魏石楊徽之年七十五
楊大雅字子正元名侃唐監察御史靖穆公虞卿孫承休克吳越

嘉蔭錄

策禮副使因家錢塘四世至大雅及進士第真宗詔召試真集
賢院二十七年不遷上書自薦拜右諫議大夫集賢大學知豪
州卒

楊察字隱必成都進士召試學士院著作江東運使發監楸伏一
道悚慄右正言知制誥御史何郊坐言事不寔察奏曰御史得
風聞言事着責問沮抑非所以重天子耳目官也拜三司使卒
謚宣懿公察七歲始能言學文敏捷瞻蔚

楊遂開封人善騎射具州王則反討平之穴城取賊以獻功第一
授神衛軍指揮使從狄青先鋒遇儂智高于歸仁鋪挑戰身被
數創士卒乘之賊奔潰授神宗授寧遠軍節度使卒謚壯敏公

東武劉燕庭氏校鈔

楊繪字元素漢州進士神宗擢知諫院奏宗室裁廕子奏上傳範
京東安撫杜外戚倖奏宰相曾公亮用曾鞏為史官以朝廷
名器為私乞正權之罪鞏罷史官繪去言職御史中丞滕甫奏
繪何罪去上曰力求補外繪踈遠寡拔立朝不畏強禦中直可
信上再除知諫院元祐年侍制知杭州卒

楊傑字次公無為軍少年甲科官太常一朝禮樂賴其討論侍講
筵王介甫蘓子瞻欽重之元豐召對有文號為無集

楊時字中立南劔人號龜山朱子四書引延平楊氏與游定夫謝
顥道俱從程明道學後自著庭魚通英殿說書遷國子祭酒右
諫議大夫徽猷閣學士工部侍郎兼侍講建炎卒年八十二

楊億字大年建州人祖夢一羽衣白懷玉山人覺生億擢神童科
參政李至吟朝闕詩願秉清忠節終身立聖朝太宗正旨卿文
章生知越景絕塵一目千里稱一代文豪咸平景德錢惟演劉
筠效李義山西崑體億編錢劉李詩設苑億王鼎王緯詩林江
東三虎任翰林學士上曰億不通商量有惟氣上欲冊劉后億
不草制上語王旦曰億文詞劉筠宋綬晏殊皆不及一時文章
有真元元和之風自億始丁謂酒令曰有酒如月如食則缺億
曰有酒如線遇斟則見億以母病辭弟倚同居韓城謝啟云介
推母子願推繇上之田伯夷弟兄甘受首陽之餓除左正言知
制誥翰林學士修國史知汝州天禧四年翰林學士卒年四十

東武劉燕庭氏校鈔

七仁宗贈禮部尚書謚文公王欽若陳彭年忌億擠之王文正
公保全之億直道特立成戲曰君子知微知章知柔知剛億曰
小人不取不仁不畏不義范文正公贊其像云命世之材其位
不充故天下知公之文不知其道也王文正公在相位二十年
未嘗見愛惡之迹天下謂之大雅冠萊公當國真宗幸澶淵左
右天子如山不動却夷狄保宗社天下謂之大忠樞密馬公扶
風知廊慷慨立朝有犯無隱天子謂之大正此三君子一代偉
人公與深交情同金石則公之道可知矣

宋言行錄

楊沂中賜名存中紹興元年宣州觀宣使神武中軍統制保戍軍
節度使殿前都虞候淮西宣撫副使少保少師太傅封和義郡

嘉蔭錄

王初與張俊岳飛平李成復江州又平劉猷保淮西皆受張俊節制

楊萬里字廷秀吉州人初仕零陵丞張忠獻公浚勉以成意正心之學侍講東宮光宗賜御書誠齋二字與提舉陳書云孔文舉李元禮無一日雅而文舉遠引仲尼白陽之交為世契張文潛與君家后山初不相識而以書空交曰朝陽之光在袖久者其書云耳吾家德祖與君家孔璋同為子建賓客非世契乎虞允文薦之孝宗遷煥章閣侍制寶謨閣學士開禧丙寅卒年八十贈光祿大夫有文集行世初孝宗曰楊萬里直不中律光宗曰萬里也有性氣誠齋自贊云禹曰也有性氣舜云

東武劉燕庭氏校鈔

直不中律自有二聖玉音不用千秋史筆

楊朴字契先路遇陳丞相克叟不避有指揮取狀朴以一絕對云昨夜西風爛熳秋今朝光上謾垂鈎紫袍不識衰衣客曾對君王十二樓陳慙謝朴莎衣詩軟綠揉藍著勝衣傍舡吟鈎最相宜蘆葭影裏和烟卧蒸藷香中帶雨披狂脫酒家春醉後乱堆漁舍晚晴時直饒紫綬金章貴未肯輕二博換伊宋朝

楊果宗初丁謂起第宅果中負土築基勞役萬狀後丁謂貶官果宗女入宮為戚里起家節鉞朝廷以丁宅賜果宗君三十年漢衛青平陽公主家奴後為大將軍封侯而宮主化離擇配左右謂無如大將軍主曰我家馬前奴也已而徧群臣無踰大將軍

嘉蔭錄

迄嫁衛青鶴林玉露

太山 春秋晉石^羊舌大夫 宋羊斟 戰國策羊子着書顯名

羊 羊舌職生赤白華生躬叔向生鮒叔魚生食我春秋末秦時
徒大

山羊續字興祖南陽太守府丞續生魚續受而懸之庭他日又獻
乃取前所懸者以歆之初入界微服間行歷覽縣邑采風謠然
後視事東漢

羊涉字嗣祖清直有學行拜冀州刺史奏貪濁群境肅然拜河南
尹計日受禁俸制豪右京師畏之東漢黨錮傳

羊祐字叔子太山南城人世吏二千石至祐九世清名祖續守南

東武劉燕庭氏校鈔

父道守上黨祐兒時往東隣李氏恒桑中取金環固知祐李氏
子後身性喜山水鎮襄陽登峴山置酒謂從事鄒湛曰自有宇
宙便有此山賢達登望多矣皆湮沒無聞湛曰公德冠四海道
繼前哲令聞令望當與此山俱傳若湛輩乃如公言祐立二碑
一峴首一沉水底白高岸為谷深谷為陵相也者言祐祖坟有
王氣祐鑿之相者曰當出折臂三公祐墮馬折臂位至三公科^拜
征南大將軍上疏平吳賈充不可祐曰天下事不如人意十常
八九天與不取豈非更事者歎於後時哉惟杜預張華與上意
合贊其成祐不然之衍拂衣去祐曰平夷後當勞聖慮從甥王
衍陳事清辯祐不然之衍拂衣去祐曰王夷甫以盛名取大位

敗俗傷化必此人也攻江陵祐以軍法將斬王戎行之從兄戎
衍皆憾時人語曰二王當國羊公無德祐在襄陽與陸抗對壘
抗疾祐以成藥與之抗服不疑或諫勿服抗曰豈有酖人羊叔
子哉抗適酒祐之輕裘緩帶緩懷遠近數十年卒後襄陽人歲
時祭之百姓望峴山碑流涕因目曰墮淚碑

羊欣字敬元曾祖忱晉徐州刺史父不疑烏程令欣年十二善隸
書侍父官時王獻之吳興太守愛重之欣夏曰着新絹裙畫寢
獻之入縣書裙數幅而去欣歷仕新安太守義興太守曰人生
仕宦二千石可矣稱疾免官歸

羊曇謝安外甥也安葬西州門外曇一日醉唱至西州門誦曹子

東武劉蕤庭氏抄

建詩生存華屋處零落歸山丘慟哭而返晉史 羊琇字稚舒

晉羊后弟洛中炭貴琇搗小炭硝和作獸炭何邵之徒共集以

溫酒火熱獸炭開口向人赫々然豪貴效之琇迁至散騎常侍

領禁兵預机密在職十三年春遇甚後厚 晉外戚傳

羊曼字祖延與阮放等称兖州八百以疑八雋曼為黠伯曼丹陽

尹 羊玄之惠皇后父官右僕射加侍中

羊玄保祖楷晉尚書都官玄保工奕碁宋文帝對奕觀郡玄保奕
勝補宣城太守丹陽尹會稽吳郡太守上以其庶素寡慈頻授
名郡政無殊績然所去見思

羊鑒字景期

羊侃字祖忻仕梁為侍中梁武帝製武宴詩示侃即席應制上曰
仁者有勇之者有仁鄒魯遺風英賢不絕

羊鴉仁字孝穆自魏入梁征伐青齊間以功授司州刺史

羊祉字靈祐剛復好刑名仕魏假節龍驤將軍秦梁二州刺史當
官不畏強禦每充奉使子深字文泉駕部郎中深子肅以文學
授武德郡太守

肅子孰字元禮州別駕廣平太守公平正直姦吏踣 敦弟烈
字信卿玄學知名楊平太守煌不入境詔褒遷光祿卿家傳素
業閨門修飭羊士諤有主人聞語未開門繞籬野菜飛黃蝶溪
漁隱稱之

東武劉燕庭氏校鈔

海陵有此姓云洋川候之後

洋

河南 周宣王臣方叔裔

方

方干處士以韋莊奏賜進士初隱嚴州桐廬白原又隱鑑湖稱鑑
胡處士有詞文一編李頻從干學詩頻及進士第僧法越送干
詩弟子以得桂先生猶灌園干子孫相繼登科范文正公詩風
雅先生舊宅存子陵臺下白雲村唐朝三百年冠蓋誰聚詩書
教子孫又與方楷云高之繼先君巖居與俗分有泉皆漱玉無
地不生雲隣里多垂釣兒孫半屬文幽蘭在深處終日自清芬

嘉蔭後

方蒙字達源元祐御史三子元修入徐擇之太名府幕元若若史元
知郡才名俱聞于宣和致和之間元修字務德方珣莆田方氏之祖
唐末珣自光州固始徙居白社塘之西

方達五代時泉州長史因居方山及游洋鎮

方瑾言宋時御史奉上命佑籍謂家謹言每得士大夫興丁謂往
還或聞節干請之書即焚之不以上聞時咸稱其長者謹言即
叔之後

方崧卿字季申隆興年及第試教官科知南安軍吉州廣東提州
運使廣西京西運使莆田志稱其接物知氣三十年安分在守
在官俸半為抄書費子信孺肇慶府通判方會顯謨閣侍制

東武劉燕庭氏校鈔

方子容惠州太守蘓子瞻謫惠州與交游子容孫畧方略崇寧
年登科歷朝州瓊州太守廣東運使

方偕天章閣侍制江淮發運使方子通吳人作古栢詩四邊喬
木盡兒孫曾見吳宮幾度春有灑瀨堆詩王介甫見而其奇也
方澤字公悅黃山谷寄鄂州南樓詩曰庾公風流冷如鉄誰其繼
之方公悅風俗通芳垂敷漢幽州刺史

芳

清河濟南舜封丹朱房邑候子陵氏為陵四十八世孫雅漢清

房

河南河太守雅十九世孫諶隨慕容德居濟南生四子豫垣遂

熙祿四龍房氏後魏河南官氏志屋引氏改房氏
房鳳字子光琅琊不其大夫司馬王根薦鳳明經擢光祿大夫九
江太守西漢儒林傳

方植字栢武漢栢帝時河南尹甘陵周福齊名當時謠曰天下規
矩房伯武因師獲印周仲進二家賓客互相机揣由是甘陵有
南北部黨東漢

唐法壽宋魏郡太守曾孫豹字平幹齊西河太守博陵太守樂陵
太守風教修明美政清靜玄孫彥謙通五經齊州主簿葛縣令
惠政稱茲父使者察舉彥謙天下第一授州司馬擢司隸刺史

子玄齡

唐書

東武劉燕庭氏校鈔

房玄齡字喬年十八歲及進士第吏部高孝基謂裴矩曰僕聞人
多矣未有如此即者異日必為偉器但恨不見聳壑昂霄耳孝
基以子孫託之玄齡為秦王府記室封臨淄侯每從征伐衆爭
取珍寶玄齡獨取人物置莫府太宗曰得玄齡猶光武之鄧禹
出入府中十餘年軍符付檄駐馬立辦文約理盡高祖曰若人
為吾兒陳筆千里外猶對面語與杜果兄孫如悔協判火計玄
齡居端揆十五年封梁國文昭公自佐秦王府至在相位凡三
十有二年疾且卒士表諫伐高麗在中書令上曰玄齡有決勝
帷幄定社稷在相位夙夜疆勤奉公竭節聞善若已有治家有
法度常恐子孫驕侈恃勢凌人集古今事作家誠書屏風令曰

留意於此足以保身保家男遺愛尚太宗女嵩陽公主女為韓王妃在弘文館十八學士之選天下仰之謂登瀛洲

房景伯字良暉齊州長史政寬簡崔光韶曰房景伯有士大夫之行業

房亮字景高好學有節操歷濟北平原二郡太守以稱嚴稱

房謨字景放歷呂平代郡太守以廉惠遷兗州刺史清廉宣布息信有清白名子恭懿字慎言隨豐令政為三輔最諸州朝集上稱以為勤勵者

房暉遠字崇儒世儒學明三禮春秋三傳易詩書從學負笈者以千計牛弘曰房崇儒五經庫仕至國子博士

唐儒林傳

東武劉燕庭氏校鈔

房瑄字次律河南人好學與呂向陸渾山十年瑄作封禪書張說舉為縣令天寶給事中監察御史明皇幸蜀拜尚書平章命瑄崔渙韋見素奉璽至靈武瑄上疏請自將兵復兩京遇安守忠於咸陽陳濤斜瑄用兵法以車戰敗於牛車明皇雜錄云開元中瑄盧氏宰與道士刑和璞游夏口材入佛寺坐古松下和璞使人鑿地甕中藏婁師德永禪師書謂瑄曰尚憶此乎瑄前生永禪也和璞居嵩隱間有穎陽書三篇瑄問終事刑曰降魄之處非館非寺病起魚飧而休于龜茲板後瑄在閭中紫極宮見有治龜注板者方思其言而閭州請具鱸是夕瑄病鱸卒年六十七

房式瑄族孫及進士第忠州刺史

房啟清河郡公

韓愈作墓碣

濮陽

舜

子商均為夏諸侯

商容紂臣春秋襄公二十三年商

商子車衛公孫鞅仕秦封商君曰商鞅

商澤字子季魯人贈睢陽伯封鄒平侯贊曰邈矣子季睢陽是伯

屏息是業延教登席未踐四科因涉六籍祀典載之好是正直

商瞿字子木魯人贈蒙伯封須昌侯贊曰易之為書彌綸天地五

十乃學師則有是子能授受洗心傳世幾其神宜被厥祀瞿傳

易學

中山殷姓避諱改湯

湯 范陽

東武劉燕庭氏校鈔

是貢士中州等袞卒同官閩人以配享學宮

唐書

常夢錫南唐翰林學士常達陝州人從高祖征伐上曰公忠節可

求之古人常思字克恭太原人從唐莊高祖征伐領武勝軍節

度使初周太祖少孤無倚每食于私家呼常叔及富貴周祖呼

常叔而拜其妻廣順年徙歸德節度使

常安民字希古蜀人及第成都府教授元祐年公卿薦其才召太

常博士紹聖召對倫蔡京姦足感眾辨足以飾非巧足以奪至

上視聽力足以顛倒天下是非內結宦官外連臺諫締交合黨

以圖柄用不早逐之他日悔將何及董敦逸再入御史欲再劾

蘓軾兄弟安民止之遂劾安民主元祐黨謫滁州監酒召除承

興路提刑蔡京用事通判鄆州入黨籍卒

常秩字夷甫隸州汝陰人明春秋居陋巷二十餘年嘉祐中歐陽修薦為隸州教授國子監直講大理評事知長葛縣不赴神宗詔入對熙寧七年竇文閣侍制侍讀

常同邛州人父安民蔡確連襟及確拜相安民不往還同官衢州太守

常潤劉錡福裡領精兵五百人打入三重圍裏活奪出劉錡有順昌之捷潤全軍陷偽齊六年歸國授拱衛大夫閤門宣贊舍人鼎澧辰沅靖五州防禦使魯山縣開國汝州魯山縣人葬洪州望雲門外 常珍字伯玉其後人也 宋

東武劉燕庭氏校鈔

天水姓慕芋姓楚莊王後以謚為氏

莊忌避漢明帝改韓嚴

莊 互嚴姓 莊暴見孔子

莊周蒙人著南華真經名莊子著書十餘言稱漆園傲吏

莊為陳軫適楚秦惠王曰之楚亦思秦乎對曰越人莊為仕楚爵執珪有疾楚王曰為越之鄙細人也今仕楚執珪富貴也亦思越乎曰凡人思故在其病也彼思越則越殺不思越則楚聲往聽之正越吟也今臣棄逐之楚能無秦殺哉

莊辛楚大夫襄成君翠衣玉劍履縞烏立游水上辛曰願把手君分心然辛曰鄂君子哲泛舟有越人榜柁鼓揖歌曰今夕何夕

嘉蔭後

寧中流今日何日與子同舟山有木兮木有枝心悅君兮君不知鄂君以袂擁之以被覆之君何踰於鄂君而臣何不若榜柁願把手而不可哉說苑

東海 春秋魯公子張食采臧僖伯 隱公五年傳

臧

臧孫達哀伯

僖伯子

桓二年諫納郟周內史曰臧孫達其有後于魯

臧孫辰文仲莊二十八年見傳文二年仲尼曰臧文仲不仁者三不智者三下展禽廢六閔妾織蒲三不仁也作虛器縱逆祀祀爰居三不智也

臧宣叔許文仲子宣十八年傳

東武劉燕庭氏校鈔

平原姓慕黃帝臣常先 一云衛康叔支孫封常邑因氏為

常 河南 春秋越大夫常壽過昭公十三年傳

常先黃帝時與風后力牧大鴻等稱六相以治民 外紀

常惠太原人天漢元年從蘓氏使匈奴俱留十九年漢求武匈奴言武已死惠教漢使者曰天子射上林鴈足帛書武在某澤中匈奴驚以蘓武常惠馬宏等九人還漢昭帝拜惠光祿大夫持節使烏孫還封長羅候代蘇武典屬國歷事武昭宣元四年謚壯武後 漢書

常樅有疾老子問曰過故鄉而下車汝知乎曰不忘故也過喬木而趨汝知乎曰敬老也張口示之曰吾舌存乎曰存吾齒存乎

嘉蔭錄

曰忘矣曰齒剛故亡舌柔故常存曰天下之事盡矣

常林字伯槐家貧好學漢末為諸生帶經耕鋤其妻餉在田里相敬如賓梁習薦為南和宰治化成遷博陵太守幽州刺史魏初拜尚書大司農欲致公輔稱疾告老拜光祿大夫 三國魏志

常爽置館溫水之右教授七百餘人由是北魏儒風大振爽立賞罰科第子事之如嚴君高允曰文翁柔勝先生剛克立教殊其成人一也孫景常景字永昌好經史文詞清德自居澹於榮利士至中書舍人不事權門 常何五馬周

常袞京兆人唐天寶進士官中書舍人瞻蔚文采代宗朝楊綰同平章德宗授福建觀察使初閩人未知學袞立鄉校親講導自

東武劉燕庭氏校鈔

湯休沈約宋書沙門惠休善屬文宋世祖命還俗官揚州從事江文通有惠休詩文送云日暮碧雲合佳人殊未來

湯嶠唐武后右臺侍御史 湯悅仕南唐拜相右才名唐中主遣入貢周世宗自兩淮用兵九詔令皆悅所草周世宗重其文

湯鵬舉宋殿中侍御史高宗朝 湯莘叟汀州人有馬上吟宿雨洗山新綠嫩曉風吹店淺紅乾沙頭路暖日欲上行客揚鞭不覺難

湯思退字進子處州麗水人中宏詞三拜相都督江淮其後饒州湯干湯巾湯漢俱顯仕 宋

太原 魯莊公子遂襄仲裔

襄

襄楷字公矩平原隄陰人好學善天文陰陽術漢桓帝時詣闕上書聞公中立黃老浮屠 或云老子入夷狄為浮屠不三宿桑下不久生恩愛精之至也天神遺以好女浮屠曰此草囊盛血遂不盼之守一如此乃能成道大傳陳蕃舉方正不就中平年間與荀爽鄭玄俱以博士徵不拜 漢本傳 汝南 古今人表黃帝子昌意裔

昌 東海

昌稀漢人

昌義之烏江人為將能得士卒死力大破北魏兵梁武帝拜輔國將軍進軍時將軍豫州刺史在藩府每戰則克吏民安其政 南史

東武劉燕庭氏校鈔

臧武仲名紇

宣叔子 成十八年

臧宮字君翁漢雲臺二十八將宮封城門校尉其思侯又封朗陵侯請五千騎立功句 效光武曰常勝之家難與料敵撫鳴劍而抵掌志馳于伊吾之北 東漢

臧洪字子源父昱中山太守太原太守洪舉孝廉為郎太守張超

辟從事曰子源天下義士 三國魏志臧霸字宣高執義征暴清定海岱以功遷鎮東將軍位特進軍國咨焉

臧燾字德仁宋武帝敬皇后兄好學明三禮拜太常外戚國顯強自冲約俸祿分親故子邃宜都太守邃子凝之文帝召與何尚之論鑄錢拜尚書左丞凝之子寅稜後軍參軍稜子嚴字彥威

嘉蔭稜

純孝博學精漢書歷義陽武寧太守嚴仲叔甄江夏太守甄子
盾字宣卿御史中丞中領軍管天下兵要監局事繁性敏膽有
風力剽繁治劇敢事甚理盾弟厥字獻卿晉安太守郡居山海
逋迹結聚厥下車宣化凶徒屏息為政嚴人畏稱臧彪兼中書
通書舍人兼司農卿有太事蘭臺廷所不能決者詔付厥決
斷精明咸得衆心卒後有過登聞鼓院鼓訴事求付請直舍人
者上曰臧厥亡此事無可付厥子操

臧燾字義和燾弟建平巴東太守領兵平城都子質字含文年三
十歷建平巴東數名郡宋文帝拜徐兖州刺史魏太武攻盱眙
質加輔國將軍救之遺魏書曰童謠云虜馬飲江水佛狸死卯

東武劉燕庭氏校鈔

年太武卒解圍質雍州刺史

南史

臧榮緒隱居京口教授學徒稱被褐先生

臧載嵩畫鬪牛而尾掉牧者曰九牛鬪則其尾在兩股間未有尾
掉者黃荃畫飛鴈而頸足俱伸射者曰九禽飛則頭縮而足伸
未有頸伸者

戊集一卷之二全

東武劉燕庭氏校鈔

遙華韻戊集第三卷

張

清河四望

南陽中山

吳郡梁國

安定汲郡

燉煌河內

武威高平

范陽犍為

沛國

黃帝第五子青楊生揮為弓正觀彖星為弓矢主祀彖星因以張為氏

張仲孝友周詩

張老

張孟云

晉獻文子趙武成室張老曰美哉輪

焉美哉與焉君子謂之善頌善禱禮記擅弓下左傳成公十八

年張老為侯奄襄公十六年張君臣為中軍司馬張老之子伐

父

張趯張骼昭公五年羊舌肸之下祁午張趯籍談女齊梁丙張骼

苗賁皇皆諸侯之選也

張儀合從說六國以事秦蘓秦連衡

合六國以抗秦縱橫具國策

張耳大梁人亡命娶外黃富人女得資給致客千里與陳餘刎頸
交秦購耳餘千金變姓名從陳涉起兵掠趙立武臣為趙王耳
為丞相及王掠於燕耳餘遣廝養卒走燕曰王之臣何欲燕王
曰欲得王又問王知耳餘何如人其志何欲燕王曰欲得王廝
養曰不然耳餘武成杖馬箠下趙城各欲南面王令燕囚趙王
耳餘欲燕殺之則二人分王趙地且趙尚義燕以兩賢王左提
右挈以責燕之殺王滅燕必矣燕乃歸王廝養卒馭以歸趙耳
從項羽入關封常山餘襲破之耳入漢從韓信破趙斬陳餘立
耳為趙王子教襲趙王尚漢高弟女長公主贊曰張耳陳餘世

東武劉燕庭氏校鈔

所謂賢賓客廝役皆天下俊傑所居國取卿然始居約相信及
據國爭權相滅亡何鄉者慕用之誠後相背之益也勢利之交
古人羞之

張良字子房祖父五世相韓為韓報秦得力士鐵椎傳浪沙中徂
擊始皇誤中副車王下邳取履圯下老人期授書一編曰讀是
可為

王師即太公兵法佐漢高祖曰運籌帷幄決勝千里吾不如子房
封番侯曰布衣之極於良足矣願從赤松子游即導引不食穀
從上過濟北得穀城山下黃石莖為謚文成侯黃石莖為謚文
成侯封邑彭城之番今廟食陳番 並漢書

張蒼好律歷秦御史亡歸漢從攻南陽失律當斬解衣伏質身長大肥白陵見其美士讀赦之從攻臧荼有功封北侯明習天下圖書計籍善筭律歷以列侯居蕭何丞相府主郡國上計者文帝朝代淮嬰為丞相漢二十餘年天下公卿皆軍吏蒼為計相緒正律歷以帝十月至霸上因秦十月為歲首吹律調樂入聲音以定律令故漢家言歷律者本蒼蒼德王陵陵死後蒼為丞相休沐朝陵夫人上食然後歸家蒼相十餘年景帝朝卒謚文侯身長八尺餘免相後其口老無齒唯食乳以女奴為乳母妻妾數百年壽百餘歲著書十八篇言陽陰律歷事

漢書

張釋子以資為騎郎十年不得調爰益薦於文帝言便宜事上曰

東武劉燕庭氏校鈔

卑之無甚高論及言秦漢間事上稱善拜謁曰僕射為廷尉上幸中謂橈有人從橈下走乘與馬驚釋子奏當罰金上怒對曰法者天子與天下共令重之是法不信也廷尉天下平平一項則天下法皆輕用有盜高廟玉環者奏當乘市上怒欲夷誅釋子曰盜廟器而族誅假令愚民取長陵坏土何所其加法處士王生學黃老景皇帝召之公卿會廷王生願令釋子結襪釋子跪而結之或讓其廷辱張廷尉王生曰王老且賤自度無益于張廷尉天下名臣莫過于張廷尉吾聊使結襪以重之諸公乃吳王孫而賢張廷尉子挈字長公以不能取容當世不仕

漢書

張湯酷字陵人為廷尉舞文功詆造請諸公不避寒暑揚人之善

嘉隆後

鮮人之過子安世

張安世字子儒以父任為郎強記上幸河東去書三篋詔問安世
暗寫以進後校本無一字誤上奇其才遷光祿大夫昭帝立霍
光秉政安世右將軍封富平侯共立宣帝益封萬六百戶三子
千秋延壽彭祖皆中郎將侍中安世以父子封侯太盛辭祿上
詔都內藏張氏無名錢百萬許安世謹慎周密定大疾必移疾
出朝廷大臣莫知其預議荐其賢人來謝安世曰舉賢達能何
有私謝耶魏相封事曰車騎將軍安世事武帝皇二十餘年定
策重臣宜其位拜大司馬領尚書事荐賢達能而遠權勢兄賀
拔庭令宣帝為皇曾孫養拒庭賀有養育恩上命安世子彭

東武劉燕庭氏校鈔

祖封陽都侯立為賀後安世薨謚敬侯子孫自宣元以後相維
侍中常侍諸曹散騎列校尉者九十餘人功臣之世稱金氏張
氏親近貴寵比外戚許氏史氏罔形凌烟閣

漢書

張敞字子高河東平陽人以諫顯擢豫州刺史宣帝徵為太中大
夫與于定國同尚書平章拜膠東相代黃霸京兆尹時多盜敞
問父老知酋長數人出重從騎閣里謂長者敞召問伏罪令諸
致偷自贖偷長曰一旦召詣府恐駭願署吏婦休置酒因醉酒
以赭汙其衣先坐閣里之間閱其出衣赭捕之得數百人置之
汰盜遂息敞治京兆循廣漢迹無威儀罷朝走馬章臺長安傳
張京兆為婦西眉上問之對曰閨閣夫婦之私有過於西眉者

嘉蔭錄

掾恕舜言敞五日京兆安能復萬事敞按殺之敞弟武為果相
敞問治梁荅曰梁大都當以柱後惠文彈治之敞曰如是必能
治梁矣柱後惠文秦獄吏法冠名 漢書

張湛字孝先矜戾好礼光武臨朝或惰容必諫常乘白馬上畏曰
白馬生且復諫矣拜光祿大夫湛居暗室必修整對妻子如戾
君

張堪字君游扶風人早孤志美行厲稱為童聖讓其父財數百萬
與兄子乘折轅車拜漁陽太守八年歌曰桑無附枝麥穗兩歧
張君為政樂不可枝遷蜀郡太守去之曰折轅車布被囊布而
已

東武劉昭民表鈔

張皓字叔明遷廷尉雖非法家留心刑斷拜司空言薦天下士子
綱

張綱字文紀順帝遣杜喬周栩周奉馮羨藥巴張綱郭遵劉班八
使分行縣綱埋車輪洛陽都亭曰豺狼當道安問狸里劾奏大
將軍梁冀河南君梁不疑外戚蒙恩專肆貪叨以害忠良條奏
其無君之心十五事書奏京師震悚時廣陵賊張嬰寇掠揚徐
間十餘年二千石不能治梁冀以綱為廣陵太守單車之任詣
嬰壘書諭之請見相諭以禍福嬰泣下曰愚民不能自通朝廷
不堪侵枉遂相聚倫生若魚遊金中知不可以久假須臾間耳
今聞明府乃更生之辰也以所部降綱單車入其壘置酒大會

敬遣所部任所之親為卜宅相疇子弟欲為吏者召用之郡心
悅服南州晏然朝廷論功當封冀追之在郡一歲卒張嬰等五
百人為之服負土成坟葬焉 漢書

張霸字伯饒成都人年幼孝讓號張曾子七歲通春秋又進他京
奉學廉累遷會稽太守童謠棄尔戰指尔矛盜賊盡吏民休三
年霸曰起自孤生致位太守日中則移月滿則虧知足不辱謝
病徵拜侍中鄧騰貴盛欲交霸不荅 漢書

張楷字公超霸之子通尹氏春秋門徒百人居城市華陰南有公
超市性好道術能作五里霧閔西裝優能作三里霧遂學楷
楷子陵

東武劉燕庭氏校鈔

張陵字處治柏帝尚書元嘉初梁冀帶斂入省陵叱令出敕羽林
虎賁奮劍冀跪謝陵不應即劾奏冀初河南尹梁不疑奉陵孝
廉乃曰奉卿以自法也陵曰明府不以陵不肖誤見擢序令申
公憲所以報私恩 弟立

張立字處虛說張溫剪除宦官不從乃隱居魯陽山中 漢書

張立字君夏習春秋清淨專心經術任陳倉丞以職事对府徐業
與語大驚曰今日相遭真解矇矣試策第一拜博士張立與謝
立同時張立重妹謝立重妙 互謝姓

張奐字然明賢良对策第一拜讓即遷安定屬國都尉羌豪帥感
其恩德獻馬二千匹先令酋長遺金鑪八枚喚召主部以酒酌

地曰馬如羊不以入廐金如粟不以入懷悉迂之拜武威太守
俗多忌凡二月五日產子不卒及与父母同月日生亦不卒與
到官示以義方受賞罰習俗丕變與子芝

張芝字伯英弘農人文為儒宗武為將表書為世寶學崔杜筆法
家有衣帛必書而練臨池學書池水為黑下筆有楷則每云奴
勿不假艸書寸紙不遺常仲將曰伯英艸聖也 旭字文舒六

工艸書 後漢書

張純字伯仁京兆人宿衛十餘年封武始侯歷世在朝明習故事
自郊廟冠婚喪紀禮儀多所正定純子奮奮子甫甫子吉自高
祖安世至吉凡傳國八世歷二百年未有譴黜封爵莫比

東武劉燕庭氏校鈔

張禹字子文徙家蓮勺受易論語試博士授太子論語遷光祿大
夫拜丞相封安昌侯位特進前列生徒後堂列絲弟子彭宣戴
崇俱親愛然崇至飲食後堂宣至飲食便坐未嘗得入後堂槐
里令朱雲上書願借上方斬馬劍斷佞臣一人頭上問佞臣為
誰人曰安昌侯張禹 互朱姓 漢書

張興字君上習梁丘易明帝問經術弟子自至遠者萬餘人

漢儒林傳

張山拊字長賓平陵人為博士講論石渠官少府 張超字子

並有文學善艸書

張輔字孟侯受尚書以授皇子經義侍講質直每間隙有匡正事
遷太尉在三公位父居田里每詣京師輔必遷官一日會穀節

嘉蔭錄

公卿罷朝入輔府奉酒上父壽時人慶羨

張升字彥真守外黃令凡吏有財賕者殺之

張騫漢中人應募使月氏出隴西為匈奴留十餘年予妻有子持漢節與其屬亡卿月氏西走至大宛國問所之告以漢使月氏大宛發譯道抵康居傳至大月氏王已為胡所殺立其夫人已臣大夏無意報胡騫從月氏至大夏留戡餘還匈奴又戡餘與胡妻及堂邑奴甘父俱亡歸漢拜大中大夫初以百餘人行去十三年唯兩人還得西域大蒜胡安石播種言在大夏見蜀布邛竹杖皆市于身毒國：在大夏東南天子問大夏大宛安適皆大國言奇物乃通西南夷拜騫博望侯叙傳曰博望杖節

東武劉燕庭氏校鈔

收功大夏貳師秉鉞身釁胡杜死為福謀主作禍騫死而取封

侯李廣利降匈奴單于殺之 前漢書本傳

張宗字諸君素多權謀鄧禹表偏將軍獨為後拒以當赤目之強諸將服其勇

張邈字孟卓振旁救急傾家無所愛遷陳留太守 三國魏志張揚

字稚叔拜安國將軍遷大司馬張燕初少合年為郡盜擅疾軍中號飛燕眾至百萬稱黑山後降拜將軍 張繡合少年為邑中豪以眾降曹操拜破羌將軍

張魯字公祺雄據巴蜀三十年歸操拜滇南將軍

張範字公議恬靜樂道救恤窮之家無餘財中外孤寡者歸之

曹搯拜議郎參丞相府軍事弟承字公先參丞相府軍事祭酒領郡太守政化大行

張旣字德容舉茂才除新豐令治為三輔第一遷雍州刺史魏祖曰君本還州可謂衣綉畫行矣遷梁州刺史容民畜衆以服郡羌可謂國之良臣

張遼字文遠與孫權戰合肥衝壘突圍兵奔氣拜征東將軍詔曰合肥之役以布卒八百萬破敵十萬自古用兵未有也江東小兒啼怨曰遼至啼即止

張郃字俊乂以功遷平狄將軍郭淮曰張將軍國家名將識變數善處營陳料敵勢形無不如計身為武將心愛儒士外勤戎

東武劉燕庭氏校鈔

旅內恆國朝 並魏

張飛字翼德雄武威猛萬人敵為世虎臣有國士風關羽齊名然各有所偏羽愛士卒不禮過客士大夫冤擒於呂蒙飛好賢敬士而鞭撻健兒覺死于兵

張裔字君嗣成都人授益州太守雍閭曰張府君如瓠壺外雖澤內貫麤撫恤故旧贍賑貧宗行義甚高

張嶷字伯岐越雋太守恩信誘服蠻夷俱降及徵入朝民夷戀慕符轂涕泣隨入朝貢者百餘人拜盪寇將軍

張翼字伯恭累遷車騎冀州刺史 並蜀

張昭字子布吳置相衆望屬昭孫權曰丞相事煩昭性剛不言從

則怨咎與非所以益人也忠譽亮置容貌矜嚴有威風舉國憚之
吳志

張紘字子綱曾孫以為侍御史出為會稽東部都尉

張溫字惠恕吳人少修節操容貌奇偉拜選曹尚書太傅弘雅
之素英秀之德文章之采議論之辨卓犖冠郡煒之耀世

並三國志

張光字景武南楚之英拜梁州刺史威振巴蜀

張輔字世偉藍田令秦州刺史

張憑字君宗舉孝廉簡文帝曰張憑勃率為理窟初憑負
才必參時彥欲造劉恢坐在下欲發無端及王蒙言有不通

東武劉燕庭氏校鈔

憑於未生代對言理深遠一座皆驚弥日留宿及旦辭还舟須
臾劉公傳令不見張孝廉般召同載荐之朝官至御史忠臣

張闓字敬緒補晉陵內史所部四縣以早失田開曲阿新豐塘田
八百頃郡以豐稔

張軌字士彥家世孝廉以儒學顯為梁州刺史威著西州化行河右

張涼州一昔名士刺史蒞州若慈母之赤子百姓愛刺史若早田
之膏雨子寔字安遜世篤忠良勲隆兩夏拜梁州牧寔弟茂
字成遜代為梁州牧豪右屏息威行涼土寔子峻字公庭持涼
州牧峻子重華字太臨華子曜臨灵伯父祚灵弟玄靚：叔天
賜自軌至天錫九傳九世而國除

張忠字鉅和隱大山冷芝鉗石以至道虛無為宗謚安道先生並晉史
張興字世文德授龍驤將軍平江陵遷雍州刺史子欣泰字義亨
齊武帝拜直閣將軍南史

張儉字元節翟超岑旺范康劉表陳翔孔昱檀敷為父及張邈度
尚等八厨後以覽侯怒儉覽令鄉人朱並上書告儉與同鄉二
十四人別相署號為郡党魁詔判事捕儉亡命禍及數字党
禁解鄉後為衛尉卒八十四東漢

張儉字師約京兆人代州都督封皖城公兄太師太僕卿弟延師
左衛大將軍典羽林兵三十年兄弟三人門皆列戟京兆称三
戟張家初唐高祖起儉以功拜朔州刺史功農立本唐書

東武劉燕庭氏校鈔

張毅互单豹

張華字茂光博學家父文史徙家載家二十乘秘監虞摯撰
書資華書本取正華知味或取緇澠二水為羹華嘗曰羹有
緇澠之味又博物與雷煥登樓夜瞻天文煥曰牛斗間有紫
氣是寶劍精上徹天在豫章即補煥豐城令煥至縣掘縣獄
得名穴中雙劍一日龍泉一日太阿煥留其一送一與華華
好誘進人延譽善類晉武帝封棊杜預奏代吳表至華推枰
斂手贊決上以華為度支尚書計量漕運華文學才識名
重一昔旬最馮耽等疾之出幽州都督撫循華夷声譽益
振上徵之統等諧上惠帝立華少傅侍中盡惠帝與龍裝楷

裴楷王戎同心輔正永康元年趙王倫謀篡遂執華顏等斬之
初少子躡占天文中台星圻勸去位華曰天道高遠當修德應天
竟遇禍華文有鷦鷯賦子華楫字彥冲散騎侍郎曉天文晉書
張天錫涼州刺史游晏圍池索商諫之荅曰觀朝榮則敬才秀之
士翫菊花則思德撻之臣觀松竹則思貞潔之賢臨清流則貴
廉直之行覽蔓草則賤貪穢之吏逢颶風則惡兇狡之徒觸物而
長吾有得也

張裕字茂度曾祖晉光祿大夫裕任宋廣州刺史除會稽太守五子
演鏡衣辨岱皆稱張氏五龍永字景雲建康令宋文帝拜謁揭威
將軍與士卒同甘苦岱字景山宋山陰令改東遷令遷益州刺

東武劉燕庭氏校鈔

史吳郡太守以寬恕著名

張緒字思曼岱兄子宋文帝以為吏部尚書袁粲曰張緒有正始
遺風緒子充字延符學該老易與王儉書云充平日不以利欲
于懷介然之志峭聳霜崖確乎之情峯橫海岸王藏于訪珪之
晨桂掩于搜芳之日拜義興太守政清淨梁初吏部尚書國子
祭酒升堂誦說王侯多就李執經以拜吳興太守下車恤父老
故舊人心大悅

張瓌字祖逸永之子仕齊仕中出吳興太守瓌以有國秘不受郡
俸高祖敕上庫別貯其俸以表其清子率字仕簡嘗待晏賦
詩梁武帝別賜率南東有才子而能服官政余未慙古昔得

人今為盛引見玉衡殿曰卿東南人望朕宿昔所聞卿言宰相何人不從天下不從地出卿名家奇才若能如意礼律即其人焉秘書丞天下清官東南望曹未有為之者今以相處為卿定名譽

張率年十二能詩一日自課一詩至年十六有詩千首以示虞納納詆之率焚稿更為詩以示之沈約詩也納稱賞率徐曰即吾所為也納慙拜安太守遣家童僕載米三千石至官耗大半僕曰雀鼠耗之率曰社哉雀鼠竟不問率与韋友善俱有側室之孕因許詣腹為姻弟盾字士宣為湘東王記室出藍富陽令廓然自處無所用心唯有書千卷 南史

張稷字公喬壞弟母喪毀瘠過人州里稱纯孝以貧求判令不視 東武劉蕪庭氏校鈔

事多為小山遊仕梁累遷至左僕射與族兄充融卷俱知名稱四張子嘍字四山

張種字士苗永從孫仕陳為中書令識量宏博僕射徐陵讓位于種弟稜清淨有識度位司徒左長史 張即字元伯 五范式

張即字茂宗裕之弟宗武帝以佐命功封臨沮伯雍州刺史至襄陽修立隄堰開田數千頃公私賴以充給子敷字景胤宗召武見奇之曰貞千里駒遷黃門侍郎父喪毀瘠而紹改所居里里曰孝張里

張冲字思約舒州刺史梁武帝攻郢城冲國守不出疾且死厲府僚以誠節言終而卒終實昊天操踰松竹

張暢字少微郢兄子起家主簿遷沛郡太守北魏太武南侵暢于城上以魏尚書李孝伯語應答如流孝伯及左右相視嘆息事平徵拜吏部尚書名達九夷

張融字思光舉秀才對策上第善草書有文號玉海集遷司徒長吏齊高帝愛其才曰此人不可無不可有二

張齊有胆氣仕梁歷陽太守在郡清整都督益州士卒同苦甘華夷翕服

張弘策字貢簡仕梁衛尉卿散騎常侍盡忠俸上知無不為交友故舊隨才薦拔子緬字元長累遷豫章內史正尚惠不設鈎距吏民化德不敢欺遷御史中丞梁武帝遺圖

東武劉燕庭氏校鈔

其形于臺省以勵當官緬弟纘字伯緒年二十三遷尚書吏部侍郎吳興太守省繁苛務清淨遷吏部尚書引拔後進寒門之士外氏英華朝中領袖纘弟綰字孝卿湘東王策以百事綰對缺其六號百六公拜御史中丞彈糾豪右張機字直言篤好元學每有新意梁武帝命于文德殿釋乾坤文言辭令溫雅賜郡襦絹等云表卿稽古之勤仕陳國子助教

張正字見熙好學有清才梁簡文在東宮見頤年十三獻頌

張景父為人所殺復讐斬讐人首以祭父墓詔褒美蠲其戶租庸以旌孝行

張普惠字洪振拜諫議大夫任城王澄曰不喜君得諫議唯喜見
議得君杜弼曰明俊深儒碩學身居諫職審：如也諤：如也

張湛授范甯眼痛方六味讀書一減省思慮二專內視三簡外觀
四早則宴起五名走六凡皆此六者熬以神火下以氣蘊于胃
中七日然納之方寸修之一時近能數其目睫遠視尺簫之餘
長服不已洞見墻壁之外不但明目亦且延年若戲言然治目
無如大者湛立數七日自陽里子東門伯左邱明杜子夏鄭康
成高尚隆左太冲此惟陽里子東門伯二子未詳而左邱明以
下五人者讀書者也可不惧哉須臾受六味方不減不如乃
驗

東武劉燕庭氏校鈔

張伯偕仲偕兄弟貌相似一日仲偕妻新粧鏡中忽見伯偕問曰
今日新粧好否

風俗通見黃山谷詩

張翰字季鷹吳人仕晉賀循入洛經吳舟中彈琴翰不相識曰共
談相欽悅同載至晉漢為齊王同東曹掾語同郡顧榮曰天下
紛：禍未已四海之名士者求隱退良難吾本山林間人無望
于昔願子善以明防前以智慮後榮執其手曰吾將同采南山
蕨同飯西江水矣翰在洛陽曰秋風思起吳中菰米菜蓴美鱸
魚膾曰人生貴適志耳富貴何為誰能霸冠數千里以要名
爵手遂命駕而歸或曰君独不思焉身後名乎曰使我有身
後名不如即時一杯酒及翰棄官去後齊王問拜君子謂翰之

嘉蔭錄

訊稱江東步兵有文集通鑑晉惠紀

張載協字景元亢字季陽兄以才藻稱晉三陽之藻綴載有劍閣銘世所醜每入市小兒以瓦礫擲之作濛汜賦謂代文宗領著作烏程縣令

晉史

張玄素蒲州人隋景城戶曾及竇建德陷城欲殺之邑人號泣請代曰清吏也殺之是無天也唐太宗皆上書諫治洛陽宮魏徵曰張公論事有回天之力仁人之言其利溥哉

張鷟字文成兒時禽紫文五色集庭父曰五色赤文者鳳五色紫文鷟鷟汝必以文章瑞朝廷因名鷟進士甲第負半千曰其文如青錢萬選萬中辨青錢學生新羅本國人貢必外賚金珠

東武劉燕庭氏校鈔

購其文

張仁愿華州人唐中宗授洛州長史繼賈敷願詩曰洛有前賈後張可敵京兆三王遷朔方總管河北築三受降城以拂雲堆馬中城南直朔方西域南直靈武東城南直榆林相距各四百里其地北斤地三百里烽侯一千八百所召拜宰相封韓國公春還朝秋督邊上賜詩祖餞唐宰相廉資文武者李請郭元振唐休璟張仁愿四人而已

張文權字稚珪具州人貞觀擢明經并州參軍皆李勣自并州入朝文權同二僚屬餞勣贈二僚屬一以束帶一以佩刀而不及文權勣曰猶豫不斷者贈以刀放誕少檢者贈以帶儒子之才

無施不可焉用賜贈又曰文權今日之管籥也諫高宗造蓬萊宮乾封年與李勣同拜相子子皆官三品稱萬石張家潛衛州刺史沛同州刺史洽衛尉卿涉殿中監涉子錫鳳閣侍郎

張廷珪監察御史終少監謚正穆公善八分書李邑友善河南人擢制科開元大旱關中飢詔直言廷珪上疏請十道按察司察民疾苦

東武劉燕庭氏校鈔

張東之字孟將襄州人年七十賢良對策第一狄仁傑薦曰荊州長史張東之宰相才也與敬暉袁恕己崔玄暉栢彥範共誅張易之昌宗友正唐室中宗腹辟姚崇仁傑薦東之拜中書侍郎同平章東之封漢陽王彥範扶陽王敬暉平陽王玄暉博陵王恕己南陽王五王皆焉武三思所殺李多祈殺三思為五王執仇

張嘉貢蒲州人以五經進士明皇累遷中書侍郎同平章工部尚書卒謚恭肅公在居鳴珂里嘉貢五女國色郭元振姜姿容公欲納焉壻令五女各執綵絲垂羅幔前召元振牽絲得紅絲焉第三女後與元振同貴嘉貢不營產業曰吾位將相何憂飢寒

嘉蔭錄

比見朝士廣占田宅適焉無賴子弟酒色之資吾不敢也子延賞

張延賞博通經史達吏治河南尹諸道營田使歷荆南劔南川節度使德宗貢元拜中書侍郎同平章延賞苗晉卿壻

互苗相以女嫁韋臯

互韋姓

張弘靖字元里父延賞弘靖元和年拜刑部尚書同平章弘靖少
有令聞皆期以輔相弘靖承祖父宅第在東都思順里歷五世
無所增葺時稱三相張家文規次宗彥遠茂樞皆其子孫弘靖
在相位簡默無所規正家唯聚書畫侖祕府

張九齡字子壽韶州曲江人母夢九鶴集庭遂生九齡七歲能文

東武劉燕庭氏校鈔

年十二書干廣州刺史王方慶王曰必致遠父喪哀毀庭樹生
連理進士擢道侔伊呂科高第拜左拾遺玄宗立奏守令之選
論選士之弊除左補缺宰相張說與通譜系稱其文如輕縑素
練濟時用而窘邊幅召馬集賢學士撰賜渤海詔書遷中書侍
郎母喪哀毀去官紫芝生坐隅曰雀巢庭樹奪情拜中書侍郎
同平章張守珪遣安祿山討奚契丹輕進喪師守珪執送京師
九齡批云昔穰苴誅莊賈孫武斬宮嬪守珪軍令若行祿山不
宜免死上惜其才九齡曰祿山失律喪師法不可貸且臣觀其
面有反相不殺恐焉後患上曰卿勿以王夷甫識石勒枉害忠
良竟赦之令祿山白衣將領玄宗千秋節王公俱獻寶鑑九齡

嘉蔭後

進千秋金鑑祿以申諷詔上召學士講書勤政樓裝七寶講座
唯九齡升其座上欵加牛仙客長書九齡曰不可仙客河湟使
典不宜裂土大任上欵相李林甫九齡曰恐遺宗社憂九齡恐
焉林甫所危因上賜羽扇奏賦自况末曰苟交用之得所雖殺
身而可畏縱秋氣之移奪終感恩於篋中九齡体弱醞籍故事
公卿措笏于帶乘馬九齡捧笏捧笏置笏囊自九齡使家有白
鴿每繫書達賓友號飛奴玄宗幸蜀方思其言遣使祭之詔州
厚恤其家開元後天下稱曲江公

張九臯九齡弟終嶺南節度使

九齡子極伊闕令祿山滔河

河不汙偽官平乱後擢贊善大夫

東武劉燕庭氏校鈔

張守珪陝州人善騎射從守北庭開元初奏事京師上書陳利害
遷幽州果毅苒齊卿引共搦坐曰不十年子當節度是州焉國
重臣願託子孫王君奭死瓜州河西震恐詔守珪瓜州刺史契
舟兵奄至守珪置酒城上會諸將奏樂冠疑不敢攻守珪庭都
督奏安祿山失律喪師當斬執送京師互張九齡下瓜州荒瘠瀕
雪水灌田守珪修復堤堰渠悒群人刻石紀攻子獻誠獻恭從
子獻甫

張說字道濟洛陽人母夢玉燕自東南飛入懷而生說賢良策試
第一武后問氏族對曰古未有姓自黃帝之姬炎帝之姜因所
生地焉姓天子建得因生以賜姓黃帝二十五子得姓者十四

或以國或以官或以王父字始賜族久焉姓唐虞至戰國姓族
侵廣韓陳許鄭衛魯趙魏以國姓說歷事中睿玄宗拜中書令
封燕國公與蘇許公齊名當時文章稱燕許大手筆初廣州都
督裴佖光下獄張家貢欵杖之說曰刑不上大夫以其近君養
廉恥也士可殺不可辱聞枚姜飯於朝堂皎官三品又有功死
則死流則流奈何苔辱卓隸待之佖先據狀應流上燕之說語
嘉貞曰宰相時來則焉之若大臣可苔辱恐將及我輩非焉佖
先焉天下士君子計也玄宗宰相姚崇尚通宋璟尚法張嘉貞
尚吏張說尚文李元絃杜暹尚儉韓休張九齡尚直上置麗正
書院修以說充修書使陸堅欵罷之說曰自古人主天下無

東武劉燕庭氏校鈔

事興土木廣聲色今上招文士發揮典籍所益者大何陸子之
言未達說所居則僧泓師戒勿鑿東北阡他日泓又過之見其
宅氣索然及視東北隅三坎深丈餘驚曰公富貴止公一代矣
說曰平坎泓曰客土無氣地脉不連屬無益也子均大常卿怕
翰林

張均張均明皇欵相均李林甫沮之上欲相均楊國忠沮之均遂
相祿山均亦受僞命肅宗中與均兄弟坐論死房琯立救乃免
杜甫贈均亨衢照紫泥贈洎翰林逼華蓋詩話

張泌唐中書舍人有樂府花間集

張鎬字從周明皇幸蜀遣鎬詣靈武肅宗即位拜中書侍郎同平

章鎬起布衣三朞至宰相持身廉不俎產喜大賢士簡重有大
体天下推其舊德

張公藝九世同居齊隋唐三朝詔生表門閭堂高宗幸問之公藝
書忍字百餘以進士賜帛

張昌齡問元拜相與蘇問道論詩曰某詩不及相公有銀花合蘇
曰某詩不及相公有令同丁昌齡送昌宗云令同丁令威蘇味
道元夕詩火樹銀花合

張巡鄧州人博通郡書曉戰陣氣志高透畧細節所交必大人長
者不與庸俗合開元進士第授清河令有詔績負氣節調貞源
土多豪猾有大吏華南金樹威恣肆邑中語曰南金口明府手

東武劉燕庭氏校鈔

巡下東誅之赦餘動政簡明宜安祿山反揚萬石降逼巡焉長
史使世迎賊兵巡率吏哭玄元皇帝庙起兵討賊時從者千餘
人雍兵令令狐潮舉縣降賊巡誅其妻子磔尸城上潮怨以賊
兵四萬薄城巡分千餘人乘誠以數隊出身前驅直衝潮軍敗
之復來至城下語巡曰足下以羸兵守危蝶忠無所立合相從
以取富貴乎巡曰古者父死於君義不報子乃御妻孥怨假力
於賊以相圓吾見子將頭在通衢焉百世笑時大將六人白巡
曰勢不敵不如降巡陽許明日設天子畫像率將士八朝人人
泣下引六將賊以大義斬之志孟勸潮悉兵未巡城中矢尽巡
縛藁焉人千餘被黑衣夜縋城下潮兵爭射久乃知藁人得天

數十萬乃夜縋死士五百斫潮營巡兵千餘賊兵常數萬每戰必勝乘勝擊陳番子琦聞復圍城巡語衆曰巡受上恩賊復來惟有死耳衆咸位至食尽巡出愛妾曰諸君經時乏食而忠義不諭吾恨不刈飢体以啖衆豈惜一妾而坐視士飢乃烹以大享衆皆泣子琦服其節巡罵曰我焉君父死耳附賊狗也巡身長七尺鬚髯怒張讀書不過三復焉立不立藁初守睢陽士卒居人一見問姓名後不無誠者更朝及子琦大小四百餘戰斬將三百率十餘萬其用不依古法待人不疑與衆同甘苦爭効死力故以少擊衆未嘗敗天子詔贈賜立廟睢揚并許遠弼雙廟圖形凌烟閣宋司馬光曰顏杲卿張雄世治則擯斥外

東武劉燕庭氏校鈔

方沉抑下僚世乱則委棄孤城壑粉賊手何焉善者之不幸而焉不善者之幸朝廷何待忠義之薄而保姦邪之厚

張衡字平子南陽人拜太史令作渾天儀著靈臺算法論焉河間王相乞骸骨歸徵拜尚書卒衡通五經貫六藝術數窮天地制作作造化著兩京賦歸田賦四愁詩文選

張衡字建平幼懷志尚有骨楓風年十五詣太學受業仕隋拜司門侍郎

張膺魯郡太守履行貞索妻子樵採自給遷京兆太守清白著名得吏民懽心

北史循吏

張長遜京兆人精馳射校益州行臺左僕射遂州夔州總管有

惠政唐

張公謹字弘慎魏州人李勣數起秦王乃引入府王欲討隱東之
亂令卜人占之公謹投龜于地司此事無疑何卜之有卜不吉
可已乎占曰善正觀初代州都督置屯田以省餽運奏時政得
失上多採納副李靖經略突厥條奏突厥可取六事上用之以
破定襄敗頡利璽詔慰勞封郊國公凌烟閣功臣嵩山僧一行
師一行師張公謹孫隱嵩山玄宗詔造新歷一行推大衍數選
開元大衍歷道士邢和璞謂尹惜曰一行其聖乎漢洛下閎造
歷後八百年當差一日有聖賢正之今年數畢而一行造大衍
歷成則洛下閎所言信矣一行又奏用黃道游藝唐記開元九

東武劉燕庭氏校鈔

年

張亮鄭州人房玄齡薦亮忠果有謀秦王擢車騎將軍相州長史
時茂州俚童張文仲自稱天子有司論斥乘輿當死韋挺失據
亮焉挺理真上曰寧屈朕意而伸公之請同免死

張知謩字匪躬幽州人兄弟五人知兄知晦知泰知默俱明經高
第民吏治清介有守公卿爭引重調露年監察御史知默在臺
侍御史知謩歷士一州刺史自德州刺史入計武后奇其貌詔
工門其形曰而容而才兩絕其門皆列戟曰省巢其庭中宗復
辟知謩封范陽郡公知默漁陽郡公兄弟華巔同貴每戒子孫
不明經不得舉進士此家法也

張行成字德立定州人劉炫曰行成体局方正廓庙材也召捕侍御史太宗言山東闕中人意同異行成曰天子四海焉家不容以東西焉限示人隘矣上疏諫太宗兼行將相之事高宗歷監修國史州地震諫曰恐女謁用事大臣陰謀上然之

張文琮好自寫書筆不擇手子弟諫上答曰吾自如此不焉勞也授建刺史俗尚淫祀不立社稷文琮教立社稷壇場禁淫祠從弟文收善音律著樂書十篇

洪厓先生姓張氏或云黃帝臣伶倫漢武帝時有衛度世入華山尋父衛叔卿見巖石中數人博奕曰洪厓先生許由巢父大低公飛黃子薛容王子雷曰班固西林賦洪厓指麾郭景純遊仙

東武劉燕庭氏校鈔

詩左挹浮丘袂右拍洪厓肩常娥揚妙晉洪厓領其頤豫章西山洪厓卿即隱處云洪厓子唐晉州神山縣人張氲一名蘊字

藏

張薦字孝舉鷲孫深州人能通周官左史春秋擢諫議大夫三使絕域薦自拾遺至侍郎凡二十年每兼史館修撰定位號大儀典大臣柎庙鼓吹法曲莫不參裁諸儒謂其博洽

張濬字禹川學從橫柎僖宗西幸少拜諫議大夫時王敬武臣黃巢濬曰君忠義士當審利害黃巢敗鹽虜捨天子而臣之何耶誠能共平賊迎天子功名富貴反掌諸將華然曰諫議語是也敬武引軍從濬拜平章仍判度支使

張道源并州人以孝名所居鄉曰復禮鄉至孝禮守并州拜大理卿時何稠坐罪籍其家屬賜群臣道原曰禍福何常利人之亡取其子女自奉仁者不為

張介然猗氏人克營田之度使入奏稱旨啟上曰臣位三品宜給祭戟若列戟京師富貴不為鄉人所知願得列戟故里玄宗許之賜京師第門及本鄉俱列戟自介然始

張興饒陽裨將一飯斗米肉十斤祿山攻饒陽興聞張禍曉譬敵人嬰城彌年人心益固史思明引眾傳城興擐甲各持刀重十五斤乘城賊登城興舉刀一揮斬數人首賊氣懾

張士巖至孝父病求鯉魚冬月水合有獺御鯉至前以餉父疾遂

東武劉燕庭氏校鈔

愈母病疽士巖自吮其血父喪廬墓有虎狼依護

張季友字孝權韓愈作墓志

張志和字子同婺州人母夢楓生腹上產志和年十六擢明經進士以策干肅宗待詔翰林樂游江湖自稱煙波釣徒著玄貞子著大易十五篇其卦三百六十五兄鶴齡恐其邀世為築室越州東郭椽棟不斷茨以草豹席搜橋垂釣不鉅志不在魚觀察使陳少游來見為終日番表所 曰玄貞坊門隘買地為大其門號曰軒巷門阻流水無梁少游構之人稱大夫橋上使一奴一婢志和配為夫婦名漁童樵青陸扇問所與往來答曰太虛為室明月為燭四海諸公共處未嘗少別何往何來顏真卿潮

州刺史以志和舟敞漏諸更之志和曰願浮家泛宅往來苕霅
間善圖山水酒酣擊鼓吹笛紙筆輒成撰漁歌曰西塞山邊白
鷺飛桃花流水鱖魚肥青箬笠綠蓑衣斜風細雨不須歸唐詔
圖形求訪并求其文祠李德裕曰志和隱而有名顯而不事不
窮不達其嚴光之倫乎蘇子瞻和西塞山邊白鷺飛桃花流水
鱖魚肥朝廷尚覺玄貞子何處如今更有詩青箬笠綠蓑衣斜
風細雨不須歸人間底是無波處一日風波十二時

張旭工草書好飲酒號張顛後漢張奐長子芝字伯英好草書常
仲將稱曰草聖旭每醉沙頭濡墨書壁及醒自次為神初仕常
熟尉有老人陳牒旭判宿昔又來旭怒詰之答願得公筆法

東武劉燕庭氏校鈔

張潛上疏言藩臣大徙皆奏倉庫蓄積以獻羨餘為課績朝廷因
獎之切惟財賦有常非賦歛過差必停廢將校減削衣糧捨此
則羨餘何致上嘉納

張居翰唐莊宗平蜀王衍宗族百官數千人徙洛陽上恐其變遣
中使向延嗣齊敕云王衍一行並從誅戮樞密張居翰覆視就
殿柱上楷改行字為一家由是蜀百官僕御獲免數千人

並通監

張建封字立本鄧州人以馬燧表為判官李官弼鎮河南遣建封
招諭一日降賊數千人遂知名代宗授濠壽廬觀察德宗除徐
泗濠節度貞元十三年入朝賦朝天行獻上拜尚書僕射鎮徐
州十年卒官贈司徒有文集權德與序愛人好士韓愈許孟容

嘉蔭後

皆出幕府賜晏曲江與宰相同席還鎮上賜鞭曰卿節義歲寒
渝故以此况劉文靜外甥孫杜甫詩彭城英雄種宜膺將相
爾為外曾孫倜儻汗血駒徐州有愛姬矜矜公卒矜矜獨居
燕子樓十年不嫁有詩三首一日樓上殘燈伴曉霜獨眠人起
合歡床相思一夜情多少地久天涯不是長二曰北邱松栢鎖
愁烟燕子樓空思悄然自理劍履歌塵散紅軟香銷已十年三
曰適觀鴻燕岳陽回又見文禽逗杜來瑤瑟玉簫無意緒任從
蛛網任從炭白樂天有和韻見長慶集

張愔建封子為徐州刺史進嘉瓜圖自鬼鎮徐州七年唐書

張籍字文昌和州人及第秘書郎以翰愈薦為國子博士水部郎

東武劉燕庭氏校鈔

中國子司業附韓愈傳

張枯字承吉稱豹鰲謁李紳紳問何為竿曰虹為竿何為鈎曰月
為鈎何為餌曰以短李相公為餌紳默然良久厚賂之

張彖天寶進士陝群人或勸謁楊國忠彖曰公等倚楊右相為泰
山吾以為冰山皎日一出君輩得不失所恃遂隱嵩山不仕

張審素為楊注所殺審素二子瑄琇勿流嶺表逃歸復仇手殺楊

注於都城

玄宗紀

張萬福魏州人三世明經至縣令萬福習武代宗拜和中刺史德宗拜濠州刺史上曰江淮草木亦知卿威名加金吾將軍魏州早饑萬福遣兄子以粟餉魏人賣其子女者贖還之貞元年陽城王仲舒等守延英閣上疏論諫貶陸贄相裴延齡事萬福趨延英叩環大呼曰朝廷有直臣天下太平矣遂拜陽城等又連呼太平萬歲者三世時萬福年八十餘自此重天下卒年九十自史仕食祿七年年未嘗一日言疾所至惠愛詔圖刑凌煙閣張詠字復之濮州鄆城進士進士為陽縣令民茶公曰官將權利

東武劉燕庭氏校鈔

令拔茶種桑後果摧茶他邑使失業崇陽桑成歲出絹百萬匹
民乃富令初下一鄉不變竟以摧茶貧公一日坐里門見里人
自市賣菜歸怒曰居里不種菜何隋也笞之淳化年蜀饑賊李
順陷成都王維思破賊收成都上詔詠知成都時關中餉粟成
都公至問城中屯兵三萬無半月食知有疾鹽價高令下其估
召民米易鹽不踰月德米數十萬斛計有食奏罷關中餉運揭
榜招順黨出前自新曰李順脅民為盜張詠化盜為民兩月東
西川皆平公到益州斬一猾史自稱無罪前後太守以任之公
封判令押往市曹父老曰成都好知府緣李順以死罪繫獄此
吏縱之一僧行止可疑公判云勘殺人賊復罪者殺牛赴亡者

東武劉燕庭氏校鈔

拘其母十日不出拘妻一夕而全公判云倚門之望何踈結髮
之情何厚昔為惡黨令又逃亡斬之自是出首踵至民悉安業
兩知益州知昇州蜀多反側一日大閱軍中嵩呼公下馬東北
望亦嵩乎然後上馬韓魏公曰倚亦不能惜置知杭州一富人
病且死而子三歲乃命壻主家立約分討以亡與女以三與子
及子長來訴公易以亡與其子知昇州有殿直范延貴押兵過
金陵公曰天使鉛路見好官無范曰袁州平鄉令張希顏好官
員公問如何范曰縣境益舍橋梁完葺田里墾闢野無隋農厚
無賭博市場不諠夜宿邸中更鼓分明是以知其好官員公曰
天使亦好官員同薦于朝希顏任發運使 貴閭門祇候稱能

嘉蔭移

吏父傳霖同學霖隱居三十年不見公寄詩云寄語巢由莫相
笑此生中無戀輕肥罷成都守窈立吏報有褐乘驢曰青州傳
霖公走迎霖曰別子一世豈知世間有我告曰子將去或云見
公弄九霞酌天漿出入清都者自號曰年涯子謚忠定公年七
十初為崇陽令一吏自庫中出視其鬚一錢乃庫子錢也杖之
吏曰一錢斬我不得公判云一日一錢千日一千繩鋸木斷水
滴水穿自劔斬之申臺府自劾去宋言行錄

張商英字天覺好學日誦萬言年十四從兄唐英遊學梁山向子
山以女妻之登治平進士第崇寧四年拜相以論蔡京乃入元
祐黨籍徽宗拜中書侍郎右僕射觀文殿太學士卒號無盡居

東武劉燕庭氏校鈔

士

張齊賢字思亮曹州徒洛陽太祖幸兩京齊賢奏十策上語太宗
曰我幸西都德一張齊賢及進士第淳化吏部侍郎同平章咸
平年再相以司空治仕卒年七十二謚文定公初知代州母晉
國夫人孫氏年八十餘上召入宮賜詩昔日平儒母年高壽太
平齊賢行孝侍神理甚分明御禮齊賢拜相不是今生夙世遭
逢事親孝事君忠婆婆老福見兒榮貴自刀 召入拜相罷相
居洛康寧壽考德唐裴席五橋莊鑿渠栽花植平与故舊乘小
車邀遊詩曰午橋令得晉公廬水竹煙花與有餘師亮白頭心
已足四登兩府九尚書公在相府有戚里兄弟斷分財不均十

嘉蔭錄

年不決曰令甲乙各結狀俾居居乙舍乙居甲舍財產按堵如故咸服南康群洽齊賢所建

張宗晦齊賢子秘書監致仕居洛陽一日謁晉守其子曰唐賀之張道服居會稽明皇賜鑑湖宗晦曰吾白頭老監枕書而眠何必如賀知章道士服

張孝祥字安國父祈淮東運使居和州孝祥紹興甲戌進士第一歷集英殿撰知府

張孝基許昌人娶同里富人一子不肖斥逐財歸孝基久子勻于外孝基曰汝能灌園乎曰能又久之問曰能莞庫久之察其能自新以父財歸之遂成立厚德錄

東武劉燕庭氏校鈔

張九成字子韶號橫蒲曲江人紹興壬子歲狀元二子遜厚幼

厚九成禮部刑部侍郎侍講祕閣修撰謫邵州南安復修撰知温州卒年六十八詔復敷文侍制官其子第三人言行錄

張師德祥符二年封太山梁固狀元同三十一人及第固雍熙二年狀元梁元灝子也四年祠后土張師德狀元同榜三十一人及第師德建隆二狀元張之華子也甘棠處士魏舒詩云封禪汾陰連歲榜狀元都是狀元兒

張師厚獨人蘇軾送其殿試云一色杏花三十里新郎君去馬如飛

張君房景德及第祥符中有紫微舍人不文為翰林資君房代撰

嘉蔭錄

制誥一日有日本國入貢求撰神光寺記傳宣鎖院甚急而君
房飲都市樊樓一時紫微舍人大窘楊大年錢希白共作閑忙
令楊曰世上何人最好賢司諫拂衣歸華山錢曰世上何人最
好忙紫微失却張君房時仲放以司諫召不拜乞歸華山
張叔夜信州人靖康年以僉書樞密領兵勤王兵敗死節敕葬靈
鷲山詔立廟賜額旌忠之廟朱文公作廟記

張鑄字希顏祥符進士四歷太守五歷提刑運使南陽安撫安
石出其門下鑄姪温俱光祿卿致仕杜祁公衍詩云七十引年
遵禮經君家何事最為榮清朝叔姪同辭祿歸去田園惣列卿
張祕知貢舉省題出天雞弄和風詩進士上請曰爾雅文選二義

東武劉燕庭氏校鈔

未知孰從爾雅云虫有輶天雞注小虫黑身赤頭一名莎雞一
擣鳥有輶天雞赤羽逸周書曰文翰若彩雞周成王時蜀人獻
之文選謝靈運時天雞弄和風七發獨鶴神號乎其唐曰天
雞雉色杜詩云白鶴遂不來天雞為愁思

談苑

張奎字密學第亢字密省母宋新家二子讀書客來母窓門聽客
共二子談經史文學政使則喜設饌具若諧謔不及義則怒
不禮奎亢俱登科

張久鎮州人參張文禮軍事入為監察御史知制誥晉高祖赦天
下久上駭赦論晉高祖覽之大喜仕漢為吏部侍郎

張美字元具州清河人少為三司小吏澶州梁料使周世宗鎮

澶淵美奉之世宗立召為樞密承旨三司使世宗連年征伐魏
運不乏美力也以餉運功累遷節度使卒謚恭惠公

張永德字抱一并州曲陽人周太祖拜附馬都尉尚晉國公主從
征劉崇從世宗破紫金山十八砦克壽州鎮寧軍節度使同
平章宋朝加侍中武勝軍節度使陳下并汾之策太宗封鄧國
公貞宗封魏國公改彰德知天雄軍以老還政卒贈中書令

張和白字用晦滄州進士解州推官定武庫掌書記河北節度判
咸平年奏王者當奉時茂功典省刑罰明取士之制累數千言
貞宗召試舍人院召試中書直吏館江南早詔安撫江南京東
運使奏治道之要上曰知白在外乃心朝廷陝西飢命巡朝奏

東坡先生詩集卷之八

朝廷重內輕外唐李嶠建言請選臺閣分典藩郡自來補外知
青州還朝領國子監擢右諫議大夫御史忠臣給事中叅政天
聖年拜平章居相位重惜名器無豪髮私身位貴顯清幼如寒
士卒謚文節公

張士遜字順之光化進士生百日方能啼及帝鄭鄉主簿射洪令
監察御史江南運使謁王旦曰驟領職願聞善教旦從容日朝
廷擢利至矣拜尚書左丞繼張知自拜平章知寧府節度使知
許州再同平章封鄧國公宰相致仕自仕遜始居私第十年卒
謚文懿公

張昇字杲卿韓城進士營丘主簿太常博士知密州濠州仁宗嘉

祐年拜樞密叅政在御史與韓琦協立奏立英宗昇太師致仕
俸祿分九族退居十年愈老耳目聰明卒謚康節公與懿公趙
三十皆年八十

張方平安道宋城人穎悟絕人凡書一覽不再讀宋綬蔡齊薦茂
才異等知崑山縣舉賢良方正直言極諫著作通判陸州趙元
昊反方平上平戎十策慶曆又表請示招徠仁宗曰此朕心也
元昊通好召知制誥翰林學士御史中丞前三司王拱辰請推
河北監方平見仁宗奏曰河北再推監何也周世宗推河北監
犯者處死太祖征河東父老泣訴願曰以監課均之兩稅而弛
禁令兩稅監錢是已奏曰上宜直以手招罷之上書命方平密

東武劉燕庭氏校鈔

撰手詔下河北父老拜迎作佛事報上恩神宗降參政觀文學
士番守西京知陳州方行新法方平極奏新法之害太保到仕
卒謚文定公年八十五

張舜民字芸叟邠州進士書言王安石新法曰俗民所以窮民耶
國所以蹙國以堂堂天子不當與小民爭利元祐初司馬薦舜
民剛直敢言召監察御史上疏奏西夏事徽宗除諫議大夫吏
郎侍龍圖侍制知定州生元祐黨洛職復集賢學士集英殿修
撰致仕卒舜民慷慨善論自號浮休居士如王介甫哀詞題度
樓諸詩皆佳句紹興追復室文閣直學士文有畫墁集百卷
張康國字賓老維揚人太學進士兗州鏡州二郡教授左司尚書

嘉蔭後

左丞徽宗除樞密平官謚文簡公

張載字子厚長安人學古力行篤志好禮稱橫渠先生少喜談兵年十八范仲淹儒者名教可樂何事於兵因勸學中庸載感其言究六經及第祁州司法神宗召問志道對曰為政法三代除崇文檢書王安石問新政答曰公與人為善則人將以善歸公如教王人咏玉則有不受命者築室南山下布衣蔬食召知太常禮院以疾來婦道病卒著正蒙書行世朱元晦贊其像曰少晚孫吳晚迹佛老勇撤羣比一變至道第張戩字天祺及進士第熙寧初太博召監察御史奏劾王安石變法

張來字文潛楚州淮陰人從蘇轍學轍愛其文及第臨淮主簿壽

東武劉燕庭氏校鈔

安尉咸平丞召為太學錄元初正字著作國史院檢討在館八年擢起居舍龍圖閣直知潤州宣州謫黃州監酒後復州通判黃州知兗州名太常卿直龍圖閣知潁州汝州坐元祐黨落職初在郢聞蘇軾訃以師弟子禮舉喪言者貶房州別駕五年得旨居陳州主管崇福宮卒 曾慥云文潛魯直少游無咎四學士從東坡遊名聞當世山谷云文字江河萬里流張埴字叔和洛陽人龍圖壽芝裔黃魯直妹夫見黃詩張愈字少愚益州人嗜書好作詩進士不中舉茂才又不中西夏犯邊上陳攻取十策詔授校書郎奏請官授其父召赴闕不起上呂夷簡書夷簡敬重其言又詔赴闕不起大臣屢薦凡六詔

嘉蔭後

不起遂隱青山白雲溪彥文博守蜀高其行田况繼彥博尤重之每見必倒屣僚佐日斯人用疾正言司諫不用即巖谷一病叟愈不忘憂喜性高氣直清淡超然遠俗卒年六十五

張靄字伯雲崇安人國子任御史生嶠字景山官尚書郎生倣字希古淳化年及第官太甲大夫太常卿北部提工部充倣之二子族孫璋字好圭好學樂善早預計偕晚尉石埭城建寧居官以廉謹名居鄉以長原稱

張浚字德遠成都人唐張九皋之裔政和進士靖康太常簿建炎禮部侍郎樞密右僕射平張孝宗封魏國公隆興二年除少師保信軍節度使卒謚忠獻公子栻字敬夫侍講左司稱南軒

東武劉燕庭氏校鈔

先生初字定叟戶部尚書

張栻敬夫蔭補入官至侍講致仕居長沙謚宣公與朱子講學四書

撰湖北運使知江陵本路安安撫使卒年四十八言行錄

張俊字伯英泰州三陽弓箭戶靖康年官武義大夫拱衛大夫徐州觀察使建炎年武寧節度使加檢校少保少師封齊國公太傅廣國公清河郡王太師卒追封循王初建延年寇犯明州俊遺統制刘玘揚沂中申師中趙密与守臣刘洪道俱力戰破之又擒李允文又遺揚沂中援濠梁之功後兵八萬精壯號鐵山軍俊兄保怨不援引之俊日以錢十萬緡兵五千人要錢

嘉蔭錄

與兵流轉不息保曰不能俊園中一老兵晝卧蹴之曰何憺也
兵起喏曰无事問會甚事曰諸事薄晚令以萬緡回易對曰不
可非百萬即五十萬乃可俊與五十萬緡不問出入兵先買木
造巨艦市子女教歌无衣服極華麗收綾綿珍玩庚銀器四募
老吏將校紫衣軒昂如三司人從數十輩卒徒數百人教習踰
月一旦押文書請給官告張旗幟出海外逾年還珍貨酸焉獲
利數倍循王因得馬軍容大振問兵何以致利多對曰見海外
諸國主以綿繡珍玩遺之見左右貴人以女樂遺之諸國爭以
珠玉駿馬奇貨易女樂循王令再往兵曰此幼戲也不可再矣
但願退卧園中夫以一老病指五十萬緡不問出入若句踐舉

東武劉燕庭氏校鈔

國以聽范蠡漢高黃金四萬斤付陳平何異然不知其人而輕
信與之其人而不專任皆不足以成功而老兵之一往不再亦
庶幾乎知進退而存亡而不失其正者

張文蔚字右華河間進士唐昭宗時翰林院學士梁太祖拜為相
梁初制度皆所裁定文蔚居家以悌悌稱

張全義字國維濮州田舍子縣令困之亡人黃巢為吏部尚書水
陸運使巢敗乃從諸葛奕于河陽奕卒其事具于仲方為孫儒
所逐又與李罕之分據河陽洛陽以附梁全義勤儉御兵有
為河南尹時遭巢入兵大河南城邑戶戶不滿百全義
植自在酒食勞民勤見出入畎畝築南北二城以民教 漸完

盛民賴以生初全義敗於李罕之其弟全武及家屬獲於晉兵
晉晉王給以田宅及梁亡莊宗入汴全義自洛入朝莊宗勞之
曰鄉家弟姪幸復相見全義俯伏感泣唐洛陽經黃巢兵火城
無名居人縣邑荒地僅存三小遭又李罕之安奪僅存于堵全
義招來葺理復成大藩五代史甚畧資治通鑑稍詳今采張文
定公摺紳舊聞全義初致洛即麾下百人中選可任者十公命
曰屯將每將給一旌一榜往舊屬十縣中招民耕種流民斬歸
又選十八人命曰屯副招集綾袄之殺人者死餘笞杖有差初
無租稅歸民日申又選諸書記者十八人命曰屯田判官不數
年每屯戶數千農隙選丁壯教弓矢鎗刀坐作進退法行一二

東武劉燕庭氏校鈔

年行丁二萬餘人有盜即擒捕刑寬事簡遠近從之如歸市五
年號稱富庶然後擢每年一令簿主之全義惟喜耕織一家蠶
麥善收必具至具家召其老幼慰勞之遺之酒食茶綵或布衫
裙袴各有差喜動顏色田中開闢无草下馬覽賞之具田士田
荒蕪則聚衆決治之或斫无牛則責及鄰伍自家家富積水旱
無飢人在洛四十餘年至今庙食今之撫民守令具有能以全
義之六施有政乎

容齋隨筆

張希崇自德舉幽州人從劉守公將兵戍平州虜於契丹唐明宗
時為平州節度使歸明崇遷汝州防禦灵武節度使開屯田教
耕種足食省餉餽四年從鎮邠寧晉高祖立拜灵武節度使希

嘉蔭後

崇事母孝母食侍立左右好讀書知天文天福三年月掩畢口
大星希崇曰畢口主大星主邊將明年正月希崇卒贈太師子
仁謙

張鑑字季權盧杞同朝杞忌其忠直以計黜之德崇授鳳

石節度使及朱泚亂鑑死節初拜殿中侍御史郭子儀

被奴告事下御史鑑奏有傷風化不合聽除濠州刺史拜中書

貴平章同崇奉天監毀家輸國其行在初居衡陽有女債娘許

嫁性王宙而寒盟一日宙之國上國登舟而猜娘至遂居入蜀

官滿詣謝謚曰吾女病數年卧床然容兒似既至入室二人合

一體躍然起初病不能言至是言其常夢在他所不知去者是

東武劉燕庭氏校鈔

我也住者是我也

麗情集

張無頗遇表大娘以暖其合盛王龍膏遺曰可返魂可偶名妹一

日黃衣吏曰廣利王女病求神膏張往以膏獻王贈明珠翠腕

月餘一青衣送詩云羞鮮民當歸漢渚但憑春夢返天涯紅樓

日過鶯飛去愁殺深宮蒲砌花又曰再來神膏王祭女心遂以

妻張素大娘乃素天網女程先生妻也

幽怪錄

張易之美少年善音樂太平公主薦其地昌宗入侍禁中昌宗又

引易之俱幸於武后易之五郎昌宗六郎時稱六郎似蓮花楊

再思曰蓮花似六郎戴令吉作兩足狐賦譏再思中宗神龍元

年張東之等斬易之昌宗

張顥為梁相雨後有山鵲低飛近人顥令擲之墮地化為石稚破

石中得金印曰文忠孝侯印博物志張仲尉善屬文好學所居

蓬蒿沒人閉門恬養時人無知者惟劉龔相知

張元字孝始六歲南鄰杏熟落園中即兒爭取之元必以還其主

年十六其祖失明元誦佛書求福燃燈祀天一夕祖夢老人金

篋刮其眼膜而祖眼徻明比史孝行傳

張高巴西令官滿駕柴車載書數百卷腰垂破銀章薛邑人去邑

人懇留隋文帝擢巴西太守有德政遺愛碑杜甫詩銀章破在

腰

張介字吉父鄱陽人母懷妊時父客東西川介先兒時有感心

東武劉燕庭氏校鈔

在蜀幼與彭器盜同學吟曰愿是子規啼不到致令我父未歸

長在蜀父無還意介回省母復至蜀往復涪關間者三奉其父

以熙寧十年三月歸自蜀一時名士賦詩紀其事彭尚書器資

詩河可竭山可以徙我翁不歸行不已三性三復翁歸止翁行

尚壯今老矣兒昔未生今壯齒郭公父詩父昔離家子方孕子

得具父今壯年胡不歸兮死以請慰我慈母心懸懸三性三復

又十戴孝子執鞭方言旋復齋謾錄朱壽昌尋母見朱姓宋朝

張子野蘇子瞻守杭州李公擇守吳興楊元素陳令奉刘孝叔六

人至松江夜坐宴垂虹亭子野年八十五作定風波詩見說賢

人聚五分試問也須榜有老人星因名六客亭凡十有五年子

嘉蔭錄

瞻再過吳興時張禮陳劉楊五人古矣其同會張仲謀張東道
曹子方劉景文蘇伯固請作後六客詞云日滿蒼溪照夜堂五
星一老鬪光芒十五年間真夢裡何事長唐對日獨凄涼綠髮
蒼顏同一一醉又是六人吟嘯水雲鄉賓主談鋒誰得似看取
劉曹今對兩蘇張子野年八十五聘妻蘇軾云詩人老去鶯鶯
在公子歸來燕燕忙子野樂府或喚張三中子野曰何不稱張
三影謂雲破月來影花弄影宋子京往見曰傳語欲見雲月來
花弄影即中子野問令曰得非紅杏枝頭春意鬧尚書子 宋
朝張守自全貞又字子固晉陵進士建炎監察御史殿中待御
史中書禮部侍郎翰林端明大學士簽樞參政奏對力陳恢復

東武劉燕庭氏校鈔

守禦大計有奏議

張燾字子功饒州得興人政和上舍廷試第三高宗除起居舍人
中書兵部侍郎權尚書寶文閣學知成都府端明大學士吏部
尚書資政殿樞密參政卒年七十五謚忠定公

張燾字景元龍圖閣直學士通議大夫元曹五年彥博富弼司馬
光十三人與 張問字昌言大中大夫年七十同洛陽耆

英會

張好問年八十五丞相李昉同至道九老會

張渾永州刺史年七十七白樂天唐香山九老會渾詩幽亭春晚
共成現印綬居身是大官道跡起勞登遠岫垂綸何必坐溪磻

詩聯大韻尤應易酒飲三五未覺難每况襟懷同宴會共將心
事比波瀾風吹野柳懸羅帶日照庭花落綺紉此席不煩鋪錦
帳茲延堪作畫圖看

東武劉燕庭氏校鈔

章

河間周官保章氏

齊太公支子封鄆

廷章稱章子

章邯秦將封雍王

章昭達以戰功授定州刺史宋文帝夢昭達升台昇且語之曰何
以償夢對曰當東忠節授都督江州刺史位司空南史

章全溢梓州涪城人幼孤鞠於兄全啓母病全啓封股膳母而愈
兄喪全益服斬衰報恩不育妻妾僮僕膏藥以給民成都四十
年稱章孝子

章華字仲宗吳興人好學朝臣以華無閥閱詆排之除大市令上
書諫陳後主若不改弦易張則陳恐麋鹿遊於姑蘇之臺後主
怒斬之以故仲宗名聞天下

陳書

嘉蔭錄

章彝梓州刺史燕侍御史東川留後杜甫冬將行章梓州猶亭桃
竹杖引子美詩眷眷章梓州開筵俯高柳

章孝標唐元和下第以燕詩上主司庾侍郎舊壘危巢泥只落今
年故白杜前歸連雲大厦無栖處更榜誰家門戶庾公再司文
衡章擢上第人謂二十八字致高科

章皇后成陳武宣后吳興烏程人本姓鈕其父景明為章氏養子
今族亦盛

章岳晉永嘉年中泉州太守因家焉至後唐廣州刺史及自南安
徙建州蒲城生脩脩生鈞創天祐年王審知守福州鈞上三策
授高州刺史檢校太傅以步騎五千屯浦城西巖山控制兩制

東武劉燕庭氏校鈔

垂二十年鈞娶練氏生十五子仁嵩仁徹仁郁仁房最盛得象
友直敦業誼望之衡元振良能良肱皆其後也創四子復居南
安亭鐸徙蜀縣梓間世傳練氏有陰德

章得象字希吉父夢庭積象笏而生因名得象及第寶元年拜相
楊大年曰閩士多輕得象渾後有容公輔之材石介曰晏殊章
得象謹重微密山宗曰卿忠清無所附麗故大用也慶曆年鎮
安軍節度使性端重在翰林十二年怡然自得居相位八年親
戚子弟仰而不進封郇國公謚文簡

章友直字伯夷皇祐年中近臣言具有文章善家召大學石策經
成試將作監主簿不就王介甫銘其茂曰列禦寇在周當文武

末世哀天下士沈於得喪陷於毀譽離性命之情自托於人偽以爭須臾之欲故所稱述多謂天君子若有直者似之矣

章敦子厚始生族父德象奇其風骨進士甲科知商洛縣同蘇氏游南山仙遊潭下臨絕壁萬仞子厚推軾下書石壁軾不敢子厚祿險而下以漆墨濡筆大書曰蘇軾章敦來遊軾撫其背曰子厚異日得志必能殺人敦曰何也軾曰能判命者能殺人也元豐年間拜門下侍郎知樞密哲宗拜左僕射封申國公子厚擇進士甲科孫傑潛泳深澗洽沐載梓籥相居登科

章淦字質夫以世父得象蔭將作監主簿進士科甲知陳州提刑直龍圖閣知慶州鎮涇源四年置城砦九以挫西夏徽密卒謚

東武劉燕庭氏校鈔

莊敬公七子緯綜綜紹緝續緯及第戶部淮東提刑時察京更鈔法江淮富商陷為流丐赴水死者相望緯奏京變法殺民京恕逐之綜陝西運使孫覲銘緯綜墓蘇軾帖云屢承下訪曷堯不肖豈復有出公意表者一事公宴用香藥珍異極為審商坐賈之苦勿創此利一奏罷之陰德事也柳花詞妙絕又思公正柳花飛時遠出巡按坐想閉門愁斷因寫意次韻一首寄去勿示人也

詞見破集

章誼初龍圖學士徐金不屈節紹興尚書端明知建康府章望之字表民以從父得象蔭又舉賢良方正得象拜相遂不仕歐陽修韓絳吳奎劉敞范鎮劉薦除節度判官不赴烏程縣令

嘉蔭後

不赴

章衡字子平嘉祐狀元臨江汝穎真定滁秀襄陽曹河陽越揚廬
宣十四郡太守終寶侍制河北安撫築潭河沱陽衛居民章思
兼括蒼人太傅鈞後徙括蒼龍泉一麗水東鄉一青田界首
章服乾道年侍御史吏部侍郎

章元振字時舉仁高裔建炎知秦縣盜起率民保山皆獲全知湖
州肇慶府廣東提舉司不附秦檜時人高之建安志子才即守
臨賀辰陽謁龜山楊時晦以熟讀論語仁處翫味力行遵所
聞行知所為篤實士嚴瀨詩曰短棹夷酒七里灘人亡依舊水
光寒漢家名節君知否盡在先生一釣竿朱元晦送赴荊州云

東武劉燕庭氏校鈔

雄藩荆楚地自古國西門客有籌邊略人知幕府尊才即與周
益公洪內翰邁朱元晦諸公游

戊集三卷全

東武劉燕庭氏校鈔

戊集第四卷

長長沮桀溺耦而耕

長息問公明高

萇萇弘周大夫仕靈王景王敬王三朝為忠臣莊子云宏蜀人死於蜀藏其血三年化為碧左思蜀都賦碧出萇弘之血又見春秋左氏哀十三年

萇總唐大歷奉天尉

萇從簡陳州人善槊晉軍校從唐莊宗攻城為梯頭以功授步軍指揮使莊宗與梁對壘梁軍前一執大旗者勇而長從簡馳奪旗諫而還中矢入髀鑿骨以取鏃言笑自若晉歷忠武武寧兩鎮節度使左金吾衛上將軍卒五代史

梁安定天水周平王封中子唐於夏陽梁山曰梁伯秦滅

梁子河南孫奔晉以國氏漢複姓十二氏安定烏程縣

漢和帝以豪族自河東徙烏氏春秋梁丙晉梁益耳梁弘梁

由靡

梁鱸字叔魚孔子弟子家語云齊人史記世家贈梁伯封千乘使

梁丘據齊桓公嬖臣左傳昭公二十年

梁丘賀字長翁受易京房漢宣帝甘露年^圖像十一人麒麟閣梁丘

賀與西漢儒林傳

梁鴻字伯鸞家貧博學尚節介牧豕上林苑失火延燒他舍悉豕
償之過京師作噫曰陟彼茫茫噫顧覽帝京兮噫宮室崔嵬兮

東武劉燕庭氏校鈔

噫人之劬勞兮噫遼遼未央兮噫孟光字德耀無容有德年三

十不嫁父母問對曰必賢如梁伯鸞者乃可鴻聘焉光肥黑而

醜力舉石曰作布衣麻縷縷織篋緝績具入門七日而鴻不答

光跪曰聞夫子高義簡斥數婦而妾亦偃蹇數夫矣今不答請

罪鴻曰吾妻葛俱隱光衣隱服椎髻布衣鴻曰真梁鴻妻俱入

霸陵山耕織舂賃鴻歸光具食舉按齊眉後漢

梁統漢光武太中大夫論律令蘇軾曰統重刑一語得罪于天其

子松竦俱死非命而冀以滅族

梁竦字叔敬登高望遠嘆曰大丈夫生當^封侯死當廟食不然閑居

可以養詩書足以自娛州縣之職徒勞人耳女為章帝貴人生

皇子肇竇后養為子欲專名外家乃陷竦死獄中梁貴人憂死肇即和帝位封三子列侯

梁冀父商封乘氏忠侯順帝令河南尹襲封乘氏侯拜大將軍其弟侍中不疑為河南尹冀一門七侯三皇后六貴人二大將軍夫女食邑封君者七人尚公主者三人卿將尹校五十七人執國柄二十年威行中外質帝目冀為跋扈將軍冀令左右置毒煮餅以進張綱劾奏不能去延熹二年具瑗單超等共誅冀收其家財合三十餘萬

後漢

梁琛仕北燕為侍郎兄奕符秦尚書琛自燕使符秦至長安符堅畧於萬年欲見琛曰秦使至燕君臣朝服見燕使至秦乃野見

東武劉燕庭氏校鈔

之不可堅為行營儀見琛奔舍琛曰昔諸葛瑾仕吳聘蜀與亮惟公朝相見退不私面今令即安私室使臣不敢奉命奕問東國事琛曰今言東國之美恐非西國所樂聞言不美失使臣體勿問之秦破燕琛係獄王猛以為記室

北史

梁氏女有姿容晉石崇為交趾采訪使以明珠三斛買為妾名綠珠梁彥光字修之七歲父病篤醫曰五石可愈無紫石英彥光仰天號呼忽得一石光采異持明醫即紫石英父愈彥光擢岐州相州刺史發姦摘伏如神州境大治有嘉禾連理木之祥奏課天下第一

隋史

梁毗字景和西寧刺史蠻俗好金爭奪或餽以金毗置之地泣曰

嘉蔭錄

此物飢不可食寒不可衣安用此俗以化拜侍書侍御史大理卿隋史

梁集字子虞拜州刺史孝治績為天下再拜大司農在郡二十餘年

梁覽字景叡其先部落酋帥家富豪貲千金仕魏梁州河州刺史

甲兵精銳吐谷渾畏之曰梁公在不可行也北史

梁禦字善通仕周文帝復弘農破沙苑拜大都督雍州刺史子睿

字持德益州總管威惠兼著

梁椿字千年周拜大將軍善撫納賞賜分毫不得其死力

梁臺字洛都周拜大將軍鄜州刺史果毅有惠愛

梁昕字元明河南太守荊州刺史仁惠溫裕歷內外官俱有政聲

梁士彥字相如好兵書周武帝拜鎮將齊人憚之除晉州刺史齊

東武劉燕庭氏校鈔

兵攻晉州樓堞皆盡士彥慷慨自若士卒奮擊一當百齊兵却

梁越字玄覽博通經傳魏禮經博士魏道武令授皇子經書北史

梁祚通經典善公羊春秋鄭氏易儒林傳

梁文真從軍守邊還家親亡自傷不及養穿墻為門晨夕灑掃廬

墓喑默三十年家人有問畫字以對甘露降墓樹白玉馴繞縣

令刊石以記

梁震唐進士入蜀至江陵高季昌奏為判官震恥之欲去恐禍乃

曰震不願官明公不以愚俾參謀議曰衣侍樽俎可也季昌以

為謀主呼梁先輩震稱前進士高從誨兄事之震曰先主待我

以布衣交以嗣屬我今嗣主不墜先業足矣請退從誨築室土

州震稱依政進士荆臺隱者每詣荆南節度使騎黃牛至廳事
司光曰孫光憲見微能諫高從誨聞善能徙梁震功成而能退
自古有國有家者如此又何亡國敗家喪身哉五代史

梁周翰字元褒鄭州進士虞城主簿宋藝祖修宮殿周翰奏五鳳
樓賦宰相李昉奏之太宗除起居舍人真宗拜翰林學士工部
侍郎卒

梁景不善書而起草用蜀箋趙安人善書每用舊箋時稱二背
梁顥字太素鄆州人雍熙二年狀元及第拜右拾遺真宗幸大名
府訪邊事顥奏大將軍傳潛奉詔握重兵逼擾無謀赦而不誅
何以謝橫死鋒鏑者顥除翰林學士知開封府卒初顥年八十

東武劉燕庭氏校鈔

二謝云白首窮經少伏生之八歲青雲得路多太公之二年

梁固顥子祥符年狀元及第

梁適字仲賢顥子輯顥制誥遺文進真宗曰梁顥有子授秘書正
字及第改中允知淮陽軍召審刑院梓州妖人咒咀殺人適曰
咒咀殺人甚於刃論處死儂智高攻廣州得賊榜欲得邕桂七
州節度使適奏上決意命狄青平之適除叅政禮部侍郎同中
書門下平章事神宗加太傅卒謚莊肅公

梁燾字况之父舊兵部郎燾登第元祐諫議大夫御史張舜民因
言事左遷燾奏御史敢言大臣者天下公論大臣不悅御史者
一人私心屈天下公論決一夫私心非治朝美事元祐七年拜

尚書左丞

梁克家字子叔泉州進士治禮記紹興狀元乾道年兩知貢舉樞
密叅政左丞相知福州上書益稷篇賜新進士克家奏益稷首
治言水奏艱末言明良喜起學者因宸翰味經旨當知古人用
再相四年卒謚文靖公言行錄

涼 涼茂字伯茂山陽人太山太守魏尚僕射太傅魏史

良 鄭茂公子去疾字子良 良霄七穆之一

良就漢河間王相 良賀

姜 天水 炎帝生姜水 共工氏從禹治水為四岳尊為太嶽
命為侯伯賜其祖姓曰姜以紹炎帝太公望封齊後

東武劉燕庭氏校鈔

為田和所滅漢以關 東豪族徙關中居天水蜀將
軍平襄侯維之孫明居上封明後魏兗州刺史封天
水郡公九真姜氏出自天水唐宰相二恪 公輔

姜詩妻龐氏事姑孝詩母喜飲江水龐氏沂流六七里取水以飲
母好食魚龐氏力作以供一日沂江取水值風還遲致母渴詩
怒妻龐氏被出寄隣舍晝夜紡績市珍羞使隣母以意饋母久
之詩母感泣召龐氏還舍傍湧泉味如江水每躍鯉一雙足供
膳赤眉賊弭兵過其里曰驚孝子必觸鬼明帝察廉以詩孝廉
為郎妻龐氏龐盛女也

姜肱字伯淮兄弟四人居貧以孝行著每一布被兄弟共弟仲海

季江俱詣郡遇盜欲殺食之肱曰弟年幼父母所怜願殺我以活弟季姜曰兄年德俱長之璠寶之英俊乞代兄命盜兩釋之陳蕃薦五處士徐積姜肱袁閎韋著李曇桓帝徵肱不起遣畫工即彭城圖其形狀肱臥暗以被韜其面言有眩疾畫工不可得見

姜維字伯約蜀大將軍封平襄侯及鄧文破蜀殺維剖其腹膽大如斗

姜子才貧賣漿值天涼屠牛賣肉值天熱

姜暮秦州上邽人平薛仁果有功唐高祖曰昔人衣錦故鄉擢卿秦州刺史州人喜曰不意今日復見太平官府

東武劉燕庭氏校鈔

姜皎唐明皇微時與姜皎上即位皎與弟晦並顯皎誅竇懷貞有功進殿中監封楚國公其子慶初襲封楚國公宋璟言皎兄弟權勢太盛上制曰西漢諸將以權貴不全南陽古人以幽閑自保皎宜從歸田里官勲封國如故 互張說 杜甫有楚公畫角鷹詩

姜晦起家蒲州參軍高陵令御史中丞太常卿奉詔市馬改兵部吏部侍郎主選事

姜萼父慶初尚唐公主生萼開元皇帝外孫生三日上曰他無以餉吾孫敕賜第六品官告緋衣銀魚通籍出入名是官七十年不徒然在蜀漢荆楚以大夫諸侯命守州邑時缺則復命好遊宴嗜音生富貴畜歌妓能傳宮中聲賢豪大夫多與連歡 見柳文

姜宇字子居天水人幼在河北城不識家牧羊身長七尺美丰姿
夜讀書陳奇之語其女之欲女以牧羊人女曰宇之才姿豈終
牧羊者乃以女妻之官至京兆尹御史中丞前秦錄

姜確字行本唐貞觀將作監征高昌為行軍總管出伊州距柳谷
百里依山造功具其地有漢班超紹功碑確磨去古石刻刊頌
唐威德平高有戰功璽書勞之在官祈寒烈日無怠容

姜公輔愛州日南人登科德宗幸奉天公輔陸贄盡忠諫諍擢諫
議大夫同平章事以直諫謫泉州染室九日山之東與秦系為
友九日山因號姜相峯王十朋詩相國忠如宋廣平危言流落
晉江城天姿自心女無心貴何事青山也得名唐貞觀二十一年

東武劉燕庭氏校鈔

撫州別駕

姜師度魏州人初丹陽尉龍岡令河北巡察度支營田使初溝薊
門以限奚契丹鑿平虜渠以通餉道罷海運省功多遷司農卿
太原倉水陸運所湊依高為廡而注米於舟不勞人力進河中
尹置鹽屯公私收利不貲遷同州刺史收棄地二千頃開上腴
田置十餘屯所

姜宗字從式淄州進士知廬陵縣召監察御史殿中侍御史青州
麻氏姓富人因契丹寇澶淵兵至臨淄麻氏率莊丁千餘人立
堡衛鄉里多所全濟契丹退麻氏歛兵器以輔官而留什一二
以保家富而橫麻氏瑤有姪幽卧死遵發其事索得兵器及小

玉印乃按劾麻氏蓄禁兵刻玉寶圖不軌驗實誅麻氏 遵天
聖七年樞密給事中卒

姜度唐太常卿生子李林甫書賀曰聞有弄麀喜坐客掩口笑
詩載弄之璋非麀字

王太原瑯琊 周靈王太子晉後 北海 陳留 齊王田和

東海姬姓畢公高後 高平 京兆魏信陵君後 天水東平

新蔡 新野 山陽 中山 章武 東萊河東殷王子比干後

金陵 廣陵 長沙 堂邑 河南凡二十一望 賈執英傳賢

傳云東莞有五王氏史記云齊威王後

初周靈王太子晉以直諫廢為庶人其子宗敬為司徒王家秦

東武劉燕庭氏校鈔

秦將軍翦翦生賁賁二子元威元徙瑯琊王吉漢諫議大夫駿
御史大夫生崇大司空扶平侯遵字百業漢中大夫義御侯二
子祥覽字玄通晉宗正卿即丘貞子生裁字士初生遵穎敬導
字茂弘晉丞相始與六子悅怡劭洽協蒼洽字敬和散騎侍郎
二子珉珣字元林尚書令將軍謚獻穆公生曇首宋詹事封豫
寧文侯二子僧虔僧綽襲封豫寧侯生儉齊侍中尚書令南昌
文獻公

太原王氏自離次子威漢揚州刺史霸字仲孺生咸十九世孫
澤雁門太守生昶魏司空二子渾濟渾字玄冲晉尚書京陵原
侯生湛汝南內史生承字安期藍田縣侯生述字懷祖尚書令

簡侯生坦之左衛將軍藍田獻侯生愉江州刺史至後魏鎮東將軍瓊生四子遵業廣業延業季和稱四房王氏

又有河南烏丸中山華陰京兆王氏唐宰相世系定著三房瑯琊太原京兆唐宰相十三人

王喬漢書王喬傳何敬祖曰在昔王子何道發伊洛仙傳曰王子喬何靈王子晉曰語我家七月七日待我緱氏山頭至期往見白鶴漢明帝時華縣令王喬每月朔望謁京師朝會上恠來數不見車騎令太史密候之雙鳧自南來羅之得一烏漢四年賜尚書官屬履一日玉棺降庭喬沐浴自入玉棺中曰天帝召我吏葬葉城縣城東土自成墳百姓立廟曰葉公祠

漢方術傳
東武劉燕庭氏校鈔

王林國見賢必進其不能達者退分其祿衛靈公臣

說苑及柳文註

王翦秦將軍

王賁

王離

王元

王威

王吉字子陽明經舉孝廉雲陽令舉賢陽昌邑中尉居長安東隣棗垂吉妻取以食吉出其妻東隣欲伐樹鄰勸還妻語曰東家有樹王陽出婦東家棗完去妻復還吉貢屬善相薦拔時曰王陽位貢禹彈冠吉祿隆自奉不積餘財遷徙載囊衣天下服其廉拜諫議大夫子駿

王駿字偉山遷京兆尹繼趙廣漢張敞王遵王章皆能吏京兆語曰前有趙張後有三王駿不再娶曰德非魯參子非華元何敢再娶拜御史大夫子崇

王崇自德禮拜大司空封扶平侯避王莽乃就國自吉至崇世有清明
王符字節信隱居著三十篇名潛夫論將軍皇甫規解官歸安定
有以貨得雁門太守歸謁臥不寧謁入規曰卿在郡食鴈羹手
吏又報王符在門規驚起衣不及帶履迎門援手入同坐甚歡
時曰徒見二千石不如一縫掖言道之重也符不仕

王陵漢將其母在楚因漢使至楚陵母曰願與吾子善事漢王漢
王長者終得天下勿以老妾故持二心妾以死送使者伏劍而
死陵事高帝得天下 後拜丞相封安國侯初秦豪傑推陳嬰
王嬰母曰自為汝家歸世貧賤驟富貴不祥宜以兵屬人事成
受福不成禍已及嬰從之陳氏已寧故世曰嬰母知廢陵母知興

漢書
東武劉燕庭氏校鈔

王式字翁思東平心桃人昌邑王師之王廢王吉龔遂以諫免死
式曰臣以詩三百五篇朝夕授王即諫書亦減死諸生薦為博
士諸大夫持酒勞問有博士江公為魯詩著孝經說心嫉式為歌
吹生歌驪駒式曰客歌驪駒主人歌客歌無庸歸今日諸君為主
人日上尚早驪駒未可歌也江曰經何以言式曰曲禮江曰何
狗曲也式恥之曰我本不欲來乃為豎子所辱謝病不仕漢書
注大戴禮記驪駒在門僕夫俱存驪駒在路僕夫整駕此章客
欲去則歌

王嘉字公仲平陵人明經甲科鴻嘉年舉直言九江河南太守建
平年代平當丞相封新府侯上疏曰今郡守古諸侯文帝感馮

嘉蔭移

唐言遣使持節赦魏尚為雲中太守匈奴畏之武帝擢韓安國
徒中拜梁內史骨肉以安張敞京兆尹當免宣帝徵為冀州刺
史卒獲其用前世非私此三人貪其材也嘉子嗣新甫侯

王章字仲卿太山鉅平人為諸生學長安病床牛衣中與妻訣泣
妻曰京師尊貴在朝廷諸踰仲卿今疾厄不自激昂而乃泣涕
何鄙也後拜諫議大夫元帝時石顯陷免官成帝拜司隸校尉
京兆尹上封事妻止之曰人當知足獨不念在牛衣中泣涕時
乎章曰天下事非女子所知書遂上死獄中妻子徙合浦初章
王鳳所舉而書言鳳專權故及漢書本志洪平齋讀漢本傳詩
皂囊與手自封題忘卻牛衣忍凍飢一點丹心通碧落歲寒寧

東武劉燕庭氏校鈔

負白頭妻

王章字君公牛牙人與逢萌徐房李子雲友善君公避亂僧牛自

隱時人曰避世河東王君公後漢書

王章五代漢三司使掌財用田賦舊每一石加二升耗章乃增二
升為二斗舊制錢出入八十為陌今章入八十出七十七文曰
有陌又每一件除四文索錢曰蹺索又簿文士曰此輩授一握
筭不知縱橫何濟於用耗米至今病民五代史

王褒字子淵蜀人作聖主得賢臣頌中和樂職宣布詩楊雄並稱
淵雲拜諫議大夫益州有金馬碧雞瑞上命褒往祀馬道病卒漢書

王褒字子深北周書

王充字仲任會稽人少孤鄉里孝稱師事班超家貧無書常洛陽市書肆閱所賣書通百家眾流為郡功曹好論說閉門潛思戶牖牆壁各置紙筆著論衡八十五篇將七十著養性十六篇願神自守後漢書

王粲字仲宣強記默識共人誦道傍牌記默不失一字觀碁局終覆之不誤曹子建與楊德祖書云仲宣獨步漢南終繇王郎為魏相國凡有奏議閣筆不能措手仲才捷給蔡邕曰王孫之才吾不如也一日邕賓客盈坐聞粲在門倒屣出迎粲至年幼容貌短少一座皆驚漢末避董卓亂往荊州依劉表及思歸登江陵城樓作登樓賦從曹操西征張魯因作從軍詩五首見文選

東武劉燕庭氏校鈔

拜侍中後漢

王訢濟南人被陽令守右扶風宮館馳道供帳武帝拜右扶風昭帝拜丞相封宜春侯

王忱字少林詣京師空舍中一書生疾視之生言為金彥命在須臾腰間有金十斤相贈煩掩體言已而卒忱為以金一斤營葬餘置棺中忱署亭長有馬馳入亭而止天風吹繡墮前刺其馬至洛縣或問有何陰德自言葬書生事問者驚曰即吾子也天以此彰公盛德後除郟令至甃亭為鬼女子理寃

王恢漢武帝後元二年建議伐匈奴

王凌字彥雲舉孝廉遷兗刺史賞罰紀綱軍民悅服謂司馬宣公

曰公可折簡召我何苦自來王曰卿非折簡可呼者

王崇封安成侯王譚封平阿侯王商封成都侯王立紅陽侯王逢時關內侯漢成帝母舅五人同日是封是日黃霧四塞

王逸字叔師校書郎著楚詞章句欲作魯靈光殿賦令其子延壽往錄其狀延壽因韻之以簡其父逸曰吾無以加也殿漢景帝子魯共王餘所建蔡邕亦欲作賦見延壽所作亦止延壽年二十四過漢江溺死

王溫舒陽陵人遷廣平都尉擇郡豪敢往吏十餘人為爪牙凡盜賊敢近廣平路不拾遺河內太守好行威上以為能遷中尉窮治姦猾糜爛獄中

漢酷吏傳

東武劉燕庭氏校鈔

王商字子威涿郡人京師訛言大水至商止之為丞相身長八尺單于來朝仰視曰大可畏也退却上曰真漢宰相

王成膠東王相治有聲宣帝褒曰膠東相勞來不怠治有異等賜爵關內侯所居民富所去見思

王良字君嚴漁陽人拜河南尹阜城雲臺二十八將

王丹字仲回家千金周急好施每歲農時載酒穀田間東作勤者飲勞之其惰者恥不至乃相率勸耕農邑遂殷富

王龔字伯言遷南陽太守溫和好士後進名士歸心太尉選辟皆君子長者

子暢字叔茂清方公正有不可犯之色為尚書南陽太守下車

奮厲威猛糾察郡姦黨豪右大震

王允字子思郭泰曰王生一日千里王佐材也

王景字仲通或薦景治水明帝詔修浚儀渠修汴渠拜河隄謁者廬江太守修芍坡教明用黎耕郡豐富

王渙字穉子除温令誅姦猾有方畧郡境清夷商旅路宿牛羊布野遷洛陽令寃獄疑訟一見曲盡情詐郡疑立判發姦摘伏有權譎京師服其神政吏民建生祠

王霸字儒仲漢連徵不仕同郡令孤子伯友善子伯為楚相子郡功曹奉書于霸既去而霸久臥不起妻問霸曰見令孤子伯之子容貌甚光舉措甚適我兒蓬髮厯齒未知禮故慙妻曰君少

東武劉燕庭氏校鈔

修清節子伯之貴孰與君之高君躬勤苦子耕以養安得不蓬頭厯齒柰何忘宿志而慙兒子乎霸笑而起曰有是哉遂俱隱天子所不得臣諸侯所不得友

范華漢書

王霸字元伯潁川人從光武至溧沱河曰水堅可渡上曰王霸權以濟事殆天瑞也馬武攻垂惠為蘇茂周建所敗求救於霸霸曰敗兵盛出則俱敗君努力而已霸閉營不出茂建挑戰霸方享士作娼樂茂射中霸前酒樽安坐不動軍吏曰茂易破也霸曰彼客兵遠來食少挑戰今閉營休仕不戰而屈人兵也雲臺二十八將拜上谷太守

淮陽侯東漢

王常字顏卿潁川人雲臺二十八將橫野大將軍封山桑侯光武

嘉蔭籙

曰王常輔翼漢室心如金石貞忠臣也又曰吾見王廷尉不憂南方矣拜漢忠將軍東漢

王常齊僕射稱墜車僕射南史

王烈字彥方所居君子鄉里有爭往質之或途而返或望閭而返有盜牛捕獲之盜曰刑戮是甘勿使王彥方知之烈聞之遺布一端後有遺劍於路行路一人見而守之即前日盜牛者王烈以得感人如此東漢

王烈神仙傳王烈之太行山聞山東北聲如雷往見山裂石破有青泥流出烈曰仙經云神仙五百年一開其中石髓服之者壽等天地烈飲其半餘半將以遺稽康及至康所凝為石不可飲

東武劉燕庭氏校鈔

王脩字叔治至孝其母社日忘脩七歲哀哭隣里為之輟社三

國魏志

王觀字偉臺涿郡太守治身清潔僚屬成風自勵拜右僕射

清勁貞固南史

王澤漢雁門太守生袒生湛生承生述生坦之愉忱愷凡八葉繼軌軒冕莫比

王昶字文舒魏明帝詔求才德司馬懿以兗州刺史王昶應選昶性謹厚名其兄子曰默曰沈名其子曰渾曰深作書戒曰物速成則疾亡晚就則善終朝花之夕草而零落松柏之茂隆冬不衰是以君子戒於闕黨能以屈為伸以讓為德以弱

為強鮮不遂矣祖位司空尚忠節戒驕淫通鑑魏紀

王沈字處道魏侍中賜號文籍先生在魏為席上之珍在晉為幄中之士拜御史大夫尚書令給事子浚字彭祖

王濬字士治初起宅開門前路曰欲容長戟旌旗或笑之濬曰燕雀安之鴻鵠之志嘗夢梁上懸三刀主簿李毅曰三刀為州必益州也濬美姿容徐邈擇壻大會僚屬令女自觀女指濬示母遂嫁濬小字阿童羊祜聞童謠云阿童復阿童銜刀橫渡江不畏岸上虎但畏水中龍表濬監益州軍事加龍驤將軍治樓船順流伐吳時造船木柿蔽江而下吳建平守吾以柿白吳增兵防彥作鐵鎖橫江濬初參祜軍事知其才祜

東武劉燕庭氏校鈔

兄子暨曰濬志大侈奢不可專任祜曰濬大才可任詔濬攻建平受杜預節制至建業受王渾節度杜曰濬得建平順流長驅不宜受制於我以書獎之大悅武昌順流趨建業

王渾字玄冲遣信要濬論事舉帆直指建業報渾風利不得治也戎卒八萬方舟百里鼓譟入石頭城吳主好降濬渾以武帝太康元年出橫江攻吳鎮戍皆克渾怒欲攻濬何攀歡濬送皓與渾以免而爭功不已武帝以渾為上功拜司徒加侍中濬加輔國大將軍封襄陽縣侯杜預當陽縣侯渾京陵侯增邑八千戶爵為公濬自以功夫為渾父子所仰益州護軍范通曰卿之功美矣所以居美者未盡善也若旋旆入角巾

私第口不言平吳功或有問則曰聖主之德將帥之功老夫何力之有此藺相如所以屈廉頗也渾能無愧乎濬曰吾懲鄧艾事懼禍及身不得忘言其不能遣諸宵中是吾福也唐武后幸洛陽闕鄉縣馬不進召卜巫云晉龍襄將軍墓在道南哀訴上詔王濬墓不許樵牧

王基字伯輿察孝廉為郎遷吏部尚書中書監

王謐字稚遠秘書郎遷吏部尚書中書監

王平字子均鎮北將軍生長戎旅所識不過十字守不能書使他讀傳記而聽之遂通古今大義

王肅字子雍官秘書監侍中其女晉文明皇后肅註論語尚書

東武劉燕庭氏校鈔

三禮左傳周易春秋條例毛詩記春秋三國傳國語爾雅諸注劉寔曰王肅方於事上而好下佞己此一反也性嗜榮貴而不苟合此二反也吝惜財物而治身不穢此三反也子愷恂愷

王恂字子良河南尹侍中立學崇五經

王愷字君夫與石崇競富拜後將軍互石崇

王肅字恭懿自齊奔魏豫州刺史拜尚書今楊州刺史北史

王弼字輔嗣注易晉世浮華相扇儒雅日替范甯謂王弼何晏二人浮桀糾晏好老莊作道德論文職弼儒詞才辨逸天下

宗之名理學盛始行正之際

王虔字恭祖位尚書恂弟南史

王衍字夷甫方摠卅山濤曰何物老嫗生此寧馨兒然誤天下蒼生者此人也補元城令清談終日捉玉柄麈尾與手同色談理未安隨即更改時號口中雌黃又謂衍何人倫之鑿朝野慕之稱一世龍門從兄戎曰衍神姿高輒如瑤林瓊樹自然風塵之表王敦曰衍在衆中如珠玉在瓦石間衍口不言錢妻郭氏令以錢繞房榻衍曰舉阿堵物去弟澄顧愷之為畫嘉神贊曰岩岩清峙壁立萬仞

王澄字平子聞魏玠談道歎息絕倒時語曰魏玠談道平子絕倒澄與王玄王濟齊名世謂王家三子不如衛家一兒與任

東武劉燕庭氏校鈔

昉為曠達友或裸形歡教樂廣曰名教中自有樂地澄諫衍妻郭氏貪鄙郭氏怒曰昔太夫人以小郎囑新婦不以新婦囑小郎衍居宰甫以澄為荊州族弟敦為青州曰荊有江漢之固青州有附海之險二人在外術留中是足為三屈矣識者鄙之懷帝時衍被石勒使人排墻殺之

王戎字濬冲六歲群兒戲道傍有李群趨戎不往曰必苦李也阮籍謂其父渾曰戎非卿比也共卿言不如共阿戎談裴楷曰戎眼爛爛如巖下電有識鑒目山濤璞王渾欽金人其實莫知其器王衍瓊林瑤樹自出風塵之表裴楷拙於用長苟勗工於取短陳道寧稜稜如束長竿妻呼卿戎曰婦卿天理

不順妻曰親愛卿故卿卿我不卿卿誰當卿卿戎為尚書令
着公服過黃公酒壚曰吾昔與稽叔夜阮嗣宗酣暢此酒壚
稽阮令亡戎為時所霸絆視此至近如隔山河戎位三公與
世浮沉田園遍天下自執牙籌晝夜會計家賣好李恐人得
種鑽李核

王敦字處冲尚公主廝上漆廂盛棗塞鼻敦食之婢奉金椀盛
水琉璃椀進澡豆以敦飲之婢掩口笑敦叛王導帥弟中領
軍邃左將軍廙侍中侃彬凡宗族二十餘人詣臺待罪曰亂
臣賊子何代無之不幸近出臣族周顛入朝導呼曰伯人以
百口累卿顛不答直入申救甚至上從之顛喜醉出導在門

東武劉勳民教

又呼之顛不答顧左右曰今年殺諸賊奴取金印如斗大擊
肘後既世復上表言導無罪而導不知也以爲怨後回檢中
書得顛救已表流涕曰吾雖不殺伯仁伯仁由我而死幽冥
之間負此良交

王廙字世將工書畫音樂荊州刺史左將軍弟彬

王彬晉元帝侍中上遣彬勞敦時敦殺周顛戴瀟彬先哭顛後
見敦怒彬曰哭伯仁情不能已伯仁長者赦後加刑所以傷
也因數敦殺忠良謀不軌辭氣慷慨聲淚俱下導令彬起謝
彬曰脚痛不能拜敦怒曰脚痛孰若頸痛彬不拜苦諫敦目
左右收之彬正色曰昔歲殺兄今又殺弟耶敦乃止拜豫章

太守江州刺史遷尚書右僕射

王湛有隱德宗族皆以為痴兄子濟見其床頭有周易問叔何
用此曰體中不快時一觀耳與言易剖折微立理有奇趣濟
曰家有名士三十年不知濟有駿馬馬難馭湛馳之迴策如
縈善馭無以加馬濟所乘馬甚愛之湛曰此馬固快然力不
堪苦行向見督郵馬盛但芻秣未至濟試之曰等耳湛曰平
路無別任重則見於是任重是於蟻封之途督郵馬如常
而濟馬踣濟異其言白父渾曰近方得一叔武帝見濟問曰
卿家痴叔死未濟對曰臣叔不痴山濤以下魏舒以上湛子
承

東武劉燕庭氏校鈔

王濟渾子尚常山公主渾尚書僕射濟侍中渾主吏事處事不
當濟必明法繩之

王承字安期東陽太守小吏盜地魚承曰文王之囿與民同之
不問吏白一人犯夜承問答曰從師受學不覺日晚承釋之
承弟幼亦東陽太守時朱異當國車馬填門申英曰異門福
湊皆為利往能不往者大東陽小東陽耳弟訓

王述字懷祖承之子王導辟兵曹掾問江東米價述張目不答
導曰王掾不痴擢自揚州刺史為尚書令封藍田簡侯坦之
為桓溫長史溫為子求婚因還侍述愛坦之抱膝上坦之及
溫語述怒曰汝竟痴耶畏溫而欲以妻女兵耶

王坦之字文度時人曰盛德絕倫郁嘉賓江東獨步王文度簡文帝詔桓溫居攝周公旦故事坦之草詔曰國家一稟大司馬如諸葛武侯王丞相故事武帝寧康二年坦之徐州兗州刺史鎮廣陵封藍田獻侯卒臨終書謝安桓玄惟言國事不及家事四子愷愉國寶忱愷家茂仁愉茂忱元達其舅范甯曰卿風流雋望後來之秀忱曰不有此舅安有此甥 忱鎮

荊州

王彪字叔武父彬穆帝永和年吏部尚書時桓溫北伐彪之啓會稽王昱作書諭以禍福溫還鎮殷浩北伐彪之箋會稽王昱言未應輕舉浩連年北伐無功溫欲以桓雲為豫州彪曰

東武劉燕庭氏校鈔

溫居上流割天下半第不可處西藩乃以謝萬豫州刺史溫謀廢立彪之取霍光傳定儀立會稽王昱是簡文帝上崩朝畏溫不敢建立彪之曰天子崩太子立大司馬豈得異褚后以尚幼令溫攝彪之封還令不行初溫望簡文輝位或居攝望謝安欲太后臨朝彪之曰母子一體可臨朝今止年出十歲豈可從嫂臨朝乎彪之終散騎常侍 互素姓

王舒字處明都督荊州刺史子允之

王允之字深獻父舒廷尉允之方總州從父敦愛之以自隨敦夜與錢鳳飲有逆謀允之辭醉先臥悉聞其謀即大吐衣面俱汙鳳既出敦果燭之見其熟臥吐中乃不疑允之因歸省

悉以告其父舒與導始潛為備

王恭字孝伯起居著作美姿儀濯濯如春月柳披鶴氅衣行雪中

王莽字仲祖美姿容覽鏡自照稱其父字曰王文開生如此兒凡稱風流者以莽為宗

子蘊字叔仁晉孝武皇后父也拜尚書吏部侍郎 脩字敬

仁著作

王哀字偉元以父儀為司馬昭所殺非命哀隱居不仕廬墓攀柏而號讀哀哀父母生我劬勞之詩三復流涕門人廢蓼莪隱居教授學徒凡三徵不就 晉武紀

東武劉燕庭氏校鈔

王延字延元事親孝夏月扇枕常冬月以身溫被

王玄字彥德領汝陰太守上書北伐文帝曰聞王元謨陳說使人飄飄然有封狼胥居之想性嚴不妄言笑時人曰元謨眉頭未嘗伸

王微字景玄父孺從父弘導之後微中書侍郎

兄遠字景舒光祿勳時人謂遠如屏風屈曲從容能蔽風露言不乖物理也

遠子僧祐字徹宗亭然獨立不交當世位黃門

子籍字文海仕齊餘杭令錢塘令政化如神吏民莫能欺 並

南史

王羲之字逸少年十二見周顛顛異之時從牛心炙坐客未噉顛
先割啖羲之初太尉郗鑒求婿王導使就東廂徧觀諸子歸曰
王氏諸少並佳聞信至咸自矜持惟一人在東廂坦腹食若往
聞金曰此正佳婿訪問羲之也後郗夫人謂其弟司空曰王家
見二謝傾筐倒屣見汝等平平耳羲之起家秘書遷會稽內史
七子五知名玄之凝之徽之獻之禎之操之永和九年會稽於
會稽蘭亭羲之謝安謝萬孫綽孫統彬之凝之肅之徽之徐豐
之袁喬十一人四言五句詩各一首王豐之元之蘊之渙之郗
曇華茂庾友虞說魏滂謝繹庾蘊孫嗣曹茂之華平桓偉十五
人四言五句詩各一首王獻謝瑰卞廸卓髦羊模孔熾劉密虞

東武劉燕庭氏校鈔

谷勞后綿華著謝騰王凝呂繫呂本曹禮十六人各詩不成罰
酒二巨觥謝安五言云萬殊混一象安復覺彭殤記云齊彭殤
爲妄作此語也仰視碧天俯瞰綠水濱寥闊無涯觀寫目理自
陳大矣造化工萬殊莫不均羣籟雖參差適我無非親此詩亦
達者或以一死生齊殤議羲之未達非也紀當時語耳初獻之
操之徽之詣謝安二兄談論獻之寒溫而已既出或問優劣答
曰吉人之辭寡今蘭亭盛集獻之無詩受罰酒景祐郡守蔣堂修
寡乎當時四十二人有十六人無詩受罰酒景祐郡守蔣堂修
永和故事詩云一派西園曲水邊 終日會簪纓幾多詩筆
無停綴不似當年有罰觥

王凝之娶謝奕女道蘊不樂其夫每日一門叔父則有阿大中郎
羣從兄弟則有封胡羯末不意天壤間乃有王郎一日聞獻之
對客談理將屈道蘊令婢曰欲為小郎解圍即青綾步帳自蔽
申獻之談緒客不能屈 互謝姓

王徽之字子猷吳中人家多竹徽之每造竹間吹歎主人灑掃迎
欸盡日寄居空宅便令種竹曰何可一日無此君居山陰雪霽
月明獨酌詠招隱詩憶戴逵在剡溪命舟訪戴及門雪竹縱橫
無逕可入乃曰乘興而來興盡而返何必見安道為桓溫參軍
栢冲曰卿在府日久當相料理徽之不答但以手攀柱頰曰西
山朝來致有爽氣

東武劉燕庭氏校鈔

王獻之字子敬幼而觀門人樗蒲曰南風不競門人曰此郎管中
窺豹時見一斑獻之曰遠慙荀奉倩近愧劉貞長拂衣去七歲
學書羲之從後密掣其筆不可得乃曰此兒復當以書名工草
隸名小王書初兄弟見郝太尉必攝履修外甥禮及佳賓卒即
輕慢或高齒屐見之鑿曰超在鼠輩何敢爾獻之吳興太守中
書令一日夕盜入室偷他物盡將青毡獻之徐徐曰青毡我家
舊物可特至此盜驚走徽之獻之俱疾願代獻之死術者曰年
俱盡獻之卒徽之奔喪不哭直上靈床坐取獻之琴彈久而不
調曰嗚呼人琴俱亡矣月餘徽之亦卒

王操之字子重豫章太守

王頽之字公幹侍中

王誕字茂世弘從兄宋武帝太尉長史

兄嘏字偉世

嘏子偃字子游光祿大夫

偃子操東南太守

操弟懋

字昌業光祿大夫

懋子瑩字奉先東陽太守吳興太守

瑩弟亮字奉叔晉陵太守吏部尚書

王華字子陵誕弟宋文帝侍中從弟琨

王琨歷宣城義義太守吏部侍郎典選凡貴要請託琨自卿大夫

朝士各為擢用門生二人輿議惟允琨廣州刺史南土富饒仕

者必富語曰城門一過便有三十萬琨表獻半俸官滿歸舍齊

孝武知其清廉問曰卿歸貨多少曰買宅三十萬萬餘稱是

南

東武劉燕庭氏校鈔

史

王惠字令明遷吏部尚書不通賓客或書求官娶書閣上去官曰

封印如初

王球字舊玉惠從弟吏部尚書不交權貴門無雜賓曇首曰舊玉

亦是玉卮無可當者不啻求官書而銓有衡序拜尚書僕射從

子或

王或字景文美丰姿袁粲曰風流可悅揚州刺史左僕射

齊書

王奐字道明或兄子雍州刺史左僕射

弟份字季文左僕射

份子琳字孝璋

琳子銓字公衡銓弟錫時謂銓錫二王玉

昆金友

錫弟僉

僉弟通字文清陳時左僕射

通

嘉蔭移

弟勣字公齊左僕射

王瞻字思範弘從弟晉陵太守梁武帝嘉其三藝酒射棊

王長文龍驤將軍克復長安

王懿字仲德從武帝征盧循有戰功進將軍平長安拜太尉三守徐州威德著彭城

王珣字元琳小字法護弟珉字季琰小字僧彌時曰法護非不佳僧彌難為兄珣夢人得如椽大筆珣恒溫府主簿時曰髯叅將短主簿能令公善能令公怒與謝玄俱溫掾溫曰謝掾年四十必擁麾杖節王掾必作黑頭三公晉武帝帝為晉陵公主婿語恂曰主婿如真長王子敬足矣如王處沖桓元子小富貴便

東武劉燕庭氏校鈔

豫人家事珣曰謝琨不及真長不減子敬袁松欲婿琨珣曰卿莫近禁鬱珣右僕射尚書令前將軍諡獻穆公子二弘 曇首

王弘字休元公恂積財父財散人間者弘焚券不收責弘江州刺史弘兄弟會集子孫戲前僧達跳作虎子僧綽端坐絲蠟燭珠作鳳凰僧達奪取懷之僧虔累博棊十二子不墮弘曰僧達俊爽必危吾家僧綽當以名義見美僧虔必長者後如言

王曇首宋武帝曰輔相材也拜侍中詹事文帝曰建大厦須棟梁及卒上惜之封豫寧文侯子僧虔 僧綽 僧生錫 僧亮 僧行 僧達

王僧虔工隸書侍中右僕射

王僧綽好學練習朝典宋文帝授吏部侍郎尚帝女東陽公主年二十九拜侍中上所委任王華王曇首殷景仁謝弘微劉湛花暉沈演之庾炳之江湛徐湛之何瑀之王僧綽凡十二人僧綽襲封豫寧侯子儉

王僧孺齊太學博士梁南海太守尚書吏部侍郎

王僧辯守君牙明春秋有平侯景功

王筠字元禮年十六作芍藥賦又有詩文詞擅一時之美稱後來獨步拜詹事沈約曰自開闢以來未有爵位蟬聯文章相繼如王之盛者

東武劉燕庭氏校鈔

弟彬字思文工文章掾隸時曰三真六草為天下寶仕梁秘書

監南史

王冲字長源弘立孫侍中南郡太守政平訟理在官無赫赫之譽去久見思冲有子三十人皆致顯官

子暘字子輿太子中庶子文帝曰令王瑒久居承華欲太子知所風法

瑜字子珪年三十官侍中兄弟並棟梁大任南史

王談年十歲父為鄰人所殺談年十八復父仇郡守義之表於朝上赦其罪

王墮字安生符秦丞相著匪躬之節符健曰百官皆如王令君陰

陽安得不和

王暕字思晦父儉兄騫儉在相位賓客暕曰公才公望復見於此
歷吏部尚書

子承國子祭酒東陽太守

訓字懷範梁武帝曰相門有相拜侍中

王規字威明號孝童祖儉父騫

王忠字次道兄慈志宣城內史郡民張倪吳慶爭田連年不決志
到官威服不爭遷吏部尚書志弟楫子筠字元禮筠弟彬字
思文

王遵字伯業益州刺史初王陽刺史行至邛郫九折坂曰柰何奉

東武劉燕庭氏校鈔

先人遺體乘此儉及遵至九折坂叱馭驅之陽為孝子遵為忠
臣為京兆尹刺譏不憚將相誅惡不避豪強拜東郡太守中大夫
封義鄉侯二子祥覽

王祥字休徵父遵繼母朱氏生覽祥至孝覽見祥被母撻則泣諫
母役祥則覽俱母役祥妻則覽妻亦俱母酖毒而覽取以自飲
母奪之自是覽與祥同飲食母疾祥不解衣帶母欲魚祥臥水
雙鯉躍出漢末隱居三十年徐州呂虔檄別駕委州治政化大
行百姓歌曰海沂之康實賴王祥邦國不空別駕之功晉為受
禪王祥石苞鄭冲何魯賈充王忱荀顛陳騫八公祥睢陵元侯
卒呂虔有佩刀或相曰三公之佩虔與祥祥與覽

王覽字元通光祿大夫宗正卿封即丘貢子

子栽字初襲封即丘子生三子導穎敞

王導字茂弘晉元帝丞相封始興文獻公 晉渡江導訪郭璞卜

聞家世璞曰晉室諸王氏冠冕不絕淮流竭王氏滅陳亡時淮

流竭江左王氏盡導在相位日二十餘人坐逐一稱美末一

臨海人也一胡僧導徐徐語曰自公來臨海有人也又徐徐

語僧曰著蘭奢蘭胡人美僧語也一座盡悅導子六悅恬

洽協劭蒼

悅字長豫中書侍郎

恬字敬豫奕棊晉中興第一仕散騎常侍

東武劉燕庭氏校鈔

洽字敬和中書二子珣珉

協字敬祖撫軍參軍

劭字敬倫吏部尚書僕射

蒼字敬文吏部侍郎侍中

王悅事親色養導奕棊爭道笑曰相與有瓜葛那得如此導請婚

於陸抗抗曰薰蕕不同器 晉書

王猛字景畧北海人隱華陰聞桓温入關被褐詣軍門謁捫蝨而

談當世之務旁若無人語曰公不遠數千里深入敵境長安咫尺

不渡灞水百姓未知公心所以三秦豪傑無至者温曰江東

無卿比也拜官不受好學少儻有大志不屑細務輔符堅霸

奉猛垂沒語 曰晉處偏方中華正統天意不絕願勿以晉為
圖猛治國剛明清肅勸農練兵嚴明賞猛子皮因事坐法符堅
曰丞相臨終託卿但以具牛治田不求官知子莫若父何其名
也

王鎮惡猛之孫五月五日生俗云惡月父母欲不舉猛曰田文此
日生而相齊此兒必興吾家因名鎮惡晉武帝曰將門有將相
門有相拜

王僧達宋武帝宣州太守不得宰相願望賜死時以比謝靈
運

王儉字仲寶篤學手不釋卷叔僧虔曰不患此兒不名位不高但

東武劉燕庭氏校鈔

患太盛袁粲曰枯柏豫章生小已有棟棟梁器年二十八為齊
尚書僕射吏部尚書儉常宋明帝女宋順禪齊儉佐命侍中詔
儉宅開學士館充以摠明觀書四部以家為府開幕府置僚屬
庾景行衛將軍蕭緬曰盛府元僚實難其選庾即可謂泛綠水
依紅蓮時以儉幕為紅蓮池儉曰江左風流宰相維有謝安以
自况也

子騫字思叔梁武帝中書令

王茂先字休連齊武曰茂先年少堂堂必位公輔遷襄陽太守梁
武帝以王佐期之授江州刺史累遷司空

王慈字伯實父僧虔弟儉共學書謝超宗曰卿書何如虔答曰慈

書比大人如雞比鳳起 父鳳蔡約與宗子同慈入寺約曰眾
僧今日必虔虔答曰卿何以興蔡氏之宗乎仕東海吳郡太守
子泰

王泰字仲通秘書丞黃門侍郎朝晏刻燭賦詩文不加點掌吏部
選天下稱平

王琳字子珩輕財好士得將吏心少年將帥雅有忠節平侯景亂
琳功第一湘州刺史 並南史

王擢博學主儉使賓客隸事多才者賞初賞何憲以五花筆曰團
扇及擢文按文筆立成文詞華乃命抽憲筆制憲扇賞擢登車
而去授抹陵令政清直請謁不行 南史

東武劉燕庭氏校鈔

王廣之字士林征伐立功拜冠將軍子珣國字德重仕齊南譙太
守散財發粟賑濟齊高帝詔曰卿愛人活國甚副朕心遷桂陽
內史平盜愛民居官廉素柳世隆曰員二千石武帝曰珍國可
大用士林可謂老蚌生明珠入梁為都官尚書 並南史

王淮之字元魯彪之曾孫歷代朝儀典故緘之青箱世稱王氏青
箱家學 南史

王昕字元景東萊太守楊愔曰人之師表母崔氏有學識生九子
俱風流醞藉號王氏九龍昕弟晞字叔朗仕齊并州長史不以
物務累懷抱良辰美景登山臨水以談燕為樂事賞心時稱方
外司馬善賦詠 南史

王慧龍太原人仕魏滎陽太守其孫遵業官著作延業俱應詔賦詩詩曰王家兄弟英英濟濟袁翻王誦俱位黃門稱三哲子松年黃門侍郎

子劭字君懋學博物仕隋散騎侍郎修起居注官著二十年專

典國史

北史

王懷字懷周齊神武拜車騎大將軍 王峻字岫嵩拜侍中

王紘字思羅拜驃騎大將軍 王雄柱國大將軍謙益州刺史

王盟拜太傅魏文重之子勸千牛衛將軍懋領軍將軍

王熊字熊羆魏華刺史齊將韓軌夜襲之熊自持白挺大呼而出曰老熊當道卧貉那得過兵驚走

東武劉燕庭氏校鈔

王述廣州刺史大將軍 王思政魏大將軍

王雅字度容從周文帝戰芒山諸將皆退雅獨力戰上曰王雅通身皆是胆子世勸隋涼州總管

王續事繼母孝宣武詔表門閭免徭役

並北史

王崇字乾邕兄弟以孝聞風電災至崇舍即上

王閭數世同居家數百口共財一門雍睦鄉里敬仰詔旌表門閭

並孝義傳

王無競擢下筆成章科遷御史會朝宰相宗楚客揚再思二人離

立偶語無競揚笏曰朝禮尚敬公等大臣不宜慢常典

唐史

王方翼字仲翔并州人早孤號孝童唐高宗授肅州刺史儀鳳年

嘉蔭篋

間河西蝗不入肅州畧鄰郡大飢流民重繭走肅州方翼出私
錢作水碓簿其贏以濟飢瘵構舍數千百楹以居流徙全活甚
多平域^西迂夏州民力時以牛疫廢田教民耦耕法都督省而巧
多百賴之上召問西域事引見奉天上見其衣有汗濯痕因問
具對熱海苦戰狀賞賜甚厚子璵珣璿以文學稱三王三王多
珣子銷璿子珙王適奇男子互侯高韓愈作墓志
王軌仕後周謂小內史賀若弼曰周太子不克負荷因內晏上壽
狩帝鬚曰可愛好老翁但恨後嗣弱耳因白曰皇子非社稷主
普大茹堅有反相 陳吳明徹圍彭城軌引兵據淮以鉄鎖
貫車輪數百沉之清水遏陳船歸路以擒吳明徹 陳宣紀

東武劉燕庭氏校鈔

王劭仕隋文帝好機祥小數劭采民謠引圖書識諱据拂經撰皇
隋靈感志三十卷奏上上令宣示天下劭賞賜優渥 隋文紀
王通字仲淹曰婚娶而論財夷虜之道也君子不入其鄉古者男
女之族各擇德焉不以財為礼子之族婚嫁必具六礼曰斯道
也今亡矣三綱之首可不廢吾從古 文中子事君篇
王暉滄州人少孤好學擢明經桂州摠管都督開屯田數千頃以
省漕運百姓刻石頌德開元年并州督都條陳三策征討立功
形貌偉特時稱熊虎之將^相感慕節義有古人風上疏言二張
誣魏元忠非其罪

王景文宋明帝舅太豫元年上疾慮皇后臨朝元舅為宰相必異

謀先賜景文死敕曰與卿周旋全卿門戶故此處分景文方對客慕叩函看已復置局下神色不變又對客謀行政劫終一局收子納奩畢徐徐語客曰奉敕賜死持敕示客遂飲藥死焉通

鑑宋紀

王融齊中書郎自恃人地年三十內望公輔夜直省中撫案嘆曰為爾寂寂鄧禹笑人出外見朱雀行喧呶不得進乃搥車壁曰車前無八騶何得稱大丈夫竟陵王子良以融為寧朔將軍因欲矯詔立子良為帝誅死通鑑齊紀

王通字仲淹漢徵君霸為藥昌今遷猗氏銅川開皇四年文中子生銅川府君筮之遇坤之師安康獻公曰素王之卦地二化天

東武劉燕庭氏校鈔

一上德居下位隋文帝仁壽三年上太平十二策講道河汾著中說弟凝錄其書曰吾兄緒言也越公楊素勸之仕通曰先人敝廬足以庇風雨薄田足以具饗粥讀書談道足以自樂明公正身治天下使時和歲豐通也受賜多矣不願仕也或譖通慢素通曰使公可慢則僕得矣公不可慢則僕失矣在僕公可預買瓊問息謗曰無辨問止怨曰不爭又曰聞謗而怨者讒罔也見譽而喜者佞之媒也絕罔去媒讒佞遠矣劉禹錫作通墓志曰子晉之後去姬為氏子孫家太原六代孫文中子王福時通幼子編中說為十卷子以觀先天之學明道垂訓以為素業傳之子孫福時五子勗勗助勸皆以文名福時譽之韓

彥思曰杜預有左傳癖和嶠有錢癖陸羽有茶癖王濟有馬癖君有譽兒癖王家之癖何多也

王勳兄登科勳長壽年鳳閣舍人壽春王等五群同日出閣有儀制具載冊文王臣咸在缺制詞宰相失色勳令五吏執筆各口占分詞五制立就文理粲然中外嘆服勳勳俱有才名杜易簡稱王家三珠樹王揚盧駱四傑五揚姓名

王勃字子安六歲能文九歲讀顏師右注漢作指瑕以摘師古失麟德年以書上陳祥道表于朝對策高科未弱冠授朝散郎沛王府修撰作閨雞檄英王雞高宗怒其交構而黜之福時雍州司空功參軍以勃坐左迁交趾令勃省侍過豫章都督閻公伯

東武劉燕庭氏校鈔

璵修滕王閣宿命其壻作序以誇時九日晏集閣上筆禮命坐客勃受之不讓磨墨腹藁援筆一揮而成不易一字文中子居白牛溪上隋末自漢魏晉著書百二十篇續古尚書勃補完缺逸定為二十五篇夢人告曰易有太極因作周易發揮作唐千歲歷年二十九渡江溺死

王仲舒字弘中并州人貞觀年賢良高科拜左拾遺與陽城論裴延齡元和年婺州人刺史遷蘓州穆宗召中書舍人江西觀察使民以私釀抵罪仲舒奏免榷酤錢九十萬大吏坐失官錢五萬仲舒焚簿破械不問又因水旱出已錢二十萬代民租賦修滕王閣作記韓愈云三王所為賦序記王緒作賦王勃序王仲

舒記仲舒在官凡有為佛老興祠宇者仲舒驅之使出境唐書
王義方明經及第張亮事貶官南海舟人請所福義方酌水誓曰
忠獲疾孝見尤四維廓氛千里安流神之聽之無作神羞時盛
暑蒸霞湧濤祝畢天開雲霽高宗顯慶年拜御史對仗叱李義
府三叱令不乃讀彈文李義府縱大理囚又迫畢正義自縊義
方買宅入居數日愛其庭樹召舊主人曰庭樹尚 償直再予
金帛

王珪字叔玠少時房杜為交其母語珪曰房杜分輔材汝貴無疑
仕隋入唐拜諫議大夫侍宴上命品藻朝臣對曰孜孜奉國知
無不為臣不如玄齡才兼文武出入將相臣不如李靜靖敷奏

東武劉燕庭氏校鈔

詳明出納惟允臣不如溫彥博處繁治劇眾務畢舉臣不如戴
胄耻君不及堯舜以諫諍為己任臣不如魏徵至激濁揚清疾
惡好善臣亦微長諸亦微其確論珪子敬直孫燾從高醫學因
名其書為外臺祕要

王績字無功通之弟舉孝廉授祕書正字嗜酒求六合丞還鄉種
秫養鳧雁蒔藥以周易老莊書置床頭游北山東臯著書號東
臯子唐武帝以前言待詔或曰待詔何樂曰良醞可戀侍中陳
叔達聞之曰給一斗稱斗酒學士貞觀年大樂縣署史焦革家
善釀績求大樂丞焦革酒飲以美酒革死妻送酒如初歲餘革
妻死績求棄官去述焦革酒法為經采杜康儀狄酒法為譜李

淳風以績為酒家南董所居東南有磐石立杜康祠焦革配享
著醉鄉記次劉伶酒德頌飲五斗又著五斗先生傳豫知死自
志墓託言曰無心子

王縉字夏卿太原人好學兄維俱登科佐李光弼幕以功遷兵部
侍郎蜀郡刺史散騎常侍

王維字摩詰九歲能文弟縉登進士第遷尚書左丞工詩畫草隸
開元天寶寧薛諸王若思有益思入神山水平遠雲勢日石色
天機所到輞川別墅日與裴迪游酬倡為樂或以古按樂圖示
之維曰霓裳羽衣舞第三疊初拍也初維弱冠以文名又閑音
律妙^{琵琶}岐王重眷時張九皋將以九功主牒京兆試官求為解

東武劉燕庭氏校鈔

頭維言之岐王曰貴主不可力爭吾為畫計錄所作詩清越者
十首琵琶新聲怨絕者度一曲後五日來如岐王曰以文字謁
何門可見乃衣以錦維繡鮮華奇麗執琵琶詣主王曰承貴主
出內攜酒樂奉獻維小年風流主問王曰知音者令奏曲滿座
動色主問曲名維曰鬱輪袍主曰喜王曰此不但知音主曰
有文乎維獻十首詩主曰每誦此是古人佳作乃子詩乎生命
更衣升客席 重王曰若京兆得此生解頭誠為國華主曰
子誠應試當致力維起謝主即官至第傳教以維作解頭
秦少游為汝南學官卧疾高符仲示輞川圖曰閱
此可愈疾少游喜悅於枕上恍若同摩詰入輞川度華子罔經

孟城拘憇輞口莊泊文杏館上金竹嶺並木蘭若經茱萸泥躡
槐陌窺鹿砦近乎南城坨航敬湖戲柳浪濯栾家瀨酌金屑酒
過白石灘停竹里館轉辛夷島抵漆園幅巾杖履棊奕茗飲賦
詩自娛忘其匏繫於汝南也疾乃愈

王忠嗣華州人年九歲善談兵天寶年河西河東朔方隴右節度
使持重安邊互市胡馬唐兵益壯破吐蕃忠嗣數言安祿山必
反董延光取石堡城上命忠嗣助延光忠嗣不從令李光弼曰
延光無功必歸過大夫何愛數萬段帛不以杜絕讒口乎忠嗣
曰數萬兵爭一城得不足威失不至傷國忠嗣受責不過以金
吾羽林歸宿衛豈忍以數萬人民易一官乎李將軍誠愛我矣

東武劉燕庭氏校鈔

吾志已決勿復言也光弼曰大夫能行古人之事非光弼所及
延光果言其沮軍計上怒徵入鞠之會哥舒翰以己官爵贖忠
嗣罪貶漢陽太守贊曰忠嗣將才戰必勝攻必取策石堡之得
不當所亡高馬直以空敵資屢言祿山必反可謂深謀然不免
讒口卒死謫地自古忠賢工謀國拙謀身可勝嘆哉

唐書

王庭湊殺田弘正朝庭湊為成德軍節度使韓愈宣諭曰天子以
尚書有將帥才賜節鉞乃不能語健兒 曰先太師王武俊
為國繫朱滔今血衣尚在愈曰汝曹能記王太師血衣之忠則
善矣

唐書

王建太和年陝州司馬與韓愈張籍同時有宮詞百卅四篇名家

嘉蔭篋

又逸詞九篇如樹頭樹尾覓殘紅一片西飛一片東自是桃花
貪結子狂教人恨五更風叢、洗鏡金盆旋拭紅巾入殿門重
裏暹拋新橘子在前收得便承恩或云建與王守成澄為同宗
故知宮中事詳

王景仁廬州人初名茂章從楊行密起兵淮南梁太祖召景仁歸
梁拜節度使同平章軍行經楊行密祠再拜慟哭

王朴字文伯東平進士授校書郎周世宗擢掌書記遷比部上平
邊策遷諫議大夫知開封府散騎常侍端明殿大學士顯德三
年征淮朴東京留守戶部侍郎樞密明敏多材智當務世陰陽
律曆詔考正雅樂卒贈侍郎

東武劉燕庭氏校鈔

王彥章字子明鄆州人梁濮州刺史跣足馳突如飛號王鉄鎗龍
德年晉取鄆州梁宰相敬翔曰事急矣非彥章不可上以彥章
為招討使問破敵期對曰三日夜左右笑之彥章受命兩日馳至
滑州置酒大會陰遣具州楊材命甲士六百人各持巨斧載冶
具鞬炭乘流下而自引精兵沿河趨德勝舟兵舉鎖燒斷以以
斧浮橋而彥章急攻南城而破之正三日也彥章武人有俚語
兩句虎死留皮人死留名

王鎔其先回紇阿布思遺種曰沒諾 鎮州王武初冒姓王生子
未坦活生昇生延湊生元達生紹昇 懿紹昇生景崇生鎔自
鎔昇以生三世鎮州騎將自景崇以上四世五人成德軍節度

使景崇太尉封常山郡王唐中和年卒鎔年十歲承祖父百年之業士馬強蓄積世為唐藩鎮

王晏球字瑩之洛陽人汴州富人杜氏養為子梁太祖選富家子材勇者置帳下曰廳子晏球充廳子都指揮使明宗拜為中書令

王彥威明經甲科識古今典禮叙元和禮上之詔定十二州賦法王播字名歇弟炎起俱進士播賢良方正異等三原令邑中和豪強犯法不少貸進刑部侍郎大理議讞科條叢繁播立格律坐隅商處重輕吏不可私播少孤貧至居官以強濟性勤吏職簿書紛積或人不堪者播用以為樂

東武劉燕庭氏校鈔

王起字舉之釋褐教書郎中書令諫穆宗遊畧事方旱蝗粟貴起令各得儲三千斛斤其餘以市不然死有神策軍士怙勢不從令伏法自是層積咸出入賴以生兼太常卿上訪時政賜武宗命典貢舉凡四舉進士天下之書無不讀一經目不忘上以疑事命使口質起具榜子附使者上奏凡上篇名寫宣

王龜字大年博通書傳居永達里林木幽僻構半隱亭以自適

王鏐字昆太原人曹王樂臯節度江西李希烈南侵臯與鏐兵三十洩潯陽全軍臨九江襲蘇州 濟表鏐江州刺史奏亮河

東節度使會回紇并摩流師入朝鏐示威武悉軍迎之列五十里旗幟光明戈鋌麗密回紇不敢仰視鏐偃然受其禮上嘉之

拜平章

王徽字昭文及進士第直言無隱進考功黃巢入關僖宗西狩夜出徽被執官之不受環刃脇之不動守者怠遂奔河中授吏部時銓運失序一草前弊徽曾祖擇從兄弟四易從朋從言從俱進士第鳳閣舍人者三稱鳳閣王氏大中年登科者十八人位臺省收守者三十人徽拜宰相一日而京師亂

王求禮許州人武后營明堂瑀飾譎怪侈而不法求禮諫曰鉄鸞金龍丹艸珠玉乃商室夏瑀臺非古者茅茨意也三年三月大雪雨入蘓味道以為祥入賀求禮奏曰季春災也君曰瑞雪則冬月雷亦瑞雷乎群臣震恐武后罷朝

東武劉燕庭氏校鈔

王綝字方慶武后授廣州都督治稱第一后求義之書方慶奏義之獻之累世凡二十八人書共十篇后示郡臣詔崔融序其闕閱號玉章集后欲講武孟春方慶奏按禮記月令孟冬天子命將帥三時務農一時講武安不忘危也上褒美方慶博學著精三禮

王琚懷州人明天文象緯才畧敏悟補諸暨縣主簿謂太子曰今太平公主專思立功左右大臣多為之用太子曰計安出琚曰宜張說等計之憂可紓也太子喜恨相知之晚自是預大政時號內相歷九刺史

王志愔博州進士遷左臺侍御史剛鷲為治號皂鵬御史著應正

論以見志因箴上失曰刑賞二柄惟人主所操凡數千言上嘉之授揚州刺史

王丘字仲山擢童子科擢制科考功郎務覈寔材謂自武后數十年來精明無如丘者遷典部典選平允以丘守懷州所守清約王處休字君佐汝州人李抱真以幣交招授兵馬使擢領留侯號令撫循軍人大治遷昭義軍節度使撰繼天誕聖樂因上誕日以獻後來中和樂本此

王承元承宗之弟兄弟拜刺史者四人位朝廷者四十人

王處存京兆人唐黃巢陷京師處存分麾下兵二千趨山南勤王流涕軍中多其義戰愈力同李克用平京師王鐸論功曰舉義

東武劉燕庭氏校鈔

勤王處存功第一收城破賊克用功第一

王潮光州人僖宗幸蜀時王緒劉行合郡盜據壽州光州劫潮為軍正潮審邦審知奉母不從王緒曰吾行軍南法無不法之軍對曰人皆有母不聞有無母之子緒怒欲斬其母三子同辭曰事母如事將軍也殺殺其母安用其子乃赦之

昭宗假潮福建觀察使招流亡建四門易學平賦斂勸農桑人皆樂業

王少玄父死亂兵遺腹生少玄十歲問父所在母以告即哀泣求尸時白骨盈野或曰以子血滴骨而滲入者是少玄刺血問旬而得父骨以葬

王希夷家貧父母喪為人收羊收傭以葬隱崧山師黃頤學養生
讀周易老子刺史盧齊卿問政荅曰己所不欲勿施於人

王元感濮州明經進士撰書糾繆禮繩愆春秋振滯奏上魏知古
見曰五經指南也

王紹宗字承烈好學工草隸卧被中畫腹作字兄元宗隱嵩山號
太和先生

王溥字齊物并州 祁人漢乾祐狀元及第拜相上書僕射司空
二十六歲及第三十一拜相年四十二罷相封祁國公父賜詩
一舉登科日雙親未老時歷階趨宰輔猶掛老萊衣溥歷東宮
三師二十年卒六十謚文康男省郎女武功郡王妃父祚六郡

東武劉燕庭氏校鈔

太守子貽孫貽正貽孫子象賢家書萬卷博學上召問拜跪禮
對曰古詩長跪問故夫男子是不特男子跪拜女子亦跪拜至
唐武后時女人始不跪拜唐齒州從事張建章作渤海記言甚
詳趙普歎服初周世祖討鳳翔溥薦向珙克鳳翔上曰昔杜黃
裳薦高崇平蜀卿今似之向珙鎮京兆思報溥問所欲溥曰長
安故都前賢篆刻高文妙筆幸見拱遷吏督匠摹打碑文深山
齒谷必到得石刻三千餘本獻簿令善書抄為琬琰集百 拱
所遷蹊田害稼民慮再求或折為柱礎帛砧林壑殆 一時金
石刻志之厄 楊大年諱死

王郁善角觝唐莊宗令與顧存賢角力曰勝者與節度郁勝得盧

龍軍節度使

王克正南唐人入宋直舍人院卒無子有一女陳希夷入帛見王氏執爐手相甚貴太宗聞之令陳恕娶焉恕拜相封晉國公王氏封國夫人

王祐字景叔漢周舊臣入宋以知制誥使魏州太祖曰使不與卿王溥位子及還安置華州七年不召祐曰祐不做兒子二郎必做乃手植三槐於庭曰吾子孫必有為三公者蘇軾作王氏三槐堂記祐子旦即二郎

王旦字子明及第真宗朝翰林學士參政中書門下侍郎同平章太尉侍郎封魏國卒年六十一謚文正公詔配享真廟仁宗篆

東武劉燕庭氏校鈔

全德元老之碑詔史臣歐陽修銘初天禧年薛簡肅公江淮發運使薛公無他語但曰東南民力竭矣張士遜出江西運使薛公從容曰朝廷權利至矣但在相位十八年旦子素雍

冲素字儀仲官尚書謚懿敏公年六十七歲素子鞏字定國與蘇軾兄弟交遊質字子野且之姪侍至仕至侍制歷郡與范仲淹善亦名士

見言行錄

王曾字孝先青州益都鄉貢禮部廷對第一濟州通判召試知制誥翰林學士諫議大夫叅政拜中書侍郎同平章知青州

景祐年再相判鄆州封沂國公卒年六十一謚文正公初狀元及第語劉子儀曰曾平生志不在溫飽楊大年恢諧惟敬文正

公每曰每第四廳舍人不敢奉戲在政府請廣言路孔道輔曹
修古以言事謫官公曰恐杜天下言事者口真宗崩丁謂同朝
曾入劄乞於山林已前一切內降文字中外並不得施行今後
凡兩府行下文字中書必待宰相叅政樞副知院簽書方許中
外承受兩宮可其奏丁謂諤然由是深憚公胡文定公李文靖
公澹然無慾王沂公儼然不動資稟又濟以學問故是八九分
地位人初公以梅詩投呂蒙正曰雪中未問和羹事且占百花
頭上開呂蒙正曰必狀元宰相李文靖公沆以女妻曾在朝惟
呂夷簡不合每曰大臣執政恩欲歸己怨將誰歸
王禹偁字元之與王曾寇準馬知節錢若水情同金石禹偁濟川

東武劉燕庭氏校鈔

鉅野人九歲能詩文拜拾遺獻瑞拱箴禦戎十策真宗朝上疏
奏五事忤時相自翰林出知滁州謝表云諸郡豐登苦無公事
一家飽煖全藉君恩移廣陵再入翰林出守黃州表云宣室鬼
神之問敢望生還茂陵封禪之書惟期身後移蘄州而卒時曰
文識作文工於用事當時同在翰林有拜相者公賀曰三神山
上曾陪鶴駕之遊六學士中獨有漁翁之嘆此用白樂天詩元
和六學士五相一漁翁范文正公贊元之像云王文公居相位
二十年未嘗見愛之迹天下謂之大雅冠萊公左右天子却戎
狄保社稷天下謂之大忠樞密馬公知節有犯無隱天下謂之
大直此三君子一代偉人也公與三君子深相交許情同金石

則公之道可知矣年四十八

王珪字禹玉成都華陽人歷事神宗哲宗拜金紫光祿大夫封岐國公有文華陽集除端明殿學士表臣少起寒生夙陶化以孤童而就李承素業以傳家遠踵咬英之遊遍階華陽之序局預召自驚一紀之選從橐無言空點兩朝之遇南國分符惟望江湖之守西清仄席詎勝朝夕之咨謝除翰林承旨表云西掖裁書空歷五春之暮北門待詔又驚一紀之餘宮床賜錦定為新雋之人仙嶺浮鰲猶顧鷹遊之客三代同風已屬禹功之茂千齡復旦維知舜德之逢臣獲事三朝行侵四紀

王詵字晉卿功臣王全斌後

見東坡集

東武劉燕庭氏校鈔

王鞏字定國蘇軾云扣門但覓王居士清詩草聖俱入妙又送其姪

王震知蔡州云君婦助獻納坐繼岑與溫

王安石字介甫父益臨川人相神宗封荊國公進封舒王卒年六十六謚文公神宗除知江寧府召入翰林上問治何先對曰擇術為先當法堯舜臣以變風俗立法度為先設三司條令青苗免後市易保甲保馬等法熙寧時拜相薦王韶取熙河洮岷疊宕諸州上賜安石玉帶公學詩編陶潛杜甫韓愈歐陽修詩不喜李白謂白詩十句九句說酒說婦女學詩當以杜為法規矩準繩易為工有文集第安國安禮

王安國字平甫呂惠卿謫事介甫一日來訪荆公平甫方吹笛介甫曰放鄭聲平甫曰哥宜遠佞人公在翰林為人魁梧盛夏入直流汗沾衣劉公父戲曰公真翰林學士安國直崇文院夢到海上灵芝宮及覺禁鐘已動吟曰萬頃波濤木葉飛笙簫宮殿號灵芝揮毫不似人間世長樂鐘聲夢覺時文號灵芝集

王安禮字和甫大救蘇軾烏臺詩獄事上疏薦曾鞏推賢好善樂救急難自翰林學士知開封府拜尚書左丞資政殿學士知青州揚州蔡州舒州永興軍太原府卒六十二贈太師魏國公王敬堯潁川汝陰人唐末王仙芝攻汝潁刺史不能禦敬堯代刺史善鉄鎗三十斤潁川隣淮西數被秦宗權所攻敬堯力戰拒

東武劉燕庭氏校鈔

守宗權陷河南惟潁川不可下是所在殘破惟敬堯獨保潁川戶二萬梁太祖攻淮南過潁供餉甚厚梁太祖喜表敬堯沿淮指揮使梁兵攻吳龐師古死清口敗兵亡過潁天大雪士卒飢凍敬堯沿淮燎積薪作糜粥食之多所全活梁太祖表敬堯節度使

王周魏人事唐莊宗明宗有功歷刺史真州涇州節度使涇州張彥澤政苛虐民流亡周更寬恕問民疾苦去苛虐二十餘條流民咸歸迂武勝保義武義成四鎮節度使

王權字秀山太原人唐左僕射起之曾孫奉進士右補缺晉高祖拜吏部尚書遣奉使契丹以少傅致士

王仁裕字德輦天水人少事狗馬彈射年二十五始孝以文章名秦州判官唐翰林李士漢高祖時拜翰林承旨戶部尚書卒性審音律晉高祖初定雅樂晏群臣承福殿奏黃鍾仁裕曰音肅不和聲不純當有爭者起已而兩軍校閉于昇龍門外聲聞於內時皆神其審音喜作詩夜夢神人剖其腸胃祿之江西夢中見江中沙石如篆籀文自此文章大進有詩號西江集知貢奉得王溥和凝范質皆至宰相

王貽正溥長子官國子博士其子克明尚太宗女鄭國公主賜名貽永字季長除右衛將軍駙馬都尉仁宗擢知鄆州築東西道三十餘里以免民病涉慶曆六年同平章封遂國公卒謚康靖

東武劉燕庭氏校鈔

王審琦字室河南人仕周太祖攻拔舒州遷睦州防禦使歸宋

討李重進鎮忠八年從征太原改鎮許州同平章卒

王景萊州人仕梁入唐橫海軍節度使宋封太原郡王鳳翔節度使卒追封岐王謚曰元靖性謙退下士每朝廷使命至小官亦具送迎禮左右曰王位崇不宜自損益太過景曰重君命也朝廷遣吏部尚書張照至景加禮曰景在行伍已知張尚書名今使我是朝廷重我也

王晏徐州滕人家世農夫應募禁軍漢祖授節度使仕周改鎮武寧封滕國公宋改封韓國公

王彥超字德昇大名臨清人仕周武寧軍節度使移鎮永興鳳翔

宋加中書令太祖與晏射於左坊酒酣曰卿昔在復州朕往依卿何不納我對曰蹄泔之水不足安神龍不留滯於小郡者天也上大笑拜金吾衛上將與李昉宋白厚善問大人七十致仕出何書昉曰禮經彥超曰我前朝舊臣年六十九安可貪祿味廉恥託草致仕表一舟上以太保致仕給上將軍奉每白衣出入訪故舊之家無童騎相隨太平興國年封邠國公

王全斌太原人父奇嵐軍使蓄武仕唐莊宗疑而召惧不敢行文斌年十二曰上疑有異志若以全斌為質則釋矣因隸帳下歷晉漢周以軍功至相州留後宋安國軍節度使鎮忠武伐蜀將行營出鳳州刻利州語諸將劍門天險古稱一夫當關萬夫莫

東武劉燕庭氏校鈔

開各陳進取之策令偏將史延德分兵趨來蘇造浮橋梁於江上蜀兵守劍閣者見梁成棄此石遁遂克劍州至蜀隆冬京師大雪太祖遣使賜全斌裘帽蜀民訴其掎克謫官上郊祀洛陽召復節度使至鎮卒

王仁贍字子豐唐州人劉詞薦其材官至樞密伐蜀監前軍

王化基字永圖真定人及進士第通判常州知嵐州淮南節度判官著作左拾遺上疏自薦太宗召試知制誥除御史中丞至道三年召拜參政卒謚惠獻公

王欽若字定國臨江新喻人祖郁官鄂州因大水徙黃鶴樓上漢陽人望見樓上火光燭天是夕生欽若進士甲科授亳州推官

大常丞奏乾德至咸平逋欠千餘萬釋繫囚三千餘人真宗澶
淵之役欽若謂寇準以上為孤注言博者輸則盡所有博之名
曰孤注啓上封禪泰山啓天瑞天書之事杜鎬河出圖洛出書
聖人以神道設教於是天書降于左承天闕太中祥符封泰山
天聖元年拜司空平章封冀國公謚文穆加封魏國公卒
王雱字元澤荆公子登治平進士第調星子尉熙寧拜天章侍制
文章父子齊名大學范堂詩云文章雙孔子術業兩周公雱卒
安石乃罷相歸金陵

王汾口吃與劉貢父同朝相戲汾曰紫薇殿下頻呼汝汾荅曰寒
食原頭多見君貢父又譏其口吃曰恐是昌家又疑非類不見

東武劉燕庭氏校鈔

雄名但聞艾氣周昌韓非楊雄鄧艾四人皆口吃

王知遠台州道士得異書知人生作易經千五百卷一日大雷電
光中見人叱曰玉帝命我攝六丁雷電追取上方禁文又見六
人金甲取書去曰金科秘藏玄帝都汝何得留之緇帙知遠云
青邱老人所授

王牧往謁吉州叔父王使君唐李靖祐贈詩曰細草綠汀洲王孫
耐薄遊年華初冠帶文體舊弓裘野渡花爭發春塘水亂流使
君怡小院應念倚門愁

王播少貧客揚州木蘭寺僧厭之二紀後知揚州寺僧以碧紗籠
其舊題播又題云二十年前此寺遊木蘭花院正新修而今再

到經行處樹老無花僧白頭上堂已了各西東慚愧闍黎飯後
鍾二十年前塵拂面而今方得碧紗籠

王十朋字龜齡温州人紹興狀元紹興府簽判知泉州以詩晏七
邑宰云九重霄旰愛民深令尹宜同撫字心今日黃堂一杯酒
慇懃端為庶民斟擢御史劾丞相史浩請專用張浚十朋有文
梅溪集朱文公為序

王曙字晦叔河南人咸平賢良方正登科樞密直學士知益州給
事中寇準女督準同貶仁宗召為御史中丞工部侍郎參政樞
密使拜平章謚康公知益州盜賊無輕重殺歷真宗仁宗英避
諱改名同隋王績 喬知益州蜀以此張永民歌曰蜀郡之

東武劉燕庭氏校鈔

良前張後王惠我如子人無流亡

王駸字總之趙州人館王化基之門宋湜見而妻以女登進士第
歷官知益州戍卒夜焚宮反駸遣兵圍營令曰不反者斂手放
杖出門不問於是卒皆放仗斂手出命將自揀叛者十餘人斬
之及明日無知之者拜參政卒謚忠穆公

王博文字明曹州人應開封舉進以迴文詩百首投試時稱王迴
文召試迂殿中侍御史拜樞密同知卒

王隨字 正河陽進士迂京轉運使隨父母居洛中京西所部真
宗賜詩寵其行又賜羊酒束帛令過家奉親景祐中拜相卒謚
章惠公

王德用字元輔父超將兵伐李繼遷出綏夏州德用年十七為先鋒破賊於鉄門関以精兵五千轉戰三日却敵以功授内班直仁宗時步軍指揮使蘇紳奏其宅枕乾岡貌類藝祖御史中丞孔道輔又奏之德用上表曰宅枕乾岡乾朝廷所賜貌類藝祖父母所生知曹州相州同中書門下平章事封翼國公魯國公卒年七十九謚武恭公歷太宗真宗仁宗三朝

王堯臣字伯庸應天府人進士甲科元昊反西北兵起除沿邊安撫使奏関中民力凋弊宜勞來安集除三司使因内都知張永和建議欲收民間房錢助軍堯臣言於仁宗曰此唐德宗所以致朱泚乱者也夔州路胄臣請鹽井歲課十餘萬緡事下三司

東武劉燕庭氏校鈔

堯臣奏上恩未及遠人而反浚取厚利斂怨嘉祐中拜參政卒謚文安公弟純臣

王拱辰字君貺開封咸平人元名拱壽十九進士狀元仁宗賜名拱辰除監丞通判懷州直集賢院知太常礼院宣徽南院使留守北京卒謚懿恪劉摯作墓誌洛陽耆英會以詩願與名其詩四十三韻

王巖叟字彥霖太和府人明經進士韓琦留守北京辟為屬韓絳代琦留之謝曰岩叟魏公之客不願出他門召拜監察御史奏時政之弊拜侍御史奏補諫官宣仁皇后曰知卿才故不次用岩叟謝聽政納諫如流朝廷清明願信之勿疑則宗社萬世福

也除知鄭州移河陽卒

王昭素開封酸棗人篤學有志行鄉人有訟不知官而詣昭素辨析皆敬服博通九經著易論三十三篇太祖召講易因問治國養身對曰治世在愛民養身在寡慾太祖書於屏風拜國子博士

王奇字漢謀贛人為李文定公客李薨於位章聖臨奠見屏上詩云鳶聲不到歌樓上秋色偏欺客路中召對稱上旨特賜殿試及第謝上曰不拜春官為座主親依天子作門生入館閣拜御史

王倫字正道三槐王氏祖端父毅家貧推牛酤酒與孫仲益布衣

東武劉燕庭氏校鈔

交仲益官中都靖康宰相李士美罷相歸第倫日掃門事之會上召士美入議事倫隨至殿下自陳曰臣故宰相王旦孫有致君澤民之學宣和間奏言大遼不可滅女真不可盟果如臣言今圍城既急臣願募死士數萬願上侍上皇挾諸王奪萬乘門決圍南幸欽宗忠之解所佩夏國寶劍賜之以片紙御批云王倫事成日可除尚書兵部侍郎倫拜賜易日再對已得豪狹萬餘願效死幸上勿疑時宰相何文績主和議斥倫曰汝何人敢至此倫怒髮衝冠曰汝何人乃至此萬一天子蒙塵誅相公百軍何益文績怒請上誅狂生上意未決倫求計仲益仲益曰昨拜賜小戎文字御批在足矣但立從班中衛士誰敢訶安有無

故就殿上擒一侍郎之理倫入侍臣班明日文績畫旨送御史
府倫已閒出都門矣二聖北行高宗即位倫上書自陳乞奉使
北庭問二聖起居自布衣拜五品借侍從以行制詞畧云胄出
公侯資兼智勇朕方撫同晉國命魏絳以和戎汝其遠慕侯生
御太公而歸漢經年始還及徽宗凶問至起倫拜龍圖閣充梓
宮奉迎使凡三四往 金人欲官之不拜遂殺之褒恤優厚中
興姓氏錄云紹興十四年金人以倫授河北轉運使倫不受曰
王倫奉使而來非降也使命逼之不已自縊朝廷錄其子述朝
請大夫直秘閣知廬州能因北人訪其尸而歸其骨焉
王欽臣字仲至元祐年工部侍郎

東武劉燕庭氏校鈔

王棗小字南陔襄敏公韶幼子第十三神宗朝上元觀燈家人步
出南陔方能言珠帽寶粒憑肩至宣德門被人攫去家人失其
所之騶從驚駭舉家不敢言父韶曰此兒必尋訪若吾十三必
能自歸居旬日大內有犢車至王家宣旨送家人驚喜迎拜內
旨詔言既畢共問南陔所之乃知是夕惡少年自宅第出門迹
其後以果餌至鬧市攫南陔南陔覺負已為異人即自持珠帽
手扳公車於東華門牽翠幘大聲叫娘娘車中貴人喜接抱車
中翼旦抱見上前以為宜男祥上問誰氏即對王韶幼子上見
占對不凡密詔開封府捕盜珠之人然後命載還王氏家詔以
具獄示襄敏公六宮分賜壓驚金錢賞賜鉅萬其幼小異敏能

援上免害如此 岳珂抄史

王恣字稚川娶林氏元豐初年調官京師寓家昇州親年九十餘
稚川嘗閱貴人家歌舞罪歸書旅邸曰鳶外無書為客久蛩邊
有夢道家多畫堂玉佩縈雲響不及桃源歎乃歌山谷戲代林
夫人歎乃歌從師學道魚千里蓋世成功忝一炊

王得通遠軍從劉光世自陝西勤王前軍都統累立戰功加同州
觀察使清遠軍節度使胆畧善謀雄勇無敵軍中稱王夜叉
王渙禮部侍郎致仕年九十至和丙申杜衍淮陽五老會錢明逸
序杜衍年八十五王渙九十畢世長年九十四朱貫年八十八馮
平年八十七各賦詩渙詩曰分曹歸政養耆年李下何由更正

東武劉燕庭氏校鈔

冠賢相賦詩同笑傲聖君優詔許盤桓龐眉老叟俱稱壽凌雪
喬松豈畏寒屈指五人齊五福邦人應共二疏看

王尚恭字安之朝議大夫年七十六王慎言字不疑朝議大夫年
七十二王拱辰字君貺宣徽南院使檢校太尉判大名府北京
留守年七十一同富弼文彥博司馬光洛陽耆英會元豐五年
王尚恭詩當朝宿望兩台星圭組參差又十人八百喬年餘總
數一千熙運遇良辰王慎言詩相應貂冠祭六符華巔高會侍
臣俱不將官職誇鄉里惟尚高年入畫圖王拱辰詩四十五韻
西都山水天下奇神嵩景室環清伊甫申間氣秀不絕羣賢會
逢昌明時衣冠占數盛文雅台符卿月光離離公當緩帝各三

鎮懸翼繼軫承保釐三公位極固遼隔五年以長猶肩隨宦遊
出處五十載鸞臺驥路俱騰夷公今復主鳳門鑰僕亦再撫同
臺折二京相望阻河廣三徑不得陪遊嬉

王烈女傳

艮峯董更生叔向撰

烈女姓王氏慶元名家女年未髻亂偕兄英人試童子科召入禁
中試辭翰不習而能宮中曰女神童理宗臨御賈妃生端孝公
主未有皇嗣上思宗社計取福王子討建國公神童伴讀忠王
出宮神童侍讀掌詞翰甲子忠王立凡大臣章奏皆先啓達御
宸翰批荅視草進呈稱女學士專典詞翰全后生幼君楊美人
生廣王益王而烈女貞姿急潔懿德蘭清甲戌立幼君內幼君

東武劉燕庭氏校鈔

外權臣十二月

兵渡江鄂守張晏然先降夏貴戰陽羅堡次

子夏松中流失死貴保庐州而陳奔以黃州降錢真孫同僚師
夔以九江降范文虎以安慶新城降度宗梓宮過浙江似道開
督府以十六萬駐金陵舟師泊龍灣以愛將孫虎臣先鋒至魯
港遣使請和邀夏貴於庐州北不許和孫虎臣逃歸夏貴至會
舟中議事貴令軍中喏三聲一聲衆二謝支犒三應平章指揮
及鳴柝諸軍無第三喏於是夏貴歸廬州賈似道孫虎臣走維
揚制置使李廷芝待以相臣禮時乙亥二月也伯顏兵入金陵
遣將取鎮江取瓜州取昆陵取寧國南方所守山險惟獨松嶺
水惟吳門陳宜中奏太后諸路勤王江西提刑文天祥義士三

萬入衛人心粗安 兵已入平江留夢炎以小簡漏師謂文兵
烏合不足畏 兵知虛實乃遣三百騎至都下取降書賣降納
土者紛紛遺臭簡書獨長沙帥臣衡陽李芾巷戰力竭焚香拜
天全家赴烈焱死池守通守蜀仁趙邨發大書曰臣不可保臣
不可降夫婦經死忠義一雙饒州守臣唐震湖州守臣番易趙
良淳見危授命常州守臣劉思勇全家死節思勇又自常州突
圍出與唐師仇子真提兵俱入衛京師不知所終相臣則陳宜
中死海上文天祥不屈節死文臣廣信謝枋得不食死武臣則
張世傑自潮右提兵勤王死海上楊州帳前都統姜材至死罵
不絕口與聞臣李廷芝死守甘受屠戮不降其餘未有聞焉孰

東武劉燕庭氏校鈔

謂一烈女而能固其節乎初京師陷伯顏欲取之烈女正絕曰
既為降人相公安得私取之至丙子四月從太后幼君入燕將
納諸后宮奏曰妾冒塵沙萬里遠來今病不足以充下陳乞尋
醫居數月又將納焉即賦曰獵獵塵沙浣玉顏倦隨戎馬到燕
山崇陽舉眼烟霞裏大慶回頭草莽間家破只因扶幼主國亡
都為用權姦君王若欲垂鴛帳誓有剛魂去不還自經死詩存
人亡朝廷義之棺斂葬焉世稱烈女

戊集四卷之五卷全

東武劉燕庭氏校鈔

新編古今姓氏遠華韻戊集第六卷

臨川布衣洪景脩進可編

唐 晉昌 魯國 北海 堯為唐侯國在中山唐縣孫劉累徙

魯縣商更豕帚氏周成王封叔虞於唐更封劉累後於魯縣曰

唐侯以奉堯祀今唐州方城是也魯定公五年楚滅唐其子孫

以國氏唐睢魏大夫唐厲居沛國漢封斥丘懿侯生朝朝生賢

賢生遵遵生蒙漢中郎將生都臨邛令生倫倫生林尚書令王

莽封建德侯生蔚徙潁川又徙丹陽彬字儒宗二子熙極熙娶

涼州牧張軌女仕涼徙晉昌 唐宰相一人休景

唐勒楚襄王唐勒宋玉景差游雲陽臺王命為大言詩勒曰壯士

怒兮折天柱北斗戾兮泰山夷玉曰方地為輿圓天為蓋彎弓掛扶桑長劍倚天外荆楚遺事

唐舉蔡澤訪舉曰富貴吾自至所不知者壽也舉曰先生壽從今以往四十有二年

五見蔡姓史記

唐蒙司馬相如通西南夷唐蒙又畧通夜郎

唐都漢方士治歷

唐林唐遵漢清名之士紀遂薛方俱明經而紀遂二唐仕王莽薛方不仕

東漢

唐睢魏人年九十餘楚攻魏唐睢曰老臣請西說秦王出兵救魏遂以秦兵却楚及秦攻魏睢說秦王曰段干木賢士也魏禮之

東武劉燕庭氏校鈔

天下所聞不可加兵秦遂按兵不攻劉向新序

唐檀子產後漢方術遊太學習易詩春秋災異星占教授學徒百餘人

唐羗字伯遊漢臨武長舊制南海獻龍眼荔枝十里一置五里一堠奔騰險阻路死相繼臨武縣接交州舊貢龍眼荔枝晝夜傳送至遭暮夜虎狼毒害死者相望道經臨武羗上書諫漢和帝具述交趾七郡歲貢龍眼荔枝南州地惡毒蛇猛獸觸犯死者不可復生龍眼荔枝登貢未必益壽延年書奏和帝可其奏止貢羗棄官不應徵辟

漢書

唐和字幼起初仕蠕蠕北魏太武授濟州刺史遷內都大官決獄

嘉蔭移

不加捶楚察疑獲情

唐永讀班超傳慨然萬里之志魏北地太守戰未曾敗語曰莫陸梁將有唐拜幽州刺史子瑾

唐瑾字附璘博涉經史雍容文雅周文帝拜吏部尚書銓衡綜核雅有人倫之鑒歷蔡州刺史俱有德化北史

唐彬字儒宗與王濬伐吳所向皆克度孫浩必降彬托疾不行時先入者爭財後入者爭功咸高唐彬之先見晉武拜監軍以平

吳功加右將軍晉史

唐邕字道和北齊給事中兼中書舍人練習軍書自督將以下勞効本末四方軍事士卒強弱多少番代往還器械精粗糧儲虛

東武劉燕庭氏校鈔

實靡不諳悉在上前簡閱雖數千人不執文簿唱其姓名無誤者上曰唐邕強幹一人當千邕每有軍國事手作文書口且處行耳並聽受各無謬誤上寵待賞賜羣臣莫及位尚書令梁武帝紀又北齊書宣帝曰唐邕是并州金城徙趙州刺史抑豪強庶事理

唐儉字茂素并州人事親最孝唐太宗封莒國公圖形於凌烟閣孫次

唐臨字德本京兆人拜御史持節按交州獄出寃係三千人遷大理卿終潮州刺史臨自述云形如死灰心如鐵石不好治第宅見妻子必正其衣冠專務掩人之過失臨武德年為萬全丞有

輕囚久係方春農事興臨言於令出輕囚歸就農約如期至高宗錄囚臨所決斷者自云唐卿所斷不寃

唐皎臨兄貞觀年吏部侍郎

唐次字文編唐建中年及第以竇參薦改吏部郎參貶開州次作辯謗三篇憲宗曰善令學士沈傳師令狐楚杜元穎論次自周迄隋為十篇名曰元和辯謗畧並見唐史

唐璿字休景少孤好學受易於馬嘉運傳禮於賈公彥明經上第聖歷年涼州都督吐蕃寇涼州休景被甲先登六載皆克西突厥相攻安西道閉武后詔計議屯置如休景策后曰恨用卿晚上謂楊再思等曰休景練知兵事卿等十不當一

東武劉燕庭氏校鈔

唐節瀧水令去官居永州丹崖稱丹崖翁元結道州刺史贈節詩云扁舟欲到瀧口湍春風滿瀧上水難投竿來泊丹崖下得與崖翁盡一歡丹崖之亭當石巔破竹半山引寒泉泉林掩映在木杪有若白鳥飛林間往往隨風作霧雨濕人衣屢滿庭前丹崖翁愛丹崖棄官幾年崖下家兒童棹船抱酒甕醉裏長歌揮釣車我將求退與翁遊學翁歌醉在漁舟官吏隨人住未得却望丹崖慙復羞

青瑣集

唐永蜀人能詩以詩稿撚為丸投大瓢中病且死取大瓢投江中曰斯文苟不沒得者方知吾苦心瓢流至心渠江見者曰此唐山詩瓢也遂次其詩名曰棄瓢集青城山詩云數里緣山不

嘉蔭篔

厭難為尋真訣問黃冠苔鋪翠點仙橋滑松織香梢古道寒晝
傍綠畦蕻嫩玉夜開紅竈撚新丹歌 已斷 聲在風動瑤花
月滿壇

唐介字子方荆南人慶厯練官奏奪三司使張堯佐一日領四使
全臺奏不行遂劾文彥博乞相富弼言太切直仁宗怒貶英州
別駕李思中送云孤忠自許衆不與獨立敢言人在難去國一
身輕似葉高名千古重於山並遊英俊顏何厚已死姦諛骨尚
寒天為吾皇扶社稷肯教夫子不生還介渡淮云聖宋非狂楚
清淮異泊羅平生仗忠義今日任風波舟楫欹危甚鼉鼉出沒
多斜陽幸無事酤酒聽漁歌英宗召為御史中丞神宗拜給事

東武劉燕庭氏校鈔

中三司使叅政以先朝遺直欲大用之年六十卒謚質肅公子
五淑問義問待問嘉問之問淑問拜御史

唐恪字欽叟錢塘人四歲而孤力學及進士第知榆次縣召除山
東提舉移江東運使牂柯獻地詔往撫牂柯還司右起居舍人
奏脩邊徽宗除河北運使右文殿脩撰知滄洲救決河決鹽池
以全城除延康殿學士知潭州時尚道教恪奏孔子之道母意
母必母固母我老子之道去其奢泰今方士市井庸俗安足以
語聖人之至道奏罷之 宋史

唐庚字子西眉州人張商英薦為閩中令清廉立名庭下風生通
判綿州貶惠州有詩

祇今已是丈人行肯與年少爭春風皆名世之言

唐鎬給事之犀帶嚴續相公歌姬俱一代尤物唐有慕姬之心嚴有羨帶之意各出姬解帶一擲賭之唐勝酌酒命姬歌一曲而去

崇 春秋崇無咎齊大夫 吳王闔閭弟夫漑奔楚為崇谿氏

將 將容常山太守後趙錄

倉 姓慕黃帝史官倉頡 春秋倉葛 僖公二十五年傳 漢倉

氏庫氏子孫以官為氏

倉慈字孝仁長安令吏民畏愛遷燉煌太守抑挫豪右撫恤孤羸

東武劉燕庭氏校鈔

一歲決獄不滿十人民夷懷德稱良二千石 三國魏志

倉跋孝行稱州里詔旌表門閭

倉公淳于意受乘陽慶禁方治疾決死生皆驗 史記

蒼 姓慕八覲蒼舒之後

蒼英漢江夏太守

蒼頡觀鳥跡蟲文制文字為黃帝史官自有文字詐偽萌生天知其將餓天為雨粟鬼恐文書所劾故鬼夜哭

印

印祇漢御史大夫

郎 中山 春秋魯隱公元年大夫公孫費伯城郎居之子孫氏

馬今魯高平縣東南有郁郎亭

郎顛字雅光後漢人父宗學京房易善風角星筭顛傳父業兼通
經典盡研精義夜占象度順帝永建二年顛上書陳便宜七事
薦黃瓊李固

郎穎字楚之與郎蔚之議論時人莫能識並稱蜀二郎

郎基字世業博通文籍尤長吏事齊侍御史不憚權勢刑威遷穎
川太守積年案狀數日判決條網既獄訟清淨慎節無營曰
任官所木枕亦不須作况重於此者乎惟令人寫書潘子義遺
書曰在官寫書亦是風流罪過

郎茂字蔚之七歲誦騷雅日千餘言以博學為衛國令歷年詞訟

東武劉燕庭氏校鈔

不詣州縣隋開皇拜戶部侍郎茂父基北史

郎方貴弟雙貴方貴被舟人折臂雙貴歐死舟人執送州縣兄弟
爭死隋文帝原其罪詔旌表門閭署為主簿隋節義傳云

郎餘令定州人唐進士及第霍王府叅軍其從父知年與霍王友
善元軌曰郎家二賢俱入府不謂培塿之地松栢成林遷幽州
錄事叅軍有為浮屠者積薪自焚餘令曰違教傷義長史宜察
之果按奸祖穎

郎餘慶唐宗擢萬年令道不拾遺

郎簡宋侍郎

郎士元唐詩人與錢起齊名

琅 春秋琅過晉大夫

狼 狼疇晉大夫 後魏河南官氏志叱奴氏改狼氏

桑 宋城 黎陽 秦大夫子桑裔以王父字為氏

桑君知扁鵲之異常人也曰我有禁方年老欲傳乃懷中取藥曰

飲以上池水三十日必知物矣悉授禁方桑君忽不見史記

桑弘羊賈洛陽人之子善心計年十三為侍中與東廊咸陽孔僅

言利事析秋毫為都尉漢書

桑虞字子深五世同居仁孝自天性父母喪毀瘠骨立廬墓閨門

雍睦晉書

桑道茂唐德宗時奏曰主上不數年有離宮之厄奉天有天子氣

東武劉燕庭氏校鈔

宜城奉天以備非常上命城之果幸奉天道茂善太乙遁甲待

詔翰林屢奏屢驗唐方技傳

桑維翰字國僑試進士有司嫌其姓黜之或勸勿試維翰持一鐵

硯示人曰鐵硯敝乃改業著日出扶桑賦以見志竟及進士第

為石鏡塘掌書記石晉高祖以維翰任翰林學士同平章兼樞

密使鎮相州維翰形醜怪身短面長每鏡曰七尺之軀不如一

尺之面五代史 維翰有故人韓魚上謁公默不言魚退謂人

曰桑君吾故人有不可犯之色翌日別告桑云吾已奏子姓名

授學頃持黃詔袍笏授之桑公又置酒開懷曰朱炳秀才最相

愛召之來待之如魚禮一日又曰羗岵秀才昔相鄙薄君子不

念舊惡為作書詔之與一官岵至吏白岵謀反當斬岵大叫曰
韓魚召我來受官我何罪竟斬之魚告疾還鄉一日桑公坐小
軒見岵來曰相公生殺由已岵昔同場屋諧謔何報之深也吾
上天帝請公之命桑曰吾為子飯僧誦佛經可乎岵曰還命而
已不久維翰卒青瑣記開

芒

芒卯魏國相史記

康

京兆

會稽

東平

周康叔封魏子孫以謚為氏或曰漢西域夜郎康居入漢子孫
因國為氏或匡姓避宋諱改康姓南康匡廬山初以匡生居山

東武劉燕庭氏校鈔

中仙去惟廬在焉避諱改匡姓為康氏相傳唐以前居其山下
康說宋人

康約梁人

康絢字長明齊華山太守遷安陸太守修城隍治向嚴整南史

康懷英梁太祖賜迎鑿義勇武臣

康德歷數郡刺史封新蔡王附張保洛傳北史

康子光越州人唐開元詔治周易老莊之學侯行果薦子光於張
說立宗擢侍讀封太山定封禪儀拜宗正卿唐史

康日知靈州人唐憲宗拜深趙觀察使子志雍右神策軍使子承
訓字敬辟義武軍節度使平龐勳亂立功

康延孝字梁奔康莊宗賜御衣金帶用延孝策滅梁以功防鄭州防禦使

康福眉州人以騎射事晉王莊宗曰吾家以羊馬為生福貌似胡人而豐厚必宜羊馬令福牧馬相州馬蕃息明宗自魏反過相州福以馬二千足奉明宗軍勢大振福善諸戎言語明宗召對安重誨其蕃語福求外任拜涼州刺史朔方河南西節度使命將軍知柔以兵衛福行至方渠羗邀之福以兵繁走吐番數千帳福分兵三道襲吐番追殺殆盡大獲吐番車帳玉幙羊馬甚衆威聲大振

康澄唐明宗授大理奏曰童謠非禍福之本妖祥非隆替之原雖

雖升鼎黍穀生朝不能止殷宗之興神馬長嘶玉龜告兆不能延晉祚之長國家有不足畏者五有深可畏者六陰陽不調不足畏三辰失行不足畏小人訛言不足畏山崩川竭不足畏蟲賊害稼不足畏賢人隱遁深可畏四民遷業深可畏上下相狗深可畏廉恥道消深可畏毀譽亂真深可畏直言蔑聞深可畏其不足畏者願存而勿言其深可畏者願脩而勿怠上詔優獎五代史

康保裔洛陽人祖志忠父再遇保裔三世戰沒真宗賜侍中官其子繼美字伯雄詔特授桂州觀察使保裔性謹厚好禮儒士延賓客善騎射軍政嚴整賞賜金帛分士卒勞行伍繼美嚴馭軍

厚宗族威震西鄰 宋史

康伯可初上建炎十策一請上設壇與臣民六軍縞素從戎必兩宮四鑿二請移蹕關中治兵積粟號召兩河以雪恥東南不足立事三畧常制用漢故事馬上治之選英俊侍左右通内外上下人情講求天下利害四河北州郡詔土人自相推舉保鄉社以兩軍據要害為聲援滑州置留府通號令五刪内侍百司及州縣冗員簡實省財便事六大赦天下與臣民更始前事一切不問不次升用文武以收人心七金人北士挈郡邑來歸者皆待以將帥不可以盜賊目之以二敵國之心八增損保甲法團結山東京東西河南北兩淮以備不虞九講求漢唐江淮漕運

東武劉素庵氏校鈔

塗路制使魏闕中十曰請詔天下直言便宜州縣即繳奏置籍親覽以廣毫傑進用之路是時傳誦十策伯可名重天下汪黃不能用之及伯可論事秦檜官侍從有樂府詞行世而直聲掃地檜死伯可貶五羊

匡 姓纂春秋魯匡邑宰匡勾顏 廬山記威王時匡裕先生隱居

匡章齊人

匡衡漢東海人從博士授詩射策不中至九乃中丙科累遷御史大夫為丞相封樂安侯十年不出長安致仕丞相 漢書

匡鼎字稚圭諸儒曰無說詩匡鼎來匡說詩解人頤漢元帝時累

嘉蔭錄

上諫疏子咸明經位九卿家世博士漢書

匡昕字令先至孝母病歿經日昕奔還號呼母復醒時以孝感致然南史孝義傳

羗氏羗裔

羗迪晉石冰將

汪新安平陽姓苑汪芒古國名禮記童汪跂

汪革字信民臨川人紹聖年魁南省授潭州宿州教官潭帥張舜民重之革父母喪同僚卒錢贈之革不受官宿州見滎陽公呂希哲謂公黃憲茅容之流與呂好問本中相友建書堂於宿州扁曰清溪改楚州教官卒年四十有清溪文集論語直解惟陳

東武劉燕庭氏校鈔

瓘張來謝逸交遊弟莘字叔野魁鄉貢與同郡二謝豫章四洪東萊諸呂交建炎登科授洪州司理李綱趙鼎以為上客改分寧丞監察御史李霖舉清白科第一紹興年卒壽七十三有歸過文集

汪藻字彥章饒州德興人父穀泉州晉江丞生藻於晉江官舍及藻知泉州謝表訪六十年之父老恍若前生佩二千石之印章敢期今日建炎內翰中書一時制誥皆出其筆紹興龍圖學士知撫州述父行實五季時有自歛之黃墩徙娶源還珠者於公為九世祖孫覲志藻墓曰建炎紹興天子建中興之烈詔令多出公手筆咸以比陸宣公及斥永州年益高文益奇詩益工

微妙精深與柳儀曹相望數百載文章相上下有龍溪文集行世奏議切直子七恬悟恪愴懍悻悻

汪勃黟縣人仕至樞密子作礪提刑其孫義和侍御史義端給事中

汪應辰玉山縣人原名洋紹興初狀元賜名應辰官端明殿大學士

汪伯彥祁門縣人紹興初僕射與黃潛善並稱汪黃沮岳飛宗澤恢復大計公論非之

汪徹字明遠浮梁縣人紹興監察御史乾道端明樞密大觀文興朱倬何溥都民望任文薦俱臺官每奏軍國大計

東武劉燕庭氏校鈔

光樂安姓慕田光裔秦末避仇氏焉

光逸字孟祖胡毋訓之曰奇材俊器薦於東海王越興輔之阮放阮孚畢卓羊曼相彛謝鯤稱八俊飲酒無晝夜晉本傳

光楚唐人

光垂裕宋進士

囊楚莊王臣子囊令尹囊瓦字子帝

穰

穰苴齊將

黃江夏金華姓苑陸終裔黃帝子十四姓之一秦封以

國楚滅之西漢列侯爵東漢黃憲黃琬黃香三國黃忠黃權黃

盖五代金華為盛

黃歇春申君相楚賓客躡珠履初趙人李園進女弟為妾有娠園與謀說君曰以君之重進妾於王有子是君之子也君如其言王召幸生男為太子妾為貴后李園陰謀殺歇以滅口楚王疾有客朱英曰世有無望之福有無望之禍有無望之人君曰何也英曰王沒君輔少主如伊周無望之福也李園蓄死士殺君以滅口無望之禍也君置臣為郎中王死臣請殺李園此無望之人也君不用英逃去十有七日王沒李園伏死士斬歇滅其家太子為楚幽王史記及國策

黃子

太史公習道論

轅固爭論上前司馬遷傳

史記劉燕庭氏校

黃石公

互見張良傳

黃霸字次公淮陽人河南太守永宣帝召廷尉正坐夏侯勝同係岳從勝授尚書曰朝聞道夕死可矣在獄再更冬通尚書會赦勝諫議大夫霸揚州刺史潁川太守外寬內明治為天下第一召京兆尹五鳳年拜丞相封建成侯仕武宣昭治潁川八年鳳凰神爵集郡國詔爵關內侯賜黃金百斤初霸見巫女欲娶之有相者曰此女有貴相娶之封爵偕老漢循吏傳

黃憲字叔度汝南人父牛醫憲年十四荀淑曰子吾之師表也至袁閔所曰子國有顏子閔曰見吾叔度乎同群戴良見憲必正容及歸罔然若有所失其母曰汝復從牛醫兒來耶陳蕃周舉

曰時月不見黃生鄙吝之萌復存於心矣郭泰遊汝南見袁閔
不宿見憲留累日曰袁奉高之器譬如汎濫其清易挹叔度汪
汪若干頃波澄之不清滄之不濁不可量也舉孝廉年四十八
終范曄曰黃憲言論風旨無所傳聞然士君子見之靡不服膺
然其處順淵乎其似道漢書

黃香字文強江夏人九歲失恃里稱其孝博學屬文語曰天下無
雙江夏黃童初仕郎中遷尚書令憂國如家拜東郡太守香事
父竭力無失暑月扇枕以身溫席和帝聞之賞賜特異子瓊

黃瓊字世英隨香在臺閣習故事達練官曹數上疏言事順帝時
李固書曰伯夷隘柳下惠不恭伯夷柳下惠可否之間聖賢居

東武劉燕庭氏校鈔

身之所珍也堯堯者易屈皎皎者易污盛名之下其實難副樊
英徵至朝廷設壇席如待神明言有所守無太異亦無太缺而
毀謗交流皆言處士盜虛名願先生遠謨以雪斯言之恥瓊拜
議郎尚書僕射拜太尉封鄉侯時漢誅梁驥天下想望異政
瓊奏劾貪污又奏辟范滂初瓊教授於徐稚從學及貴絕不交
至延熹七年卒四方士會弔六七千稚往弔衆莫識茅容追之
徐孺子也漢本傳

黃琬字公琰祖瓊拜魏郡太守日食京師不見奏聞太后問日食
多少琬七歲對曰日食之餘如月之初拜童子郎遷五官中郎
將

黃允字子文濟陰人才雋知名郭泰曰卿才高絕人足成偉器然當身自匡持不然將失之也司徒袁隗為從女求婚曰得婚如黃允足矣允聞而出其妻夏侯氏妻請會宗親別因數允十五罪而去允由此廢東漢

黃昌字聖貞會稽人初娶戴次公女因歸寧遇盜掠去及昌守蜀郡戴已為蜀人妻其子犯法詣昌疑其寃問焉答曰妾會稽戴次公女郡佐黃昌妻盜掠嫁此昌曰汝識昌乎曰昌左足心有黑子自言必作二千石昌示之足遂夫婦如初東漢

黃忠字漢升勇冠三軍蜀牙爪拜將軍

黃蓋字公覆零陵人赤壁之捷建策火攻敗曹操水軍八十萬眾

東武劉燕庭氏校鈔

拜偏將軍為江表虎臣

黃權字公衡蜀鎮北將軍入魏為車騎將軍司馬宣曰公衡快士也

黃法氈字仲昭有膽力戰功拜平南將軍豫州刺史陳伐北齊法氈都督諸軍出歷陽

黃臧用工詩無紙得句題桐葉上句法極佳好事者以毫楮遺之杜甫云桐葉坐題詩

黃子廉見陶淵明集中

黃瞻金華人南唐著作知分寧縣因家焉生二子元續元吉元續字中理光祿卿子五元吉字中雅子五灝字寶之章衡榜及進

嘉蔭錄

士第衛尉寺丞泱字公溥居士注字夢升王拱辰榜登科歐陽
永叔交游渭字子元張唐卿榜登科官中允浚字公亞鄭獬榜
登科瀘州司理中理五子茂宗字昌裔蔡齊榜登科崇信軍判
官滋字昌卿以子序贈丞事郎湜字正倫以子廉給事贈朝散
淳字元之昌溱榜登科太常卿渙字溥之不仕時稱黃氏十龍
黃廉字夷仲給事中生四子叔豹叔向叔夏叔教山谷作輓叔父
給事詞

黃庶字亞夫有大孤山詩彭蠡百里南國襟萬頃蒼烟插孤岑不
知天星何年落春秋不書不可尋鳴鳴大藤樹下廟祭血不乾
年歲深掛帆千里不可越繫鮮醜酒來獻斟落帆夜宿白鳥岸

東武劉燕庭氏校鈔

睥睨百遶寒藤陰銀濤大浪獨夫險此 一片崔嵬心庶之子
庭堅

黃庭堅字魯直初登科葉縣大名府教授國子監召校書郎神宗
國史檢討與秦觀張耒晁補之蘇軾交游稱四學士位卑名高
並稱蘓黃一日遊瀟旣因樂山谷寺石牛洞林泉號山谷道人
及謫宜州道中寄翠岩新公云山谷青石牛自負萬鈞重八風
吹得行處處是日用崇寧乙酉九月三十日卒宜州有豫章集
行世 見山谷集

黃斌老文與妻姪善墨竹

黃幾復山谷詩曰桃李春風一杯酒江湖夜雨十年

黃履字安中邵武人大學進士御史中丞奏免大臣有罰金又御史翟思因言事上上日推結履奏曰御史以言為職今結其從來則皆自懲臺諫不復敢風聞言事恐塞言路哲宗授知越州召御史中丞奏呂大防之黨乞正典刑徽宗擢尚書左丞黃葆光字元暉黟縣人崇寧使高麗補齊州理朝臣薦召拜監察御史左司諫有歸明人李良嗣進北夷錄平夷書上命授祕書丞葆光奏其五不可秘省圖書之府醜虜居之損國體又奏三省失元豐舊制徽宗憂旱又奏曰人君有屈已逮下之心人臣無歸美報上之意能致陰陽之變上有惠慈惻怛之心下無柔順欽承之意能乖天地之仁立朝正氣節不撓

東坡劉燕庭氏校鈔

黃公度字師憲蒲田人父靜公度紹興狀元有詩云嗜酒揚雄官落拓耽詩沈約瘦伶僇與時相不合有知稼翁集十二卷洪內翰陳正獻公序子浩知邵州孫錢登科

黃中美字文昭元祐登科官朝議大夫朱元晦志其墓曰金人入城官吏賣降恐後黃公獨不然子永存字堅叟上召拜尚書郎孫龜朋知南雄州曾孫大全登科

黃渥居會稽與魯直叙通譜山谷作黃育字序

黃裳字光仲元豐年雷擊南劍州譙樓裳詩曰莫是卧龍今久困放教頭角入雲衢裳狀元及第仕尚書端明有文名演山集

黃幹字直卿號勉齋朱考京門人有四書講義行世有劉正之遂

初堂記

黃茂昭金華人五代撫州刺史因家通德門外今富州喬峯其裔
黃慶基嘉祐王俊民榜登科仕至監察御史撫州金谿人其子符
紹聖進士中博學弘詞科授祕書郎

黃中自通老其先自光州固始徙閩城邵武紹興登科國子司業
克賀金使還拜中書舍人工部兵部侍郎乾道年龍圖閣侍御
端明殿學士淳熙年卒壽八十有五朱文公誌其墓宋言行錄

皇 吳郡 風俗通三皇裔

皇頡鄭大夫 春秋

皇郁宋使命校正出馬工正出車襄九年

東武劉燕庭氏校鈔

皇國父為太宰襄十七年

皇辰鄭大夫侵城郟取幽邱同代彭城成十八年

皇戌鄭使皇戌如晉師曰楚勝而驕鄭師為承楚師必敗宣十二

皇象字休明工書三國魏青州刺史吳郡人

皇侃九世祖象侃明三禮孝經論語為國子助教梁武帝召入壽

光殿講禮記拜散騎侍郎南史儒林傳

皇初平年十五牧羊遇道人將至金華山石室居四十年兄初起
往求之初平同至牧所叱白石皆起為羊兄亦從學仙葛洪神

庚 庚桑子七十二子之一

庚桑楚莊子

庚季良唐太常博士

彭隴西 姓纂陸終六子第三彭祖即大彭魯論曰老彭橐宇
記商賢臣顓叔玄孫至商末壽七百六十七歲有墓在徐州彭
城屈原天問彭鏗斟雉帝何享朱文公曰謂享上帝已為妄又
以為享堯帝妄之尤也

彭仲楚令尹 哀十七年

彭名御楚共 成十六年

彭更 孟子

彭越字仲 漢王賜將軍印綬使擊攻楚下睢陽外黃十七城下
昌邑旁二十餘城封梁王後夷三族醢以賜諸侯惟英布不忍

東武劉燕庭氏校鈔

視投江中化生彭越 漢書

彭宣字子佩淮陽人通周易張禹薦明經入為右扶風哀帝拜御
史大夫大司空封長平侯及王莽秉政宣上書歸長平侯印綬
乞歸田里宣張禹門人 贊曰彭宣見險而止異乎苟患失之
者矣

彭寵字伯通拜漁陽太守與朱浮不協浮責之曰君與耿弇俱佐
命弇謙遜君伐功昔遼東人有豕白頭者異而獻之行至河東
郡豕皆白慚而還若子之功遼東豕耳今以漁陽結怨天子又
何異河東人捧玉塞孟津多見其不知量也 東漢

彭樂為高歡將追及宇文泰泰曰汝非彭樂乎痴男子今日無我

明日豈有汝耶樂乃免泰北史

彭脩字子陽會稽人年十五父為盜所劫脩拔刀對盜帥曰主辱臣死父辱子死盜帥曰此童子義士也命釋其父而去獨行傳
彭思永字季長吉州人剛勁特立知潮州潮州多怪處之安然凜乎大丈夫之英傑帥高陽兵無紀律公一以兵法除湖北運使奏劾守令疲懦殘虐貪污各一人八州競勸初程伯淳年十二三居庠序如老成人思永為戶部侍郎至學舍一見即妻以女

熙寧三年卒年七十有一宋朝

彭乘字利用登科與同年登相國寺樓望鄉關曰吾親老矣安得舍晨昏菽水奉而圖一身之榮乎終養甘露降其墓栢寇準薦

東武劉燕庭氏校鈔

召試秘書丞知普州蜀人舊制不許官蜀宋朝蜀人官蜀自乘始召脩起居注知開封府翰林學士

彭汝礪字器資饒州進士狀元及第五介甫喜其詩義除國子監直講監察御史奏十事皆人所不敢言者宦者王中正李憲居邊公奏漢唐以兵柄傳宦者多敗事神宗折之拱立不動奏不去上改容除江西運使又奏當今不患無將順之臣患無直言之臣不患無敢為之臣患無敢諫之臣元祐年中書舍人紹聖除吏部尚書知成都府龍圖侍制知江州卒年五十四遺表云土宇有餘願撫以仁財賦有餘願節以禮佞臣若可喜其患在後忠言若可惡其利甚深河北流離千里無間江南水潦九年

于茲

彭汝方字宜老汝礪弟知衢州立忠節贈龍圖直學士

彭公永福州人紹興戊午及第子演渙淳熙俱登科演字子山嘉泰年江西提刑吏部侍郎熙進士

彭淵才

平 姓慕韓哀少子媯食采平邑秦滅漢子孫以邑為氏 何氏

姓苑漢複姓二平寧平陵

平當字子思明經為博士公卿為廉給事中文雅不及蕭望之匡衡然旨意同於韋立成相元帝奏罷太上皇寢廟園平當上書言王者必世後仁聖漢受命繼體承業二百餘年然風俗未和

東武劉燕庭氏抄

陰陽未調災異數見意者大本未立歟堯克明峻德以親九族而化及萬邦周公承文武之業制禮作樂脩嚴父配天之禮知文王不欲以子臨父故推尊后稷以配天此聖人之德無以加於孝也高皇漢祖所宜尊奉以廣聖德上納其言復太上皇寢廟園按幽州舉奏刺史二千石所過有聲奉使十有一人平當為最遷丞相府司直拜丞相賜爵關內侯言漢相業者稱韋平子晏

平晏以明經歷位大司徒封防鄉侯漢韋平父子皆宰相封侯

漢本傳

平鑒字明達受詩禮大義以豪俠稱授懷州刺史魏兵圍城井竭

嘉蔭錄

鑿具衣冠祝井而泉湧北史

平凝唐開元進士

瓶

瓶守漢太子少傅風俗通

瓶剛後趙錄

瓶裴字子然北海相孔融以其賢也配社祭之後漢

明平原吳興河南

姓苑虞仲裔公族有井伯即百里奚生百里孟明視其子孫以

王父字為氏後魏河南官氏志一斗眷氏改明氏望著河南

明僧紹字休烈或云其先吳太伯裔僧紹子山賓

東武劉燕庭氏校鈔

明山賓字孝若梁五經博士首選兗州刺史史撫大藩擁轂珥金拖

紫而常屢空拜國子祭酒與沈峻嚴植之俱北魏五經博士弟

少遐

明少遐字處默位都官尚書簡文帝曰不喜明少遐得尚書喜尚

書得明少遐拜青州刺史自宋至梁明氏為刺史者六人南史

明克讓字弘道博涉書史通三禮論語龜策歷象年十四為法曹

恭軍朱異命咏竹詩非君愛賞誰貴此真心仕隋率更令時

東宮盛徵天下才學士至於博聞洽見皆在其下

明亮字文德北魏陽平太守有惠愛吏民懷之北史

明崇儼以方技名唐高宗召試方盛夏上思得雪崇儼即獻雪曰

嘉蔭錄

臣取之陰山北上非仄時欲斥崇儼進斥曰臣用百錢買緹氏老人圃中上召緹氏老人問焉對曰藏一斥在圃中土內以存種近啟而失之有百錢在處崇儼洛州人儼師乃梁祭酒明山賓五世孫唐史

明鎬字化基密州安邱人及進士第薛奎薦其廊廟才除開封府推官京東益州路轉運使歲歉盜起鎬募兵於民知同知閱廂兵得材符者三百人教強弩奏立額名清邊軍最驍勇轉相教習陝西河東皆置此軍除知開封府時具州王則反上授鎬安撫民文彥博宣撫河北鎬副之平具州遷端明殿大學士彥博拜相鎬叅政卒謚文烈公宋朝

東武劉蕡是氏校鈔

京 東郡 譙國 風俗通鄭武公子京城太叔

京房字君明東郡頓邱人受易於焦延壽以孝廉為郎中漢元帝朝累上疏言災異每上晏見必直言出魏郡太守房受易梁邱賀西漢儒林傳

京鏜字仲遠豫章人宋宰相

經

經 曠 晉人

荆 廣陵 春秋荆人至魯桓公二年方稱楚見經荆公十五攝相事孔子使觀之曰朝中清靜少事家語

荆軻齊人燕丹令軻奉樊於期首燕督岡地圖挾匕首刺秦始皇

燕丹餞之易水高漸離擊筑荆軻歌宋如意和曰風蕭蕭兮易水寒壯士一去兮不復還史記

荆邯漢騎都尉東漢光武紀

荆可事母至孝母喪負土成墳廬墓周文帝詔旌表門閭北史

荆罕儒冀州信都人從孫嗣少應募充控鶴使從軍凡百五十餘

戰皆克捷未嘗自伐其功官虢州防禦使宋朝

衡

衡守直唐金部郎

衡宋進士

行

東武劉燕庭氏校鈔

行巡漢隗囂將

行祐漢趙王相

應汝南穎川周武王第四子應侯春秋邶晉應韓武之穆

也僖二十四年

應曜隱淮陽山中漢使并四皓徵曜不至語曰南山四皓不如淮

陽一老曜八世孫邵

應奉字世叔聰明凡所經履能暗記讀書一日五行俱下年二十

詣彭城相袁賀時賀出外閉門造車車匠啓半扉出半面視之

去十年見車匠于路識而呼之漢桓帝朝上疏言馮鯤劉祐李

膺等以忠臣同愆元惡武帝捨安國於徒中宣帝徵張敞於亡

嘉蔭後

命鯤討荆蛮有吉甫之功祐數督司不吐茹之節膺著威幽并
遺愛度遼乞原膺等書奏免刑拜膺司校尉如初子劭珣

應邵字仲遠注漢書拜奏山太守戰却黃巾

應珣子瓊瓊兄瑒

應瑒字德建建安七子孔融陳琳王粲徐幹阮禹應瑒劉禎

應瓊字休璉拜侍郎常侍郎中有詩云問我何功德三入承明廡

與瑒並稱二璉詩見文選

應禎字吉甫散騎常侍晉武帝華林固詩見文選應氏自漢魏晉

世以文章顯軒冕相襲負給事中

應詹晉元帝授益州刺史上疏崇儒新化都督南平天門武陵三

東漢劉焉應氏世

郡軍事時天下亂詹境內獨全百姓歌曰歲寒不周孤境獨守
拯我塗炭惠隆丘阜潤同江海恩如父母遷光祿勳都督前鋒
與王道溫嶠共詩王敦

英 春秋英六臯陶裔楚滅英子孫去邑為氏

英布有客相曰當黥而王及莊坐法黥稱黥布項羽立布九江王
後歸漢太師公曰英布其先豈春秋英六臯陶後哉身被刑法
何拔興之暴也史記

營 咸陽 姓苑周卿士營伯後

營 郃漢京兆尹

營 道宋學究

榮 周大夫夷叔食采榮邑稱榮夷叔

榮黃楚大夫又曰榮季諫楚子玉瓊弁玉纓僖二十八年

榮旂字子祺魯人贈雩婁伯封厭次侯贊曰伯茲雩婁務學實著三千之徒七十豫匪善莫行惟德是據紀於前書式彰厥譽

榮廣治 見穀梁春秋

榮駕鵝古今人表

榮啟期孔子遊太山榮啟期行乎 之野鹿裘帶素鼓琴而歌孔子曰先生所樂何也對曰吾樂甚多天地萬物人為貴吾得為人一樂也男女之別男尊女卑吾得為男二樂也有不見日月不免襁褓者吾行年九十矣三樂也貧者士之常死者人

東武劉燕庭氏校鈔

之終處常待終何憂乎哉孔子曰能自寬也 莊子

榮毗字子諶涉獵羣書仕隋華州長史遷侍御史立朝剛鯁侃然

正色百官畏憚 北史

榮建緒毗兄仕隋洪州刺史

榮諲宋光祿卿

成 廣陵 上谷 弘農

姓苑周文王第三子封郟為成伯成肅公桓公八為周卿士楚滅郟子孫去邑為氏漢複姓十五氏莊子務成廣成顏成子高伯成子高韓子有容成列子有考成晉卻犇食采苦成苦成叔宋大夫老成方盆成括仕齊晉英成僖子漢右成雲廣漢太守

高祖功臣成陽成延漢漢上成公白日升天晉車成將為戊己校尉古成氏後也史記有形成氏是為複姓

成得臣楚大夫子玉僖二十三年傳

成大心帥師滅六文五年

成肅公會晉侯伐秦成十二年

成颯孟子

成封東漢儒林傳

成瑁漢桓帝時南陽太守以岑暄為功曹謠曰南陽太守岑公孝

洪農成瑁但坐嘯

成翊安帝時與杜根以直言忤太后拜尚書郎並見漢史

東武劉燕庭氏校鈔

成安樂淮陽太子子景儻豫州刺史南史

成公笄字宗舒家世二千石官散騎常侍

成公綏字子安有俊才暑月乘風而歎賦華見其文敬服徵拜博

士晉史

成淹仕魏文明馮太后喪齊使裴昭明謝峻吊欲吉服行禮魏主

對客曰弔禮有常奈何以朱衣入凶庭齊使曰受命本朝不易

魏詔著作成淹與言齊使固執曰魏不聽使臣朝服入弔何故

淹曰羔裘玄冠不以弔童幼所昔習季孫如晉永遭喪之禮以

行今鄉自江南來弔喪問何故行人得失何遠哉齊使則曰二

國禮應相準齊高帝喪魏李彪弔不素服淹曰齊不行諒陰禮

嘉蔭錄

踰月即告彪奉使至齊君臣鳴玉盈庭紹璫曜日彪敢表服側其間乎今主上

君廬豈可以此方彼齊使曰三王不

同禮孰知得失淹曰達孝道共虞舜商宗其非也齊使曰非孝者無親不可當也然使臣惟戎服來惟主人裁其弔禮然違朝命必獲戾淹曰齊君子將命得宜當厚賞賜無君子卿出而光國良史書之魏給服致命成禮己丑入弔文武盡哀魏主嘉淹學辨拜侍郎賜帛

北史

成連先生琴師也伯牙水仙操云伯牙初學於成連先生成連曰吾師方子春在東海吾徃迎之與伯牙俱徃至蓬萊山留伯牙曰子君此習吾迎吾師刺船去旬日不返伯牙日夕迎望見海

東漢書

水涵湧山林冥窅禽獸悲鳴嘆曰吾師將移我情援琴鼓之曲終而成連至乃同舟還遂極天下之妙音樂府水仙操

成方遂漢昭帝時夏男子乘黃犢車詣闕自稱魏太子公卿不敢詰之唯雋不疑叱吏取縛

承千乘何氏姓苑衛大夫承成裔

承宮字少子永平年拜博士遷中即將數進忠言朝廷憚其節名播匈奴後漢

程廣平安定河南顓頊重黎裔

程伯休父周宣王司馬

程嬰公孫杵臼存趙朔孤兒史記趙世家

程子孔子之家語遭程子於路傾蓋而語甚悅命子路取束帛贈之

程邈字元岑秦獄吏以罪囚雲陽獄中十年在獄改篆為隸始皇善其隸書赦之史記

程不識漢車騎將軍屯鴈門與李廣備胡因賀丞相田蚡座上灌夫行酒至臨汝侯灌賢與陳耳語不避席夫罵曰平日毀程不識不宜一錢今日長者為壽乃效兒女曹咕嗚耳語漢李廣傳

程曾字秀升習嚴氏春秋自著百餘篇皆五經通難建初舉孝廉拜海而令

程咸魏司隸主簿誅母兵儉其女以孕係獄咸上在室議曰女在

東武劉蕪處氏校鈔

室應從夫坐刑已出嫁他人婦應從夫家不至三族之法著為令三國魏志

程昱字仲德有謀胆畧過賁育能斷大事破袁譚袁尚兵拜奮武將軍孫曉字季明拜黃門侍郎魏志

程普吳盪寇將軍江表虎臣與周瑜破曹操水軍八十萬於赤壁三國吳志

程秉字德樞博通五經孫權以其名儒徵拜太傅太子登曰將順其美臣效其惡誠所賴於傳君也

程衛字長玄操行方嚴拜尚書郎侍御史洛陽令安定頓立太守所至著政績晉書

程靈洗字玄滌勇力戰功豫州刺史雲麾將軍子文季字少卿拜

超武將軍齊君畏之稱程彪南史

程駿字驪駒仕魏拜著作與獻文帝論易老之學詔曰駿居官清慎門無挾貨之賓家有懷道之士賜帛旌庶駿散所賜於親舊

北史

程名振洛州人唐高祖令將兵經畧河北太宗征遼東召問方畧辯對詳明上稱奇士子務挺從征伐授單於道安撫使禦突厥有威善綏御安邊唐書

程璜漢順帝紀

程元振唐肅宗紀

東武劉燕庭

程據晉惠帝紀

程俱羅侯知道稱靈武二孝李華作贊唐孝友傳

程知節濟州人秦叔寶同婦唐破宋金剛王世充以功封宿國公改廬國公

程表師宋州人事母孝刺史表於朝詔徵不拜

程脩己唐開元內殿賞花上曰京師牡丹詩誰稱首對曰李正封國色朝酣酒天香夜染衣詩語可見上命妃子粧鏡臺前賞飲紫金杯

程千里京兆人擢金吾將軍及祿山反唐拜河東節度使橋壞馬陷為賊所執千里仰首救諸將曰可失帥不可失城城遂全

程異字師舉有孝行明經進士初鄭縣尉位至丞相平章憲宗擢
巡邊使異卒官貧無貲世服其廩

程羽字仲遠深州進士宋太宗拜給事中知開封府城都府兵部
侍郎致仕羽淳厚長者世居中山博野羽輔翊功臣賜第京師
居河南為二程高祖宋

程琳字天球博野人服勤詞學科召試集賢院知制誥御史中丞
樞密直學士京尹知益州戶部侍郎參政潁川貴州北京留守
武昌節度使知永興宣徽使判延州同中書門下平章判大名
府鎮安節度使卒年六十九謚文簡公初范仲淹言事謫饒州
公力辨其枉拜諫議大夫御史中丞相張知白除中丞不辱

東武劉燕庭氏校鈔

吾筆歷真仁兩朝

程珣黃陂縣尉因寓居士申歲生顥明年癸酉生顥今縣治有思
賢堂珣廷漢州太守二子侍官所邦人繪像祠學宮 通判南
安軍日令二子受學濂溪周茂叔

程顥字伯淳十歲能詩賦年十三游庠序彭侍郎思永一見以女
妻之及進士第至鄆縣簿以呂公著薦為御史奏正心求賢育
才神宗朝薦張載程頤等十餘人哲宗召為正丞卒年五十四
文彥博表其墓曰明道先生 元豐年陳了翁范淳夫論顏子
不遷怒不貳過范曰伯淳有焉了翁愧未識伯淳自作責沈文
以沈諸梁不識孔子也臺中自責以沈自况 朱公拱見伯淳

於汝州退曰光庭在春風中坐了一月

程頤字正叔哲中在御二程經學為天下先稱河南程夫子道德性命之說學者宗之與周茂叔講學伊闕山中門人稱伊川先生受學者如游酢謝良佐呂大臨楊時皆名士初楊中立游定定夫人見伊川方瞑目坐二子侍立久伊川覺曰二賢猶在此日晚耳且休及出門雪深一尺矣司馬光呂公著廌之文彥博呂范諸公在經筵聞程講經曰真侍講也 哲宗宮中行不踐蟻程頤奏曰上推此心以及四海帝王之仁也紹聖年做黨貶官涪州徽宗詔叙復宣德郎大觀元年卒年七十五

東武劉燕庭氏校鈔

西運使知渭州瀛州端明殿大學士知益州給事中參政英宗授安武軍節度使卒謚康穆公

程振字伯玉饒州樂平人未冠入太學張商英陳瓘鄒浩諸名士重之徽宗幸學賜第太學錄欽宗除吏部侍郎奏大臣徇私和戰二說屢變上不能用刑部侍郎開封府尹同梅執禮之等死節

程瑀字伯禹初嗣其如姑為臧氏政和平太傅秘書臧氏父母服引法歸宗奉使燕山紹興元年給事中知信州徽猷閣侍制知撫州宣州龍圖閣學士知信州卒年六十六徽欽高三朝左右正言奏劾蔡京父子童貫朱勔罪大謫輕請正典刑又論燕瑛

呂源鼎山何執中余深等奏備邊御將理財十事又薦胡安國
朱震等一時名士又奏景露宮土木營膳勞人費財又奏金人
講和不可忘武備公喜論語自註論語疏與諫塘洪興祖難疑
辨惑久秦檜怒曰程伯禹著書相謗尚書即魏安行刊其書西
京洪興祖序曰養者悌之本源明忠恕之二感發於夫子之
一貫流涕於周公之四言史臣曰龍畝程瑀著論論謂知饒州洪
興祖序乃取瑀發明聖人忠厚之言不使大臣怨乎不以一句
表之故忤檜劾洪興祖魏安行謫官南行符下西京搜書毀板
程大昌字太之徽州休寧人紹興年太學及第孝宗除著主符贊
讀直講國子司業禮部侍郎中書舍人刑部侍郎尚書敷文閣

東武劉燕庭氏校鈔

學士知泉州建寧府明州龍畝閣學士卒年七十三

言行錄

程仁霸眉州錄事參軍即蘇軾外祖

程濬子之才娶蘇明允女

程之元字德瑞蘇軾送表弟程六知楚州云烟烟明珠照雙壁當
年三老蘓程石里人下馬避鳩杖刺史迎門倒皂烏

程之邵字懿伯蘓軾送程七知泗州云使君如天馬朝燕暮荆蠻
時無王良御空老十二閑

青 風俗通漢複姓三青陽氏黃帝第五子 青鳥氏 青牛氏

星 濟北

星童羊氏家傳南陽太守羊續娶濟北星童女

丁濟陽 濟陰 齊太公子呂伋稱丁公春秋襄二十五年傳
丁寬字子襄梁人從田何受易學成東歸何曰易已東矣寬至洛
陽又從周王孫受古義為梁孝王將軍拒吳楚作易說三萬言
稱丁將軍易冠漢儒林之首

丁鴻字公父緄陵陽侯卒鴻當襲封上書讓於弟盛而逃鮑俊
遇於東海責曰伯夷季札亂世行權春秋大義不以家事廢王
事俊上書薦鴻經學至行漢明帝召為何中章帝詔諸儒定五
經同異於北京白虎觀鴻才高論明諸儒曰殿中無双丁孝公
東漢

丁恭字子然以春秋教授生徒自遠至者千百人稱恭大儒建武

東漢劉燕庭氏校鈔

年拜少府 東漢

丁公為項羽將逐沛公彭城西短兵接沛公曰兩賢豈相厄哉丁
公引兵還漢得天下丁公求見漢王狗車中斬丁公 前漢

丁固會稽人夢松生腹上語曰松十八公也後十八年自尚書拜
司徒如其夢 三國魏志

丁奉字承淵廬江人勇冠三軍斬將寨旗能斷大事 三國吳志

丁儀丁廙俱有盛名陳壽作三國志語其子曰可覺千斛米當為
尊公作美傳丁不與米壽竟不作傳 三國魏志

丁穆字彥遠晉順陽太守符堅入寇執穆授以官不屈節堅曰周
彥威不屈於前丁彥遠潔已而後吉祖冲不食而已死何晉代

多忠臣也 晉書

丁譚字世康會稽人舉孝廉為郎遷東陽太守拜國子祭酒以清

潔稱 晉書

丁紹字叔倫廣平太守政平獄理遷冀州刺史河北畏服 晉書

丁蘭事母孝母亡核木母事之如生今光州有木母墓陳州有木

母臺 孝義傳

丁令威學仙化鶴飛集遼東華表歸其家子載孫已非矣鶴以瓜

矍樓板嘔口血書有鳥有鳥丁令威去家千載今始歸城郭如

故人民非何不學仙家 神仙傳

丁公著字平子蘓州進士明經高第充諸王侍讀因著侍讀訓十

東武劉燕庭氏校

篇遷太常卿清約守道 唐史

丁會字道隱壽春人初為挽喪者善悽愴歌聲又從梁巢歸梁太

祖與葛從周將萬兵救張全義於河陽至河陰謀曰李罕之必

以我兵少道遠不敢度九鼎今出不意掩不備兵家勝策也乃

度九鼎直趨何陽戰於沈水敗罕之解河陽圍拜昭義軍節度

使又降晉王以會歸太原賜第宅位諸將上中子太原初微賤

如彼終功業如此男兒女當自強也 五代史

丁司理范希文送其赴明州司理云仙家枝葉令威孫南去司刑

庇越民金闕道書徵旨在獄多陰德是真人道家云升者多是

獄官

丁渭淳化進士第四人上曰甲乙丙丁合居第四通判饒州判官
白積新婚富商欲示貧折簡借五百錢丁荅云欺天行當吾何
有立地機關子太華五百青蚨兩家缺赤洪厓真宗問唐酒價
對曰每升三十上問何也曰杜詩息來相就飲一斗恰有三百
青銅錢拜相封晉國公初以寇準薦及貴陷準貶雷州司戶無
何謂自貶崔州司戶詩曰博語雷州寇司戶人生何處不相逢
謂崖州五年資商賈達書洛陽教商賈曰必祠禩有中貴人至
留守宴坐則當面投書商人如其言留守不敢拆書遂奏上乃
陳情表檢叙其有受遺詔冊立功曰臣有弥天之功今有弥天
之罪皇后仁宗見惻然遂徙雷州道州復秘書致仕居安州光

東坡先生詩

州卒

丁度字公雅開封祥符進士詞科大理評事集院判太常禮院其
祖顓畫家貲置書八千卷曰吾娶書多子孫必好學丁度乃力
學官侍從十五年上安邊十策仁宗除端明殿學士工部侍郎
樞密叅政卒謚文簡公有禮部集韻行世

冷或力丁切 京兆

冷至春秋傳僖十年秦伯使冷至報問召呂卻冀三子卻至曰幣
重而言甘誘我也

冷州鳩昭二十一年天王將鑄無射冷州鳩曰王其以心疾死乎
冷向秦昭楚伐齊冷向諫陳軫國策

冷耳封相嚴侯漢功臣表

冷廣封駟望侯漢孝元鴻嘉元年封

冷苞漢獻帝紀

冷豐從顏安樂授公羊春秋擢淄川太守

冷褒見漢書師丹傳

冷徵見漢西羌傳

冷壽光見漢華佗傳

冷道字安義徐州刺史前趙錄

冷朝陽唐大厯監察御史有詩名江都人

冷世光宋淳熙殿院

東武劉燕庭氏校鈔

冷廷叟見黃山谷詩集

伶

伶倫古樂師

靈風俗通周靈王後

靈輒春秋晉大夫

靈常封陽羨侯漢功臣表

陵漢複姓六延陵氏吳季札後於陵子仲高士傳安陵丑戰國

高陵君顯漢鉛陵卓子呂氏春秋高陵君秦昭王弟鄧陵氏楚

公子食采鄧陵

凌去聲姓慕唐叔支孫為周凌人

凌統字公績輕財重義有國士風拜吳偏將軍江表虎臣統父操
輕俠有膽畧立戰功為永平長 三國吳志

凌景夏

凌策字子壽知益州夢人以劍加六印付之遂鎮劍南

冥 風俗通禹裔

冥都治公羊春秋漢丞相

繒 春秋繒子

繒駕封祇穀侯傳爵四世漢功臣表

仍 夏后諸侯有仍國君夏后相娶有仍氏女為后生少康有仍

氏女名曰玄妻 昭二十八年

吳志劉燕庭氏校鈔

乘

乘昌漢煮棗侯

稱

稱忠新山侯漢功臣表

徵

徵崇吳率更令河南人

勝

何氏姓苑漢複姓

勝屠公河東太守

登 南陽

登徒子楚人宋玉登徒子好色賦

登徒直郢人送象床

登定蜀始平人

登道後漢侍中

登豹將作大將匠

闕

闕天周文王友

闕孺漢廣陵王相

訇

訇琦

訇廣關中流人見蜀錄

東武劉燕庭氏校鈔

邢 河間 周公第四子封邢春秋衛滅邢以國氏世居滁州全

椒邢侯之姨衛風

邢綏漢司空

邢辟漢侍中以直道忤時謫河間鄭縣令因家焉漢史

邢顥字子昂語曰德行堂堂邢子昂學孝廉除行唐令拜太傅尚

書僕射其曾孫文字曾伯尚書吏部侍郎司隸校尉後漢魏志

邢巒字洪賓魏太常貞之後仕魏遷中書侍郎使持節梁州秦州

刺史安東將軍宣武勞遣於東堂曰東南之寄非將軍不可才

兼文武朝野具瞻北史子昕字子明好學除通直常侍

邢晏字幼平博涉經史善談釋老授滄州刺史政清靜吏民安之

嘉蔭移

邢祐字宗祐奉使於宋授平原太守

邢產字神寶善屬文作孤蓬賦詩時所稱仕中書侍郎北史

邢蚪字神彪授尚書左丞多糾正臺閣肅然子臧

邢臧字子良舉秀才太學博士東平太守清慎奉法和雅信厚有長者風弟邵

邢邵字子才十歲善屬文日誦萬言名動衣冠雕蟲技獨步當時文章一出京師為之紙貴仕魏著作國子祭酒兗州刺史在兗州郡治起清觀明月樓 邢巒以文武才內忝機密外寄折衝其偉世之器歟子才少有盛名鼓動京洛學府文宗獨秀當時足為一代模楷

東武劉燕庭氏校鈔

刑峙字士峻學通三禮左氏春秋齊國子助教授太子經義厨宰進菜有邪蒿峙命徹去曰蒿有不正之名非殿下所宜食文宣帝嘉之拜國子博士並詳北史

刑文偉滁州人唐咸亨年典膳丞時孝敬罕見官臣文偉減膳上書太子答曰非義均粥詣渠能進此藥石高宗曰文偉切諫吾兒真直臣也除右史武后除弘文館學士上問移風易俗莫善於樂對曰聖人作樂平人心變風俗末世樂壞為人所

邢君牙瀛州人以戰功歷果毅折衝郎將代李晟鳳翔節度使能屈已下士吐番不敢犯邊韓愈有書

邢曷字叔明曹州濟陰人箋註孝經應九經進士召講師比二卦

嘉蔭移

又取諸經發題太祖美其精博賜上第除國子監丞專講官真宗初置翰林侍講學士命曷首居侍讀東封進禮部尚書上憂雨雪時曷通民事進耒耜歲占三卷占驗災異大者四一人疫二旱三水四牛疫每一歲有一馬有德可禳

邢恕字和叔鄭州人從程伊川受學進士甲科永安主簿呂安公著薦崇文殿校書元豐館閣著作職方員外郎哲宗除左司起居舍人紹聖年龍圖閣知徐州寶文閣侍制知青州刑部侍郎吏部尚書御史中丞子倬居實

邢倬司農少卿館伴國使事載東都事畧

邢居實字敦夫有文章卓世蘇子瞻曰敦夫成童所交皆諸公長

東武劉燕庭氏校鈔

者百未見一遂與草木同盡黃魯直曰謝師復年十六十文章不似少年語方行萬里道出門而車輻折甚矣敦夫之似吾師復也出谷詩哭之曰詩到隋州更老成江山為助筆縱橫眼看白壁埋黃壤何況人間父子情又有答敦夫詩十首敦夫文章有呻吟集有昭君尹

邢惇字君雅雍邱人隱遁不仕真宗幸亳州以布衣召對問治道不對又問對曰上東封西祀已畢臣何言授許州助教不拜

滕 南陽 黃帝子十四姓之一周文王第十二子封滕春秋僖二十四年富辰曰管蔡邠霍魯衛毛聃邠雍曹滕畢原鄆郇文之昭也

滕撫字叔輔九江都尉三公薦其文武才為涿郡太守委兼領六縣道不拾遺風化修明後漢

滕胤字承嗣仕吳尚公主起家拜丹陽太守徙吳郡會稽受儀詔輔翊加衛將軍寵任彌高待士彌勤三國魏志

滕修字顯先廣州刺史感惠綏懷嶺表晉書

滕曇恭事父母孝稱滕曾子南史

滕甫字元發及進士第哲宗除龍圖閣學士知鄆州遷真定太原沿邊政聲威令行西北會淮東京東饑乃於城外營造屋二千五百間活流民五萬餘人初王安石行新法恐甫言之遂除翰林侍讀知定州及入覲力奏新法害民卒諡章敏公

東武劉燕庭氏校鈔

滕宗諒字子京洛陽人及進士第累遷殿中丞明道三年拜司諫正言天章閣侍制知慶州蘇州慶歷四年謫巴陵修岳陽樓范希文作記蘇舜卿書之

曾魯國夏少康封少子曲烈於鄆春秋莒滅鄆子巫仕魯去邑為曾氏

曾點字子皙魯人贈宿伯封萊蕪侯贊曰惟時義方有子誠孝怡怡聖域俱膺是道暮春舞雩咏歌至教師故與之和樂宜召

曾參字子輿南武城人贈邠伯封瑕邱侯贊曰惟孝要道用詳羣生以納百行以通神明因子侍經答曰成經事親之實代為儀型初家貧親老仕莒得粟三秉重祿輕身及親亡齊迎以相楚

迎以令尹晉迎以上卿參重身輕祿曾子曰往而可還者親也
雜牛而葬不如雞豚之逮親存也曾子居衛緼袍無表顏色種
噲手足胼胝三日不舉火十年不製衣正冠而纓絕捉襟而肘
見納履而踵決曳屣而歌商頌聲滿天地若出金石天子不得
臣諸侯不得友故曰養志者忘形莊子子夏見曾子曰何肥也
對曰戰勝故肥吾入見先王之義榮之出見富貴又榮之兩者
戰於胸中未知勝負故矍今先王之義勝故肥也韓子曾子著
大學書傳道於孔子之孫子思

曾偉漢尚書郎

曾致堯字正臣撫州南豐縣進士及第授秘書丞兩浙運使劾奏

東武劉燕庭氏校鈔

諫議大夫知蘇州魏庠太宗曰敢治魏庠可畏也遷三司鹽鐵
判官真宗除京西運使知壽州戶部侍郎致仕年六十六以孫
贈太師密國公善纂錄有仙鳧羽翼三十六卷廣中台志八十
卷清邊節要西郵要記十卷為臣要記十五卷子易簡上書召
試舍人院卒年十五次子易占及第太常博士終贈魯國公易
占生三子鞏布肇

曾鞏字子固年十二能文太學及第太平州司法歐陽修稱其文
名聞天下詔中書以五朝國史付鞏召入集賢歷襄齊洪福明
亮滄七郡太守直龍圖閣中書舍人丁母憂卒年六十五文有
南豐集王震序云南豐先生文章名天下王介甫曰曾子文章

世無有水之江漢星之斗陳無已曰向來一瓣香敬為曾南豐
從曾受學忍著主衣裳為人作春妍不肯師也互見陳姓南豐
類稿五十卷外集十卷行世家藏二萬卷

曾布字子宣嘉祐二年歐陽知貢舉鞏布兄弟四人同及第布宣
州司戶熙寧上表除崇政殿說書不拜改集賢校理判司農
兼校正中書六房公事修起居注知制誥直學士院尚書禮部
起居舍人翰林學士判三司河北察訪使知饒漳廣桂秦慶真
定七郡太守安撫使元豐司馬光執政布戶部尚書元祐龍圖
學士知太原府帥真定青州河陽瀛州江陵弟肇兩易三入玉
殿紹聖樞密定策立徽宗拜尚書右僕射中書侍郎崇寧出判

東武劉蕡氏校鈔

潤州蔡京報怨貶廉州司戶大觀元年卒謚文肅公或云新法
青苗助役皆曾布呂惠卿建織安石曰始終以為可行者曾布
呂惠卿也終始以為不可行者司馬光也擬陳祐甫侍郎戶
乃布婿陳迪之父也蔡京奉爵祿名器宰相乃私其親布子
紆字公亮鄧潤甫彭汝知仕至寶章閣知衢州汪彥章志
其墓紆子惇好學

曾肇字子開元祐中書紹聖年知瀛州徽宗除翰林侍讀兄布拜
相肇草制詞避親出太乙宮歷數郡致堯咸平年知泰州建清
風樓詩云更無塵土當軒起惟有松蘿遶檻生其父易占知泰
州如臯縣肇知泰州建三至堂以元祐黨死年六十二謚文昭

公文有曲阜集五十卷封曲阜開國侯大觀元年八月布卒之
明日肇卒孫暉炎登科

子宣帥高陽作高陽臺衆樂園方成被命兄弟互易金陵寄子
開詩云樓臺丹碧照天涯塞北江南未足誇十里烟波新種柳
萬株桃李未開花一毫同下西江路兩鎮交迎上將牙回首林
塘莫留戀風光還屬阿連家

子開和韻文物河間信可嘉風流江布亦堪誇水南水北千竿
竹山後山前二月花久愧迂儒懷郡綬聊頌雋老駐軍牙兩州
耆舊無多怪魯衛從來是一家

曾季狸字裘甫致堯五世孫自高祖易占徙臨川兄弟登科名所

東武劉燕庭氏校鈔

居曰興魯坊季狸陵陽韓駒東萊呂本中與侍郎李浩莫逆交
端明汪公應辰詩曰四海曾裘甫東萊呂伯恭見人必問臨川
先生太守張孝祥薦其不求聞達築艇齋於城南曰涉趣曰欣
欣曰日佳皆寄興淵明

曾會字宗元端拱年進士第二人與陳堯叟並授光祿寺丞直史
館殿中丞知宣州刑部郎集賢修撰知明州卒子公亮

曾公亮字明仲父會泉州人天聖年會知明州公亮侍一日遊

寺僧夢土地告明白相公來公亮精法令典章朝廷臺韓
琦丞相歐陽修恭政韓琦法令問令而文學才能問元祐
六年吏部侍郎同平章與韓忠獻公同心輔政熙寧三年

拜司空河陽三城節度使大傅侍中致仕年八十謚宣靖公封魯國公子孝 知鄆州州有孟子廟無封爵請於朝廷封鄆國公配享文廟次子孝寬簽書樞密侍父西府時以為榮

曾懋曾開曾幾章貢人懋尚書子二廸造開

幾侍郎卒謚文靖公俱李公澤外孫子孫相繼登科

曾鈺嘉定庚辰及第子三淵鴻冲淵字廣微鴻字儀吉淳祐庚戌方逢辰榜同登科仕至端明尚書知洪州江西安撫使入覲德祐從駕厓山死王事

曾慥字端伯編宋詩選

曾極字景建宋詩人

東武劉氏

能一音耐華陰

能倫唐詩人白居易贈倫詩澗松高百尋四時寒森森臨風有清韻向日無曲陰何如世俗人但賞桃李林豈不知堅貞芳馨誘其心能生舉為文氣高功益深手中一百篇句句披沙金二十年無人振陸沉今我尚貧賤徒為子知音

能延休唐京兆尹

能日宣宋人

新編古今姓氏遙華韻六卷至十卷全



東武別業庭氏抄

程